











# ଆଶୁନ ନିରେ ଥେଲା

ଶ୍ରୀଅକ୍ଷୟାଶଙ୍କର ସ୍ମାରକ

ଡି. ଏମ. ଲାଇବ୍ରେରୀ

୫୨, ବର୍ଗଓୟାଲିଶ ଷ୍ଟିଟ, କଲିକାତା

চতুর্থ সংস্করণ, মাঘ ১৩৫৭

তিন টাকা

প্রচ্ছদপট শ্রীমতী লীলা রায়ের আঁকা ।

এ গ্রন্থের কপিরাইট শ্রীমতী লীলা রায়ের ।

৪২, কর্ণওয়ালিশ স্ট্রিট, ডি. এম. লাইব্রেরী হইতে শ্রীগোপালদাস  
মজুমদার কর্তৃক প্রকাশিত ও ৮৩ বি, বিবেকানন্দ রোড বাণী-শ্রী প্রেস  
হইতে শ্রীস্বকুমার চৌধুরী কর্তৃক মুদ্রিত ।

শ୍ରীମণীন্দ୍ରনাথ বসু

—কে



আগুন নিরে খেলা



## শেষের দিন

সমুদ্র, কিন্তু হৃদেব মতো নিস্তব্ধ। আর খালের মতো সঙ্কীর্ণ। হু'দিকে স্বেচ্ছা পাখিবেব উপব ঘেবাও কবা পোডো জমি। হু'দিকের জমি যেখানে এক তথেষ্ট সেখানে একাটি অতি প্রাচীন হুর্গ, নর্ম্যান্ যুগের হবে। হুর্গেব পাশ দিযে গ্রামের লোকে ঘোডায় টানা কার্ট্ নিয়ে সমুদ্রেব কূলে আসে, কার্টে এ বালি বোঝাই কবে' ফিরে যায়। তাদের বাদ দিলে জন মানব নেই। শুধু জল-পক্ষীরা বিহার করছে।

পেগী উজ্জ্বল দমন কববাব চেষ্টা করে' বল্ল, “মনেব মতো। না, তার বেশী। ইংলণ্ডের সমুদ্রকূলে এত নির্জন জায়গা কখনো সম্ভব?”

সেই দেশবংসলাকে স্মরণ করিয়ে দিতে হল যে এটা দক্ষিণ ওয়েল্‌স্—ইংলণ্ড নয়।

পেগী একটুও অপ্রতিভ হল না। বল্ল, “একই কথা। কিন্তু দেখ দেখ, এব উপরে জল এল কেমন করে? সমুদ্রের ঢেউয়ের অবশেষ?”

## আগুন নিয়ে খেলা

প্রকৃতি-নির্মিত স্লেট পাথরের বাথ, তারই উপর পা ছড়িয়ে দিয়ে  
বসেছিল পেগী আর সোম। পা ছুলিয়ে দিয়ে ও।

সোম বলল, “না গো, এক পশলা রুপ্তি হয়ে গেছে। সবটা জল  
গড়িয়ে পড়বার পথ পায়নি।”

“বটে? আমি ভাবতেই পারিনি। তুমি কেমন কবে’ পাবলে?”

“এ আর শক্ত কী! এত উঠুতে কখনো ঢেউ উঠতে পারে—এক,  
ঝড়ের সময় ছাড়া? আপ বৃষ্টির জল ছোট ছোট গত্ত থেকে কোন পথ  
দিয়ে গড়িয়ে পড়বে শুনি?”

“তুমি বাস্তবিক চতুৰ।”

“তোমার মুখে এই প্রথম প্রশংসার বাণী শুনলুম, পেগী।

“ওটা তোমার স্বরণশক্তিৰ জল, সোম।”

“আমার স্বরণশক্তির দোষ থাকলে ই নও অববি অন্য যবে  
উঠতো না এ জন্মে। মেধাবী ছাত্র বলে’ শাস্যাতীতকেও সাদন করতে  
পারলুম।”

“ইস্, কী অহঙ্কার।”

“মেয়েমানুষে খোঁচা দিলে পুরুষের অহঙ্কার বেশ বড়ো।

“ও মা, কী বিপদ! সিংহের মুখে পড়েছি।”

সোম হেসে বলল, “সিংহটি ভালো। তবু মুখের কাছে নিভয়ে  
মুখ আনতে পার।”

“না, মশাই, অত দুঃসাহসী হয়ে কাজ নেই আমার।”

“আমার আছে। আমার ক্ষুধা পেয়েছে!”



## আগুন নিয়ে খেলা

( রুদ্রিম ভয়ের ভঙ্গী করে ) “আমাকে খাবে নাকি !”

“যদি থাই, কে ঠেকাবে ?”

“চেষ্টা কর ।”

“কার্ট্‌ ওবালাবা কখন চলে’ গেছে । চেষ্টানি শুনে স্বন্দর পাখী-  
শুলোই শুধু উড়ে পালাবে !”

“সমুদ্রে লাফ দিবে পড়ব !”

“হাঙ্গার বাঘ জলেব কমৌরও হতে পারে ।”

( পিল পিল করে হেসে ) “তা হলে কী করব বল না ডাব্লিনি,  
আকাশে উড়ে যাব ।

‘বল, ‘হাব মানলুন’ । ‘চড়ে দেব ।”

“কখনো না ।”

“কোনটা ‘কখনো না’ । হাব মানাটা, না, ছাড়া পাখ্যাটা ?”

‘ত’টেই ।”

“জানি । মেবেদেব স্বভাব ওই ।”

পেঙ্গী ও কথায় কান না দিয়ে সমুদ্রের দিকে ঝুঁকে পড়ে’ বল,  
‘দেখচ ! O Gee !” ( অবিস্কারের আহ্বানে ) ।

ছোট ছোট গুহা কতকগুলো ।

সোম কখনো তার গুহাব কথাই ভাবছিল । বল, “আরেকটু বড়  
গুহা হলে আমরা বাসা বাস্তুম ।”

“মি হ আব হবিন ?”

‘মি হ আব মি হী ।’

## আগুন নিয়ে খেলা

“তবু এতক্ষণে একটা প্রকার বাণী শোনালে।”

“ওটা তোমার স্বরণশক্তির ভুল, পেগ্‌।”

“উঃ, কী ভয়ানক স্বরণশক্তি তোমার!”

“এই নিয়ে তুমি ছ’বার আমাকে প্রশংসা করলে।”

“পাঁচ দিনে ছ’বারই অনেক। নইলে পুরুষমানুষের বড় বাড়ি  
বাড়ে।

“আর মেয়েদের?”

“মেয়েরা তো ছ’বেলা প্রশংসা লুটছে। ওটা ওদের খোরাক।  
যতক্ষণ জোটে ততক্ষণ সহজ ভাবে নেয়, না জুটলেই ফাসাদ।”

“দাঁড়াও, আমি তোমার খোরাক বন্ধ করে’ দিচ্ছি।”

“দোহাই, সোম, যতক্ষণ লগুনে ফিবে না গেছি ততক্ষণ ভাতে মেরো  
না।” (কপট ভয়ের স্বরে)।

সোম বলল, “লগুনে ফিরতে তোমার ইচ্ছে করে, পেগ্‌?”

“এমন জায়গা ফেলে’। কিন্তু কী করব, তোমার মতো প্রচুর ছুটি  
কিন্ধা রুটি তো আমার নেই। খেটে খেতে হয়।”

“বিয়ে কর না কেন?”

“কাকে? তোমাকে?”

“আমাকে।”

“ঠাট্টা করছ?”

“সীরিয়াস্‌লি বলছি।

“পাগল!”

## আগুন নিয়ে খেলা

“পাগল নই, সীরিয়াস্।”

“অন্য কথা পাডো।”

“তুমি জান না আমি কী রকম জেদী। আমার দেশে বলে ‘বাঙালের গোঁ’।”

“জান, তোমার সঙ্গে আমার পাঁচ দিনের আলাপ?”

“এক দিনের আলাপকেও কেউ কেউ এক যুগের মনে করে।”

“আবার এক যুগের আলাপকেও এক দিনে ভুলে যায়।”

“আমি তেমন নই।”

“এখনো তার প্রমাণ পাবার দেরি আছে।”

“বোকা মেয়ে। বর পাচ্ছিলে, ঘর পাচ্ছিলে, খাটুনির থেকে নিষ্কৃতি পাচ্ছিলে—একটা তুচ্ছ কারণে হাতের লক্ষ্মী পায়ে ঠেলে।”

“এক জনের কাছে যা তুচ্ছ অন্য জনের কাছে তা উচ্চ।”

“তুমি মবে!। আমার সব স্বপ্ন ভেঙে দিলে। ভেবেছিলুম লগুনে যখন ফিরব তখন বৌ নিয়ে ফিরব। তখন দু’জনে মিলে একটি ছোট ফ্ল্যাট নেব, তুমি রান্নাবে, আমি খাব, তুমি ঘর-কন্না করবে আমি কলেজ করব। টাকার ভাবনা? আমি যা স্বলারশিপ্ পাই তাতে দু’জনের শাক ভাত খেয়ে চলে!”

“প্রথমত আমি শাক ভাত খেতে চাইনে, দ্বিতীয়ত যা খাই তা নিজের পয়সায় খেতে ভালোবাসি।”

“আমার হৃদয় যদি তোমার হয়, পেগ্, আমার পয়সা কী অপরাধ করুল?”

## আগুন নিয়ে খেলা

“না, না, ওটা আমাদের একেলে মেয়েদের প্রিন্সিপ্ল। স্বামীর টুথ ব্রাশ দিয়ে দাঁত মাজতে যেমন ঘেন্না করে স্বামীর টাকা দিয়ে নিজের জুতার মেটাতেও ঠিক তেমনি।”

“তোমরা একেলে মেয়েরা মরো। পৃথিবীতে সত্য যুগ ফিরে আসুক।”

“(খিল খিল করে’ হেসে) আমরা ম’লে তোমাদের বংশে বাতি জ্বলবে না গো।” (একটু ভেবে) “না, তোমরা সেকেলে কুমাবীদের বিয়ে করবে।”

“খেং।”

“কেন, অসাধারণ কী করবে? আমি জানি আজকালকার অনেক বুঝ মা-কাকিমার সমবয়সীদের বিয়ে করে’ শান্তি পায়। সেই সঙ্গে কিছু টাকা-ও।”

শোম বলল, “ক’টা বেড়েছে সে খেয়াল আছে? না, আজ তোমাব খাবার ইচ্ছে নেই?”

পেগী বলল, “এখান থেকে আমার উঠতে ইচ্ছে করছে না। তুমি বাণ্ড, গ্রামে হোটেল নিশ্চয়ই আছে, আজকের মতো দব নাও।”

“আর তুমি এই আকাশ তলায় হাওয়ায় ভেসে আসতে থাকা কেন। খেয়ে থাকবে?”

“কেন, তুমি খাবার বয়ে দিয়ে যেতে পারবে না?”

“আর শোবাব? বিছানাও বয়ে দিয়ে যেতে হবে?”

“উঃ, কী ভয়ানক তাকিক।”

অগত্যা শোম বাসার আশায় একা চলে। গ্রামের খানিকটে সমুদ্রেব

## আগুন নিয়ে খেলা

ফুলে যাবার সময় অতিক্রম কবেছিল। গ্রামের ভিতর দিয়েই তো পথ।  
স্টেশন থেকে দুর্গ পর্যন্ত তার বিস্তার।

“গুড মর্নিং, স্যর।”

“মনিং। তুমি এই গ্রামের ফলওয়ালা?”

“আজ্ঞে না, আমি পেম্‌ব্রোকের লোক। রোজ এ গ্রামে মোটরে  
করে’ ফল বেচ্‌তে আসি।”

তার ভাড়া সেকেন্ড হ্যাণ্ড মালবাহী মোটরখানার উপর আপেল,  
কমলালেবু, কলা ইত্যাদি দাড়াইলো। সোম ডাবল, ভাব কব্বার সহজ  
উপায় পেগীর ভগ্নে কিছু আপেল কেনা। আপেল খেতে ভালোবাসে  
ব’লেই বুঝি তার গাল দু’টিতে আপেলের বং।

“বেশ, বেশ, চমৎকার গাড়ীখানা। ফলের বাজার কেমন?”

“ভালোব মন্দা যাচ্ছে, স্যর। লোকে টিনে বন্ধ ফল কিনছে, বলছে  
টাটকা ফলের চাইতে খাবাপ কিসে? টাটকা ফল তো ছ’ তিন  
সপ্তাহের পুণে’। জাহাজে কদে’ স্পেন থেকে জ্যামেকা থেকে  
আমদানী। নামেই টাটকা।”

সোম সহানুভূতি দেখিয়ে বলল, “আবে, লোকের কি ছাই বুদ্ধিবৃত্তি  
আছে। ঠাকুর ঠাকুরদা’দেব সেই সত্যযুগ আর নেই।”

“ঠিকই বলেছেন, স্যর। তেমন সম্ভাব যুগ আর ফিরবে না!  
দোকানদারগুলো যেন ডাকাত হয়েছে। শুন্‌লে বিশ্বাস করবেন না,  
স্যর, একটা আপেলের দাম নিয়েছে তিন তিনটে পেনী।”

“আমি তোমাকে তার বেশী দিতে রাজি আছি হে—কী তোমার নাম?”

## আগুন নিয়ে খেলা

“বিল্। বিল্ টমসন্।”

“বেশ নাম। দাও দেখি আমাকে ভালো দেখে চারটে আপেল।”  
( তার দিকে অর্থপূর্ণ দৃষ্টি ফেপণ করে ) “আমার গার্লের জন্তে কিনা।”

বিল্ কার্পণ্য করুল না। ক্ষিপ্ততার সহিত বাছা বাছা চারটে আপেল  
দিয়ে বল্ল, “আর কিছু চাই, স্ত্র ?”

“দাও, গোটা ছয়েক কমলা লেবু। আমার প্রিয় ফল।”

“হবেই তো, হবেই তো। আপনি যে স্পেনদেশের লোক সে কি  
আমি জানিনে? হাঁ, দেশ বটে স্পেন।” ( কমলা লেবু দিতে দিতে )  
“গেহলুম স্পেনের গা ঘেঁষে’ জিব্রাল্টার দিয়ে—মহাযুদ্ধের সময়। তখন  
আপনি খোকা-বয়সী।” ( দিয়ে ) “কিন্তু এখন তো আর খোকা নন্।  
এখন আপনার গার্ল হয়েছে। আহা গার্ল!” ( স্ত্র নামিয়ে ) “অভয়  
দেন তো একটা কথা বলি। স্পেনের গার্লের মতো গার্ল আর হয় না”  
( জিভ দিয়ে চুচ্ চুচ্ শব্দ করতে লাগল, যেন ‘গার্ল’ মানে ‘রসগোল্লা’  
বা ‘চকোলেট্! ) “আর আমাদের ওয়েল্‌সের মেয়ে। বাম, রাম!  
গায়ে যেন গরম রক্ত নেই, বরফ জল। কী বলে ওই যে ওই  
তারগুলোকে!”

“টেলিগ্রাফের তার।”

“না, স্ত্র, ওর ভিতরে আগুনের স্রোতের মতো যা বইছে—কী বলে  
ওকে?”

“ইলেক্টি সিটি।”

“ইলেক্টি সিটি। স্পেনের গার্লের ছোঁয়া লাগলে তিড়িং করে’ উঠতে

## আগুন নিয়ে খেলা

হয়।” ( প্রদর্শন। ) “আহা, সে দিনকাল গেছে, স্মর! যুদ্ধটুকুও আর বাধে না।”

সোম বল্ল, “আচ্ছা বলতে পারো, বিল্, কাছে কোনো হোটেল পাওয়া যায়?”

“হোটেল? এ গ্রামে হোটেল কবে হল? একটা inn আছে বটে। কী নাম—মনে পড়েছে, ‘The Elephant’! আপনাকে নড়তে হবে না, স্মর, আমি নিজেই গিয়ে খবর দিচ্ছি।” এই বলে’ সে সোমের জিন্সায় ভাব ফল ( ও মাছ ) ফেলে রেখে’ অত্যন্ত কাজের লোকের মতো দৃঢ় পদক্ষেপে অদৃশ্য হয়ে গেল।

গ্রামের পথটিও জনমানবশূন্য! ছোট ছোট মেঘেরা গল্প করুতে করুতে চলেছে। সোমকে দেখে তাদের কলরব মৃত হয়ে এল। তারা কোঁতুহলী হয়ে একবার ফিরে তাকায়, একবার মুখ ফিরিয়ে নেয়। সোমের সঙ্গে চোখাচোখি হলে কী তাদের হাবে ভাবে সঙ্কোচ আর মনে মনে ফুটি! দুটি ছোট ছেলে কী নিয়ে ঝগড়া করছিল, সোমকে দূরে পায়চাবি করুতে দেখে’ একেবারে বিস্ময়সূচক চিহ্ন!

বিল্-এর সঙ্গে একটি ব্রাউন্-সুট-পরা ছোকরা এসে bow করে’ দাঁড়াল। সোম বল্ল “এই যে, তোমার ওখানে ঘর খালি আছে?”

“আজ্ঞে, সব হোটেল খুল্ছি। একটা হোটেলের বড অভাব ছিল এ গ্রামে। কিন্তু এখনো সব ক’টা ঘর সাজিয়ে তোলা হয়নি। সাজানো ঘর একটিমাত্র আছে।”

একটিমাত্র আছে। দু’ তিন দিন আগে হলে পেগী ভারি আপত্তি

## আগুন নিয়ে খেলা

কবুত । হুই বা দুই স্বতন্ত্র বিছানা । তবু পুরুষ মানুষের সঙ্গে এক ঘরে শোয়া ? মা গো !

কিন্তু ঘটনাচক্রে দুই-বিছানাওয়ালা ঘরে তাকে শুতে হয়েছে কাল পরশু । তার ফলে তার কিছু পয়সাও বেঁচেছে । ধর্ম যে যাযনি তার সাক্ষী স্বয়ং ধর্ম ।

সোম বন্স, “উত্তম । তুমি দু’জনের আহারের আয়োজন করো । আমরা সন্ধ্যা করে আসব ।”

কে যেন বলেছেন উচ্চ ভাবনা ভাবতে ভাবতে মানুষ উচ্চ হয় । সেই কথাটিকে উপমত্ত করেই বুঝি হোটেলওয়ালা একখানি ক্ষুদ্র বাড়ী সম্বল করে হোটেলের নাম রেখেছে, “Lion Hotel ” অথবা প্রতিবেশী “Elephant” এর সঙ্গে প্রতিযোগিতাবশত ।

একটি রক্তমসী-অঙ্কিত সিংহকে পিছনের দুই পানের উপর দাঁড়িয়ে উদ্ভাষ হয়ে থাকতে দেখে সোম বন্স, “চিন্তে পেরেছ ?”

পেগী বন্স “পেবেছি । এইটেই Lion Hotel ?”

“না, গো । এই সেই সিংহের বিবন, যে সিংহ আজ ক্ষুধা বোধ করছিল ।”

“কী ভয়ানক চক্রান্ত ! নিরীহ প্রাণী আগি, আমাদের আহার করবে বলে’ এ কোন অপকৃপ হোটেল এনে তুললে ?”

ম্যানেজার বলো মালিক বলো সেই ব্রাউন-বঙের-স্তূট পরা অল্পবয়স্ক যুবকটি দবঙ্গা খুলে দিল । এবং ছাট এ ওভারকোট খুলে নিল । তার



## আগুন নিয়ে খেলা

সঙ্গে ছিল সেই ঝগ্‌ডাটে ছেলেদের থেকে একটা। এখন সে অত্যন্ত লক্ষী ছেলেটি—বাপকে ভদ্রতা করতে সাহায্য করছে। তার মা'রও উঁকি মারতে দেবী হলো না এবং স্বামীর ডাক শুনে সে নেমে এল পেগীর হুবুমের অপেক্ষা করতে।

মিষ্টাব ও মিসেস্ হিল্। বাচ্চাটির নাম, বব্।

“আপনাদের ঘরে পৌছে দেব ?”

“না, আমরা লাউঙ্-এ বসব। লাউঙ্ আশা করি আছে ?”

“আছে। কিন্তু তৈরী নেই, প্রব। আপাতত খাবার ঘরটাতে যদি বসেন।”

“কী বলো, পেগী ?”

“তাই করি চলো।”

গদিওয়াল চেয়ারের অভাবে বসে' আরাম হচ্ছিল না। সোম বলল, “পেগ্, এ হোটেলে এনে তোমাকে কষ্ট দিলুম। আর কোথাও যাবে ?”

“স্নেপেছ ? আমরা কি এই ভেবে বেবইনি যে যত অসুবিধেই খটুক কিছুতেই থিট্‌থিট্‌ করব না ?”

“হিসেব যদি কবো, অসুবিধে কি কম ঘটেছে এই পাঁচ দিনে ? ভগবান ! কবে লগুনে ফিরে যাব, আবাম করে' বাঁচব।”

“কে তোমাকে ধবে' রাখ্‌ছে, সোম ? আজই চলো না ?”

“সত্যি ?”

“সত্যি।”

## আগুন নিয়ে খেলা

“তুমি একটি ছোট মিথ্যুক।”

“অমন কথা বলে নিজ মূর্ত্তি ধারণ করুব, সোম।”

“ছিঃ। এই নিয়ে রাগ করে?”

‘না, তুমি যা’ তা’ বলে’ ঠাট্টা করতে পারবে না আমাকে। মিথ্যাকের বাড়া গাল নেই।”

“তুমিও আমাকে যা’ তা’ বলো না? শোধ বোধ হয়ে যাক।”

পেগীর চোখে জল চক্ চক্ করছিল। সে তার উপর হাসির কিরণ ফুটিয়ে সোমের আরো কাছে সরে’ এসে বল, “আচ্ছা, আমার উপর আর তোমার শ্রদ্ধা নেই?”

“দুঃস্থ পেগ্!”

“না, না, সত্যি বলো। তোমার কাছে আমি খুব স্থলভ হয়ে গেছি, না?”

“কিসে তোমাকে এমন কথা ভাবাল?”

“আমি ছেলেমানুষ নই।”

“কিন্তু ছেলেমানুষের মতো আবোল তাবোল বক্ছ যে?”

“ডারুলিং সোম, সত্যি করে’ বলো তোমার চোখে আমি কতখানি নেমে গেছি।”

“বল্?”

“বলো।”

“বল্?”

“বলো।”

## আগুন নিয়ে খেলা

“আমার উপর তোমার একান্ত নির্ভরতা আর আমার প্রতি তোমার একান্ত বিশ্বাসপরায়ণতা আমাকে তোমার চির-কেনা করেছে, পেগ্‌ ডারলিং।”

পেগী এইবার সশব্দ হাসি হেসে বলল, “ওসব নাটুকে কথা একেলে ছেলেদের মুখে মিথ্যে শোনায়, সোম। হয় তো তোমাদের ওরিয়েন্টাল মেয়েরা শুনে সত্যি ভাবতে পাবে।”

“তবে তুমি কী শুনলে সন্তুষ্ট হবে, পেগ্‌?”

“এই দেখ, তুমি নিজ মুখেই স্বীকার করলে যে আমাকে সন্তুষ্ট করতে তুমি ব্যগ্র, সত্যি কথা বলতে ব্যগ্র নও।”

“তোমাব আজ কী হয়েছে, পেগ্‌? এত বিরূপ কেন? সোজা কথাবও বাঁকা অর্থ কবছ যে।”

“তাতে তোমাব ভারি তো আসে যায়!”

সোম সন্ধি কববাব উপায় দেখল সকাল সকাল খেতে বসা। হিল্‌কে ডেকে বলল, “আমরা তৈরী। অপর পক্ষ তৈরী কিনা।”

হিল্‌ বসিকতাটা আঁচতে না পেরে উদ্বিগ্ন হয়ে বলল, “অপর পক্ষ কে, স্মার?”

“আমবা খাদক, আমরা তৈরী। অপর পক্ষ খাচ্ছ, অপর পক্ষ তৈরী কিনা?”

“ওঃ হো হো—মাপ করবেন ম্যাডাম।” সে হাসি চেপে বেরিয়ে গেল।

পেগী হাসতে হাসতে বলল, “কত রঙ্গ জান।”

## আগুন নিয়ে খেলা

সোম ভেবেছিল ক্ষুৎপিপাসার শাস্তি হলে পেগীর চিন্তাশাস্তি হবে।  
কিন্তু সে গুড়ে বালি।

পেগী আরম্ভ করল, “তুমি আমার ঈষ্টাবেব ছুটিটা মাটি করলে  
তোমাকে সঙ্গী করা আমার ভুল হয়েছে।”

সোম যথার্থ আহত হয়ে বলল, “তবে আমাকে যে দণ্ড দেবে আমি  
সেই দণ্ড নিতে প্রস্তুত আছি, পেগ্।”

“প্রাণদণ্ড?”

“দিলে নেব তাও।”

“আবার সেই নাটুকে মিথ্যা। আমি দু'চক্ষে দেখতে পারি। এই  
ভঙামি। সোজা বল, ‘না, এটি পাবব না।’ আমি খুশি হয়ে  
তোমাকে চুসন-দণ্ড দেব।”

“কিন্তু ও যে আমার হৃদয়েব পক্ষে সত্য।

“তবু তোমাব জিজীবিষার পক্ষে অসত্য। ওবা যৌবনে কেউ  
মরতে চাইলেও তার প্রকৃতি তাকে মরতে দিতে চায় না।

“এই যে এত যুবক যুদ্ধে প্রাণ বিলিয়ে দিতে ছুটে গেল।”

“ওটা একটা দারুণ অত্যাচার। পনের প্রাণ লুট করতে এ গেছে  
ওরা। শুধু মরতে নয়, মাবতেও।”

“তবু মরতেও তো?”

“মারবার কথা মনে আনলে মরবার কথা তলিয়ে যায়। অস্তিত্ব দুই  
ঘুলিয়ে যায়। তোমাকে যে প্রাণদণ্ড দিতে বাচ্ছিলুম সে যেন কোট  
মার্শালের হুকুমে দেহালোব গায়ে পিঠ রেখে হাত পা ঠাণ্ডা অবস্থায় বুকের

## আগুন নিয়ে খেলা

মন্দিরধানে গুলি খাওয়া।”

সোম হেসে বল, “দিতে যাচ্ছিলে ? দিলে না তবে ? আঃ, নিঃশ্বাস ফেলে বাঁচলুম।”

“Live and let live—এর চেয়ে বড় ধর্মমত কী হতে পারে ? তবু প্রতিদিন মানুষ এই তত্ত্বকে পদদলিত করছে।”

সোম কপট আক্ষেপের স্বরে বল, “সত্যি। মানুষের ভবিষ্যৎ ভেবে আমি হতাশ হয়ে পড়েছি, পেগী। বিশ লাখ বছর পরে পৃথিবী যদি বরফ হয়ে যায় আর এই মানুষ জাতটা যদি fossil হয়ে যায় তবে আমার ভাবনা যায়।”

পেগী কৌতুক বোধ কবে বল, “কত রক্ত জান ! তোমার মতো লোকের রক্ত-মঞ্চে যাওয়া উচিত।”

“তুমি যাও তো আমি যাই।”

“তুমি আমার কী জান ? রক্তমঞ্চে আমি ছ’বছর কাটিয়েছি।”

“ছেড়ে দিলে কেন ?”

“তোমারি মতো মানুষের জালায়। তিনশো পয়ষট্টি দিন তিনশো পয়ষট্টি জন গায়ে পড়ে’ বলে, ‘আমি তোমাকে ভালোবাসি। তুমি মামাকে বিয়ে কবো।’ শোনো একবার কথা ! ভালোবেসেছেন তুমি মাথা কিনেছেন। সেই আহ্লাদে বিয়ে ক’রে’ গলায় দড়ি দিই !”

“এতক্ষণে জানলুম তোমার হৃৎপিণ্ডটা নেই, কারুর কারুর যেমন ফুসফুস থাকে না।”

“আচ্ছা, একটা কথা জিজ্ঞাসা করি তোমাকে। তুমি তো আমাকে

## আশ্রম নিয়ে খেলা

কিছু কবুবার আশ্রমের ধরেছ। কাল যদি ভাতার মধ্যে বসে,  
যেদের একটা ফুসফুস নেই, তবে তোমার প্রেম কোথায় থাকবে?”

সোম উত্তর দিতে পারল না।

তাকে অপ্রস্তুত দেখে পেগীর ক্ষতি বাড়ল। বল, “এই তো পুরুষের  
—না, না, মাহুদের—প্রেম। তোমার ফুসফুস না থাকা তো দূরের কথা,  
তোমার একটা কান নেই দেখলে আমি তোমার ভালোবাসা প্রত্যাখ্যান  
করতুম।”

“জগজ্জ্যাস্ত দু’হুটো কান দেখেও তো কান দিচ্ছ না প্রস্তাবে।”

“দিচ্ছি নে? এইবার দিই। তুমি বলে’ যাও যা বলবার। বলো,  
‘তোমাকে আমি প্রাণের চেয়ে ভালোবাসি, মর্জের চেয়ে, স্বর্গের চেয়ে,  
সম্মানের চেয়ে, এমন কি কমলা লেবুর চেয়ে।’”

সোম পেগীর দুই গালে দুটি ঠোনা মেরে বল, “আপেলের চেয়ে।”

“বলো, ‘তুমি হেলেনের চেয়েও সুন্দর, তোমার জন্তে আমি ঝুঁইয়ের যুদ্ধ  
জিততে পারি, হারকিউলিস্-এর মতো বারো বার অসম্ভবকে ব কর্তে  
পারি। কী না করতে পারি! কী না করতে পারি! তোমার ব্যাগ  
থেকে টাকা নিয়ে সরে’ পড়তেও পারি।”

সোম আহত হয়ে বল, “পেগী!”

“মনে কষ্ট বোধ করছ? কিন্তু এক পুরুষের পাপের ফল অল্প পুরু  
ভুগতে হবে। সে হতভাগাকে তল্লাস করে’ পাইনি, তোমাকে দেই  
তার প্রাপ্য শাস্তি তোমাকে দেব।”

কোট

“বুচ্ছের খিচাট! উদোর পিণ্ডি বুধোর ঘাড়ে।”

যি বুচ্ছের

## স্বাধীন স্ত্রী

“জীবনে তাই হ’য়ে থাকে। যে লোকটা আমার ব্যাপার নিয়ে  
কৌশল দেখাল তার উপর দিয়ে হয় তো ডাকাতি হয়ে গেছে।”

“ধন্য ধন্য পেগী। আমি তোমাকে সামান্য তরুণী ভেবেছিলুম, তুমি  
জ্ঞানবুদ্ধা। চাই কি দর্শনশাস্ত্রের অধ্যাপক হতে পার।”

পেগী সোম্বাসে বল, “তবে? বিয়ে করে’ আমার ভবিষ্যৎ  
ক’ব? আমার ইচ্ছে আছে তোমার মতো কলেজে পড়’ব।  
অবস্থার উন্নতি হলে।”

“পেগ, আমি মত বদলাতে রাজি আছি। অর্ধঃ ত্যজতি পতিঃ।  
তুমি আর আমি দু’জনেই কলেজে বাব, ফ্রাট নেওয়া নাই বা,  
আমার ল্যাঙলেডী তোমারও ল্যাঙলেডী হবে।”

“তোমার বয়স কত?”

“তেইশ।”

“এই বয়সে বিয়ের ভাবনা ভাব কেন?”

“সুকলেই ভাবে।”

অগ্রায়। তিরিশ পর্যন্ত এ্যাডভেঞ্চার করতে হয়, তার পর বিয়ে।”

“বিয়েটাও কি একটা এ্যাডভেঞ্চার নয়?”

“যারা ও-কথা বলে তাদের বিয়ে করতে আমি চাইনে; বিয়ে  
আমার কাছে সেকরেড্। একবার করলে শেষ বারের মতো করলুম।”

“তুমি রোমান ক্যাথলিক?”

ফ্রান্স্ “আমি ননকনকর্মিষ্ট।”

“আচ্ছা তোমার এ গৌড়ামি কেন?”

## আগুন নিয়ে খেলা

“গোঁড়া হলে তো আজই তোমাকে বিয়ে করতুম গো। নই বলে”  
আরো আট বছর এ্যাডভেঞ্চারে কাটাও।”

সোম বলল, “তুমি মরো। আট বছর কেন আট মাসও আমার  
বৈধ থাকবে না। হয় কাল আমরা বিয়ে করব নয় কোনো দিন  
না।”

“কাল তো আমরা লগুনে ফিরছি। সারাদিন ট্রেনে।”

“তবে পরশু লগুনে।”

“লগুনে আমার ঠিকানা পাবে কোথায়? ষ্টেশনে আমাদের প্রথম  
দেখা, ষ্টেশনে হবে শেষ দেখা। ভিডেওর মধ্যে মাছের মতো তলিয়ে  
যাব।”

“তা হলে আজকেই আমাদের বিয়ে।”

“সে কী!”

“আজ তোমাকে আমার হাত থেকে কে রক্ষা করবে?”

“বলপ্রয়োগ করবে নাকি?”

“আমার ট্যাক্টিক্স আমি ফাঁস করে দেব কেন?”

“ট্যাক্টিক্স আমারও আছে। এ রকম লোকের হাতে এই প্রথম  
পড়িনি।”

“বেশ। আমি বসে’ আমার প্ল্যান কষি। তুমি বসে’ তোমার  
অতীত কালের ব্রহ্মাঙ্গে শান্ দাও।”

“তা হলে কফির ফরমাস করো। যুদ্ধে মরব কি বাঁচব জানিনে।  
জীবনের ক্ষয়ক্ষতি করে নিই।”



## আগুন নিয়ে খেলা

সোম টেবিল্ বাজাল। হিল্ ছুটে এল। “ইয়েস, স্তর ?”

“হু’ পেয়ানা কফি। তোমার আর কিছু চাই ?”

সেগী বল, “আমার ঐ যথেষ্ট। তোমার আরো বল দরকার হয় জো  
আরো কিছু চাও।”

হু’জনে বল সংগ্রহ করতে থাকুক। ইত্যবসরে আমরা পাঠককে  
তার আগের দিনেব ব্যাপার জানিয়ে রাখি।

## তার আগের দিন

পূৰ্ব্বকালের প্রভাত। জানালা দিয়ে সমুদ্র দেখা যাচ্ছে। মেঘলা কয়েকে বলে' আকাশের রঙের সঙ্গে সমুদ্রের রং ম্যাচ করছে না। সোম বিছানায় শুয়ে শুয়ে ভাবছে, আমার তো ঘুম ভেঙেছে, পেগীর ভেঙেছে কিনা। আমি যদি উঠতে গিয়ে শব্দ করি তার ঘুম অকালে ভাঙবে। অকালে নয় তো কী। কাল রাত্রি মনে পড়ে না? পড়ে। ও, কী ছুঁদিনেই গেছে। কিছুতেই :রাত্রে আশ্রয় খুঁজে পাইনে, যদি বা পেলুম কী লজ্জা! একটি ঘরে দু'জনের বিছানা। কখনো এমন ঘটে কারুর জীবনে? কোনো দিন কল্পনা করতে পেরেছি?

সোম আকাশ ও সমুদ্রে উভয়ের রাত্রিযাপন-রহস্য অধ্যয়ন করছে। ভাবছে, কেমন করে' আত্মসংবরণ করলুম? পাশের বিছানায় পৃথিবীর শ্রেষ্ঠ প্রলোভন। যুবতী নারী। তার বিনিময়ে ইংলণ্ডের রাজমুকুট তুচ্ছ, রক্তফেলারের ঐশ্বর্য ছার। ঘুম কি কিছুতেই আসে? তার প্রতিটি নিঃশ্বাসপতনের শব্দ শুন্ছিলুম—যেন এক একটি ডলার। হঠাৎ এক সময় তার নিঃশ্বাস ফেলা থামল। সে পাশ ফিরল। ফিরে লেপটাকে আরেকটু উপরের দিকে টেনে নিল। রাত্রি অন্ধকার হলেও কাঁচের দেয়াল-জোড়া জানালা যেন জানালা নয়; কাঁচের দেয়াল।

## আজ্ঞা নিয়ে খেলা

বাড়ীর সব চেয়ে উচু ঘর, গ্যারেট, ছাদটা ঢালু হয়ে নেমেছে আমাদের পায়ের দিকে। বেশ দেখতে পাচ্ছিলুম তার বব্-করা চুল তার গাল বেয়ে তার মুখ ও চিবুক আড়াল করেছে। ইচ্ছে করছিল হাত বাড়িয়ে সরিয়ে দিই, তা হলে তার শুভ্র মুখখানি রজনীগন্ধার মতো ফুটন্ত দেখায়। কিন্তু সে যে ভীষণ চমকে উঠত। হয় তো চোঁচিয়ে উঠত ‘চোর’, ‘চোর’। অথবা তার চেয়ে যা খারাপ তাই অল্পমান করত! বলত, নাঃ, পুরুষমানুষকে এতটুকু বিশ্বাস করতে নেই। ওয়া মার্জার বৈষ্ণব, স্বযোগ পেলেই নখ দস্ত বের করে।

সোমের বক্ষে নটরাজের তাণ্ডব চলেছিল যতক্ষণ না তার ঘুম এসেছে ততক্ষণ। কামনার ডম্বর ধ্বনি, কল্পিত সম্ভোগের তাতা-থৈ থৈ, অসংঘের ছন্দ। রাত্রে কয়েকবার ঘুম ভেঙে গেলে সোম খালি ভেবেছে, জীবনে এ স্বযোগ ফিরবে না, জীবনে এমন রাত আসবে না—too good, too good! অত্যন্ত দ্রুত গতিতে রাত্রি প্রভাতের অভিমুখে ছুটেছে। মুমূর্ষুর মতো হতাশ হয়ে সোম জীবনের শেষ মুহূর্তগুলির মতো পেগীর নিঃশ্বাসপতনের শব্দ শুন্তে থাকে, শুন্তে শুন্তে কখন ঘুমিয়ে পড়ে।

এই মাত্র তার শেষবার ঘুম ভেঙেছে। এবার প্রভাত। কাপড় ছাড়তে হবে, প্রাতরাশ করতে হবে, তারপর সমুদ্রকূলে খানিক বেড়িয়ে লগুনের ট্রেন ধরতে হবে। আবুহোসেনের আরব্যরজনী পোহাল। পেগীর ছুটি ফুবিয়েছে, পেগী কাল আপিস করবে। লগুনের জমতার মধ্যে সোম তার কেউ নয়, সোমও তাকে খুঁজে নিরাশ হবে।

আসন্ন বিরহের বেদনা তার সম্ভোগকামনাকে লজ্জা দিয়ে চুপ

## আগুন নিয়ে খেলা

করিয়েছিল। আহা, চাইনে সম্ভোগ, চাইনে আর কিছু, সমস্ত জীবনটা যদি এবারকার ঈষ্টারের ছুটি হত তার এবং পেগীর। তারা শুধু পরস্পরের সান্নিধ্যটুকু পেত, গল্প করত, তর্ক করত, এক সঙ্গে খেত, একই ঘরে স্বতন্ত্র শয্যায় শুয়ে পরস্পরকে বলাবলি করত, “গুড্‌নাইট মিষ্টার সোম”, “গুড্‌নাইট মিস্‌ স্টু।”

“হ্যালো।”

সোম পাশ ফিরে দেখল পেগী তখনো তেমনি নিশ্চল ভাবে পড়ে। ঈষ্টার নাম করছে না। নিদ্রা ও জাগরণের মাঝখানকার আলস্যটুকু ভোগ করে নিচ্ছে। শুধু আল্‌গোছে ডাকছে, “হ্যালো।”

সোম বলল, “ঘুম ভেঙেছে আপনার?”

“আপনার?”

“অনেকক্ষণ। সত্যি কথা বলতে কি আমার ঘুম ক্রমাগত ভেঙেছে আর লেগেছে।”

“আমার নাকের গর্জনে?”

“কখনো না। আপনার নাক তো কামান নয়।”

“ক’টা বাজল?”

“আটটা বাজে।”

“উঠতে কান্না পাচ্ছে।”

“আরো আট ঘণ্টা ঘুমন না?”

“উহঁ ট্রেন ফেল্‌ করব।”

“কোথাকার ট্রেন? লণ্ডনের, না, টেন্‌বীর?”

## আগুন নিয়ে খেলা

পেগী গা-ঝাড়া দিঘে বসে, “ওমা, টেন্‌বী গেলে আমার চাকরি থাকবে?”

“কিন্তু টেন্‌বী না গেলে আপনার আফশোষ থাকবে। কাল শুন্‌লেন না টেন্‌বীর স্মৃতি?”

“আমার দেশের সকলি সুন্দর। It is a dear old country. তা বলে’ সব ঘুরে দেখবাব মতো আয়ু আমাব নেই।

সোম নীবব।

পেগী বসে, “আপনাব উংসাহে আমি বাধা দেব না, মিষ্টার সোম।”

সোম অভিমানের স্ববে বসে, “আপনার যে উংসাহ নেই এই আমার উংসাহেব চবম বাধা।”

“অদ্ভুত মানুষ তো? আমাব চাকরিটি নেবেন?”

“তা কি বলেছি? আপনাব চাকরি আপনি সারাজীবন রাখুন।”

“পাবিনে এমন মানুষকে নিয়ে। সলস্বেবী থেকে টানলেন ব্রিষ্টলে। ব্রিষ্টল থেকে পর্থকওলে। টেন্‌বী থেকে নিউ ইয়র্কে টানবেন নাকি?”

“নিউ ইয়র্ক থেকে ইণ্ডিয়ায়।”

“আশ্চর্য্য নয়। কী যাহু আছে আপনাতে! ব্লাক ম্যাজিক্‌ জানেন বুঝি?”

“তা যদি জানতুম তবে আমাব দুঃখ ছিল কী! আপনাকে একদণ্ড চোখের আড়াল হতে দিতুম না।”

“এবই মধ্যে এত! আমি ভেবেছিলুম এই লোকটির যখন কালো চেহারা তখন এই হবে আমার একমাত্র পুরুষ-বন্ধু।”

## আপন নিয়ে খেলা

“তার মানে কী, মিস্‌ স্ট্রাই?”

“আর ঘটা করেন কেন? যা বলে ডাকতে মন চায় তাই বলে ডাকুন।”

“পেগী বলে ডাকব?”

(হেসে) “ডাকলে জিভখানা কেটে ফেলব না?”

“তুমি তা হলে আমাকে কল্যাণ বলে ডাকবে?”

“কী নাম? কলিন?”

“কল্যাণ।”

“কোল্ল্যান!”

“হয়েছে।”

“তা হোক। ও নামে ডাকা শক্ত। সোম বলে ডাকব।”

“কিন্তু একমাত্র পুরুষ-বন্ধু সম্বন্ধে কী বলছিলে, পেগী।”

“বলছিলুম এমন একজন পুরুষ দেখলুম না যে বন্ধুতার মর্যাদা রাখল। দু’দিন পরে নর-নারীর সেই আদিম সম্পর্ক। বন্ধু হয়ে উঠল প্রেমিক। হতে চাইল স্বামী।”

“স্বামী কি নারীর শ্রেষ্ঠ বন্ধু নয়?”

“চাইনে শ্রেষ্ঠ বন্ধু। চাই কতকগুলি পুরুষ যাবা আমার তেমনি দরদী বন্ধু হবে যেমন আমার বন্ধুনি ক্যাথরিন, ম্যারিয়ন, মেবী। আমার অস্থখ করলে তত্ন নেবে, বলবে না যে ‘কী হবে গো! তোমার অস্থখ আমাতে বর্তায় না?’ আমার সঙ্গে দিনেমায় গিয়ে হঠাৎ আমার গলাটা জড়িয়ে ধরবে না, আমি গাল সরিয়ে নিলে আমার কানের উপর চুমু খাবে না।”

## আশুপল নিয়ে খেলা

সোম হাসতে হাসতে বল, “আচ্ছা, আমি সে গ্যারাটি দিচ্ছি। আমি ঠিক গালকেই তাক করবো—আমার লক্ষ্য অব্যর্থ।”

পেগী হেসে গড়াতে গড়াতে যেই খাটের প্রান্তরেখায় এল অমনি লাফ দিয়ে বল, “বন্ধু, চোখ বোজো। আমার কাপড় ছাড়া হয়ে গেলে পরে চোখ খুলতে পাবে।”

সোম চোখ ফিরিয়ে নিল সমুদ্রের দিকে। সেখান থেকে মাইল খানেক দূর। তবু যারা সমুদ্রের ধারে বেড়াতে বেরিয়েছে তাদের বেশ দেখা যায়।

কাপড় ছেড়ে পেগী ঘর থেকে বেরিয়ে গেল। বলে’ গেল, “নীচে অপেক্ষা করছি। দেরি কোরো না।”

খেতে খেতে পেগী বল, “সোম, ভেবে দেখলুম, এত দূর যখন এসেছি তখন টেন্‌বীটা দেখে যাওয়াই ভালো। একদিনের ছুটিব জন্তে তার করে’ দিই।”

“উহঁ। তিন দিনের কমে আমি বাজি নই।”

“সোম, don’t be silly.”

“পেগী, don’t be rude.”

“মাফ চাইছি, সোম।”

“মাফ করবার কিছু নেই, পেগ্‌।”

“You are a dear.” (কোমল স্ববে)

“পেগ্‌ তোমার তিন দিনের মাইনে দেবার মতো সঙ্গতি তোমার বন্ধুর আছে।”

## আগুন নিয়ে খেলা

“কিন্তু তোমাব বন্ধুনী তা নেবে না, সোম।”

“নিক্ নাই নিক্, আমি আমার দাবী ছাড়ব না। তিনটি দিন আমাকে দিতে হবে।”

“সোম, be reasonable, দু’দিন।”

“আচ্ছা, দু’দিন।”

পেগী ও সোম রাত্রে ঘবভাড়া দিয়ে বিদায় নেবে এমন সময় বাড়ীর কত্ৰী এসে সোমকে একখানি অটোগ্রাফের খাতা দিয়ে বলে, “নিজের ভাষায় আপনাব নামটি লিখে দিয়ে যাবেন ? কৃতার্থ হব।”

সোম বলে, “নিশ্চয় লিখে দেব।”

বুড়ী বলে, ““ম্যাডাম, আপনি ?”

পেগী হেসে বলে, “আমাব নিজের ভাষা কি আমি জানি ? সোম, তুমি আমাদের নিজের ভাষায় লিখে দাও।”

বুড়ী তার কথা বিশ্বাস কবুল না। এদেব বং আলাদা, ইংবেজীর উচ্চারণ আলাদা।

কিন্তু পেগী কেন নিজের নামধাম লিখল না ? কাবণ সে কিছুতেই লিখতে পাবত না যে তার নাম পেগী সোম। যদি লিখত পেগী স্কট তবে বুড়ী ভাবত, বটে ? ডুবে ডুবে জল খাবাব আর জায়গা পেলে না ? কাল বারোটা বাত্রে এসে বলে, “ঘরের সন্ধানে চার ঘণ্টা ঘুরেছি, আজকের মত অশ্রিয় দাও।” আইবুড় মেয়ের এই চক্রান্ত।

\*

পার্থকণল থেকে টেনবী যাবাব পথে অনেকগুলো চেঞ্জ। ক্রমাগত



## আগুন নিয়ে খেলা

টেন বদল করতে করতে পাছে লাঞ্চ-এর সময় উত্তীর্ণ হয়ে যায় এই ভেবে তারা মাঝপথে নেমে পড়ল সোয়ান্সী'তে। খুব বুদ্ধিমানের কাজ করল, কেননা সে বাত্রে উপবাস দিতে বাধ্য হওয়া তাদের অদৃষ্টে ছিল। অবশু সে কথা আগে থেকে জানলে তারা ডবল লাঞ্চ খেত, এত খেত যে বাত্রে খাবার দরকাব হত না। কিন্তু তাবা ভবিতব্যজ্ঞ ছিল না। সেইজন্তে সম্মুখে একটা রেস্টোরাঁ দেখে ঢুকে পড়ল এবং ওয়েলশ্-জাতীয়া ওয়েট্রেস্কে ফরমাস দিল যা সাধাবণত খেয়ে থাকে তাই।

পেগী বল্ল, “ওয়েলশ্'বা কেমনতরো funny. যেন ইংবেজই নয়।”

সোম বল্ল, “ইংবেজ না হলেই funny হতে হবে তাব মানে কী।”

“আহা, তোমাকে গায়ে পেতে নিতে কে বলছে? আমি শুধু বলতে চাই ওরা দেখতে আমাদের মতো নয়।”

“আমার মতো নয় সেকথা ঠিক। এবং তোমার মতো নয় সেকথাও ঠিক। অনেকটা কন্টিনেন্টালদের মতো। ঐ ছেলেটিকে লক্ষ্য করো। ঐ যুবকের দলটিকেও।”

“বড বক্ বক্ করে। শিষ্ট হয়ে এক জায়গায় বসে' থাকতে পারে না, নড ছেই চড ছেই উঠ'ছেই বস'ছেই।”

“আমাব এই ভালো লাগে। সর্বদা সব ক'টা অঙ্গ ব্যবহার করছে। আমাব দেশের লোক তাই করে।”

“তবে তোমাব দেশে আমি যাব না।”

“আমার দেশের দুর্ভাগ্য।”

“শুনেছি তে'মার দেশে সাপ আছে।”

## আশুন নিয়ে খেলা

“শুধু সাপ ? বাঘ ভালুক কুমীর । তার চেয়েও বা মারাত্মক, মশা  
মাছি ইত্বর ।”

( রুদ্ধ নিশ্বাসে ) “সত্যি ?”

“সত্যি ?”

“তবে সে দেশে তুমি ছিলে কী করে’ ?”

“আরো তিরিশ কোটি মানুষ আছে ।”

“সত্যি ?”

“বিশ্বাস হয় না ?”

“না ।”

“বইতে পড়ো নি ?”

“বই আমি তেমন পড়িনে । I am not a great reader, you  
know.”

“তোমাদের সাম্রাজ্য । খবর রাখ না ?”

“ইন্ডুলে পড়েছিলুম বটে India is the brightest gem on the  
British crown. আর ওখানকার সবাই ভেঙ্কি জানে । তুমি  
জান ?”

“পাগল !”

“না, না, সত্যি বলো । লুকিয়ে না । লোহাকে সোনা করতে  
পার ?”

“তা জানলে তো আমরা জাত-কে-জাত বড়লোক হয়ে থাকতুম,  
পেগী ।”

## আগুন নিয়ে খেলা

“আর কত বড়লোক হতে? শুনেছি তোমার দেশে অশ্বিনুতি মহারাজা। এই যে তুমি এত দূর দেশে এসেছ বড়লোক বলেই তো পারলে?”

“এর জন্তে অনেক দুঃখ পেয়েছি, পেগ্‌। সে তুমি ভাবতে পারবে না, বন্ধু। তোমার দেশের ছেলেরা যে বয়সে যৌবনকে ভোগ দিয়ে সার্থক করে সে বয়সে আমি ঘরে থিল দিয়ে বই মুখস্থ করেছি, কত বসন্ত দোরে ঘা দিয়ে গেছে, সাড়া পায়নি। আমি যে যুবক সে আমি প্রথম উপলব্ধি করলুম তোমার দেশে পা দিয়ে।”

এর পরে কিছুক্ষণ দু’জনেই নিস্তব্ধে পরস্পরকে নিরীক্ষণ করতে লাগল। মুখে মুছ-মিষ্টি হাসি।

পেগী বলল, “আচ্ছা, তোমার দেশে কুকুর আছে?”

সোম অটুহাস্ত করে বলল, “অসভ্যতা মাফ করো, পেগী। বললে পারতে তোমার দেশে মেয়েমানুষ আছে?”

“সে তো স্বতঃসিদ্ধ।”

“মোটাই না। এমন দেশ আছে যেখানে মেয়েমানুষ নেই।”

“Don’t be ridiculous.”

“ধরো, এ্যান্টার্কটিকা একটা মহাদেশ। সেখানে মেয়েমানুষ নেই।”

পেগী হার মানল। বলল, “তাই তো। তুমি ভয়ানক চতুর। কিন্তু আমার কথার উত্তর দিলে না যে। তোমার দেশে কুকুর আছে?”

“আছে। তুমি কুকুর ভালোবাসো?”

“ভালোবাসি! I worship them.”

## আগুন নিয়ে খেলা

“আশ্চর্য্য নয়। কে যেন লিখেছে ইংরেজরা আগে Godকে পূজা করত, আজ কাল Dogকে পূজা করে।”

\*

আরো কয়েকবার ট্রেন বদল করে’ তারা টেনবীর গাড়ীতে উঠল। তখন সূর্য্যাস্তের বেশী দেরি নেই। তবে ভরসা এই যে ইংলণ্ডের গোখুলি বহুক্ষণব্যাপী।

গাড়ীতে নতুন আলাপীর। চিরন্তন বিষয় নিয়ে আলাপ জমিয়ে তুলছিল। “এমন ওয়েদার কোনো বছর হয় না।”...“যেমন করে’ হোক্ ঈষ্টারের সময়টা বৃষ্টি হবেই। এবারকার ঈষ্টারটা ব্যতিক্রম।”....“প্রতিদিন রোদ্দ। সারাদিন রোদ্দ।”

পেগী ও সোম পরস্পরের মুখ চাওয়া-চাওয়ি করে’ চোখে চোখে হাসছিল। এই চারটি দিন তাহাদের দু’জনের পক্ষে সব দিক দিয়ে সুদিন।

এক .বষীয়সী সোমের সঙ্গে আলাপ করবার ছল খুঁজছিলেন। বললেন, “আপনি আসছেন কোনো গরম দেশ থেকে, না মশাই?”

“আজ্ঞে হাঁ। ইণ্ডিয়া থেকে।”

“সঙ্গে করে’ এই সুন্দর ওয়েদারটি নিয়ে এসেছেন আমাদের জন্তে ”

সকলে সায় দিয়ে বলল, “ঠিক্ ঠিক্।”

সোম সম্মিত প্রতিবাদ করল, “কিন্তু আমি এসেছি কবে!

বছর আগে!”

“দেড় বছর আগে!” ( প্রতিবেশীদের সঙ্গে অর্থপূর্ণ<sup>হুম,</sup> দৃষ্টি বিচি করে’ ) “সেইজন্তে এমন ইংরেজী বলতে পারছেন।”

## আগুন নিয়ে খেলা

“ইংরেজী আমি দেশেই শিখেছি।”

“বটে! ইংলুল আছে ও দেশে?”

“অজ্ঞ।”

বর্ষীয়সী আব কথা খুঁজে পেলেন না। একটি মধ্যবয়সিনী জিজ্ঞাসা করলেন, “ওয়েল্‌স্‌ কেমন লাগছে?”

সোম বলল, “ইংলণ্ডের থেকে এমন কী তফাৎ।”

“আমিও তাই বলি। কিন্তু যাবা ইংলণ্ডে গেছে তারা বলে অনেক তফাৎ।”

“আপনি ইংলণ্ডে যাননি?”

“কবে আব গেলুম। যাই যাই ক’রে’ যাওয়া হয়ে গেছে না।”

সোম বলল, “আপনাকে কিন্তু দেখতে ওয়েল্‌শের মতো নাকি।”

“তা তো হবেই। পেমব্রোক অঞ্চলে এমন অনেক পরিবার আছে যাদের পূর্বপুরুষ ছিল স্লেমিশ্‌ আগন্তুক।”

পথে মধ্যবয়সিনী নেমে গেলেন। যাবার সময় এমন ভাবে ও এমন স্বরে “গুড্‌ বাই” বললেন যেন বহু পুর্বাতন বন্ধুণী।

সোম পেগীব আবার নিকটে সরে’ এলো। পেগী বিনা কাক্যবাযে তার হাতে নাত বাখল। একান্ত নির্ভবেব সহিত। সোম নিজেকে ধন্য জ্ঞান করল। তার অন্তর কানায় কানায় পূর্ণ। সূর্যাস্তটি সুন্দর। ট্রেনটি মৃদু। প্রতিবেশীগুলি সন্তুষ্ট আর তার মাথীটি? সে পোষা পাখীটির মতো তার হাতের মুঠায় নিজের প্রাণটি ভরে’ দিয়েছে।

## আগুন নিয়ে খেলা

পেগী সোমের কাঁধে মাথা রেখে নিশ্চিন্দ হয়ে বইল। তার দৃষ্টি জানালায় ফাঁক দিয়ে সূর্য্যাস্তে নিলীন হয়েছে। সোম অনড অচঞ্চল ভাবে কাঁধ খাড়া রাখল! সে এক কঠোর পরীক্ষা।

অবশেষে ট্রেন টেনুবীতে পৌছল।

তখন গোধূলি লগন। দু'জনে হাত ধরাধরি ভাবে ছোট শহরটিতে রাতের বাসার খোঁজে চলল।

শুটি দুই তিন হোটেল অতিক্রম করল। তাদের হাতের টাকা ফুরিয়ে আসছে ক্রমে। হোটেলের খাই মেটানো যায় না। যদি ছোট বোর্ডিং হাউস্ পায তো উত্তম হয়।

দু'এক জায়গায় বেল্ টিপল। জিজ্ঞাসা করে' উত্তর পেল, এখানে তো ঘর খালি নেই, আর একটু এগিয়ে গেলে পেতে পাবেন। আব একটু এগিয়ে যেতে যেতে তারা যেখানে পৌছল সেখানে সমুদ্র সঙ্গীর্ন হয়ে শহরের মধ্যে প্রবেশ করেছে।

এক জনের সঙ্গে দেখা।

সোম বলল, “বলতে পারেন, এখানে বোর্ডিং হাউস্ পাই কোথায়?”

“কী? আসল সমুদ্রটা কোন্ দিকে? সোজা দক্ষিণ মুখে যান, সমুদ্রে পড়বেন, বাঁধানো ঘাট, বিস্তৃত promenade”

“সে দিকে বোর্ডিং হাউস্ আছে?”

“একটা নতুন সিনেমা তৈরি হচ্ছে। আমরাই তৈরী করছি। তৈরী শেষ হয়ে থাক, আমরা ওখানে একটা মিটিং করব দেখবেন। লেবার পার্টির মিটিং। জানেন, মশাই, জায়গাটা কন্সারভেটিভ দেব

## আগুন নিয়ে খেলা

ঐতিহাসিক সম্পত্তি—বাছাধনরা নড়তে চান না সিংহাসন থেকে। তা ওরা চলে ডালে ডালে তো আমরা চলি পাতায় পাতায়।”

লোকটা বন্ধ কালা ও বাচাল। সোম বলল, “পেগী, কী করা যায়?”

পেগী বলল, “কালকের মত চার ঘণ্টা হাঁটতে পারিনে বাপু। আজকে ঈষ্টার সোমবার, সব জায়গা ভর্তি।”

সোম আরেকবার চেষ্টা করল। “ওহে, শুনছ? আমরা লগুন থেকে আসছি—”

“আমি জানি আপনি টাইবেটান্ (Tibetan), ঠিক কি না বলুন। আমি বাডিজ্‌ম্ (Buddhism) সম্বন্ধেও খবর রাখি, মশাই।”

সোম হাল ছেড়ে দিয়ে বলল, “পেগ, তুমি এইখানে বসো। আমি খোজ করে আসছি।”

পেগী বলল, “ওকে হাত নেড়ে বোঝাতে পার না ইঙ্গিতে?”

সোম বলল, “তা হলে ও ভাববে আমি ওকে কালা বলে উপহাস করছি। রেগে আমার মাথা নেবে।”

যা হয় হোক সামনের টী-রুম্‌সে ধাক্কা মারুব। এই ভেবে সোম পেগীকে পিছনে রেখে খানিক দূর এগিয়ে গেল।

টী-রুম্‌সের দরজা খুলে একটি বৃড়ী প্রশস্ত চক্ৰ দৃষ্টিতে তাকাল।

সোম বলল, “দু’টি মানুষের জগ্রে ঘর দরকার। হবে?”

সোম আশা করেনি যে “হাঁ” শুনাবে। বৃড়ী বলল, “দু’টি ছোট ঘর খালি ছিল। আজই একটিতে লোক নিয়েছি। একটি ছোট ও একটি বড় ঘর খালি আছে। দেখবেন?”

## আগুন নিয়ে খেলা

সোম পরিদর্শন করল। ঘর দুটি স্বতন্ত্র তলায়। বুড়ীকে বলল, “পাঁচ মিনিটের মধ্যে আসছি। বেহাত কোরো না।”

পেগীকে বলল, “তোমার পছন্দ হবে না জানি। তবু নাই ঘরের চেয়ে যেমন তেমন ঘর ভালো। এখন ভেবে বলো একটা বড় ঘর ও একটা ছোট ঘর নেওয়া যাবে, না, কেবল একটা বড় ঘর?”

“দুটো ঘর নিলে টাকা বেশী নেবে?”

“নেবে না? ঈষ্টারের মব্‌স্‌ম।”

“তবে—তবে—”

“বুঝেছি। কিন্তু বড় ঘরটিও যথেষ্ট বড় নয়। তাতে একটা বড় খাট ও একটা ছোট খাট। ছোট খাটটাতে বিছানা পাতা নেই।”

“উপায়?”

“বুড়ীটি ভালো। বললে পেতে দেবে।”

বুড়ী বলল, “তার আর কী! ধোপা-খরচা দিতে রাজি থাকেন তো আরেক সাজ বিছানা পেতে দিচ্ছি।”

সোম বলল, “তা না হয় হল। আমি চার দিন স্নান করিনি মিসেস্‌ উইল্কিন্স্‌। স্নানের ঘর আছে তো?”

“দুঃখিত হলুম, শ্রু। শোবার ঘরে গরম জল দিয়ে আস্তে পারি। গাম্‌লায় স্নান করবেন।”

“অভ্যাস নেই, মিসেস্‌ উইল্কিন্স্‌। তোমরা কোথায় স্নান করো?”

“আমার কথা যদি জানতে চান আমি পঁয়ত্রিশ বছর এই বাড়ীতে আছি। পঁয়ত্রিশ বছর গাম্‌লায় স্নান করে’ আসছি, শ্রু।”



## আগুন নিয়ে খেলা

“সাবাস্! বোধ হয় পঁয়ত্রিশ বাবের বেশী স্নান কব্তে হয়নি, মিসেস্ উইল্কিন্স্।”

বুড়ী আপত্তি কবে’ বল, “না, না, সে কী হয়, স্মার। সমুদ্র এত কাছে। গ্রীষ্মকালে সমুদ্রস্নান কবেছি।”

“ঠিক, মিসেস্ উইল্কিন্স্, তোমারও তো একদিন এ’ব বয়স ও এ’র সৌন্দর্য্য ছিল।”

স্নানের ব্যবস্থা হল। কিন্তু আহাবেব ব্যবস্থা কব্তে পাব্বে কি না শুনে বুড়ী ঘাড় নাড়ল। বুড়ী ও তাব বুড়ো সন্ধ্যাব আগে High Tea খায়, ইতিমধ্যে খাওয়া হ’বে গেছে। বাড়ীতে এমন কিছু নেই যাতে ভ’ত্নেব পেট ভব্তে পাবে। তবে এখানে হোটেলগুলোতে ডিনার-এব সময় উত্তীর্ণ হ’য়ে যায়নি, হোটেলের ডিনার খেয়ে সমুদ্রের বাধেব উপব বেড়িয়ে এলে যদি ক্ষুধা লাগে তবে কিছু ডিম ও রুটি বুড়ী জোগাতে পাব্বে।

\*

বেস্তোবা’ খোলা পাওয়া গেল না। ছোট শহর। ছ’টার আগে অবিকাংশ দোকানপাট বন্ধ হ’য়ে গেছে।

খোলা ছিল কয়েকটি দামী ও নামী হোটেল। কিন্তু সেখানে খাবাব খবচা অনেক। অত খবচ কব্তে পেগী কিনা সোম রাজি নয়। পেগী বেবিবেছিল তিন দিনেব বাসা খরচা সম্বল ক’রে’। তিন দিনের বদলে চার দিন তো হলই, পাঁচ দিনও হ’বে। শুধু তাই নয়। সল্‌স্‌বেরী পর্যন্ত বেলভাড়া সঙ্গে ছিল, তাব চারগুণ দূরে এসেছে। সেই জন্তে

## আগুন নিয়ে খেলা

পেগী আজ তার বাড়ীতে তার করেছে, “টেন্‌বীর ডাকঘরের ঠিকানায় তার করে’ টাকা পাঠাও।” টাকাটা কাল সকালে ডাকঘরে গেলে পাবে খুব সম্ভব। তবু বলা যায় না তো। ডাকঘরওয়ালীরা যা দজ্জাল। যখন পুরুষ কেরাণী ছিল তখন সুন্দরী তরুণীর মুখ দেখে বিশ্বাস করত। এখন ডাকঘরগুলো মেয়ে-কেরাণীতে ঠাসা। তারা বিষম খুঁৎখুঁতে। হয় তো বলবে, “তুমি যে পেগী স্কট তার প্রমাণ কী?” পেগী বলবে, “ক’জন পেগী স্কট এসে তোমার কাছে টাকা চেয়েছে অনি?” মেয়েটা জবাব দিতে না পেরে চটে’ যাবে।

সোম পনেরো দিনের খরচা সঙ্গে এনেছিল, কিন্তু টেন্‌বী পর্য্যন্ত রেল-ভাড়া লাগবে, তার উদ্ভটতম কল্পনাও এতদূর যায় নি। যেন একজন কল্‌কাতা ছাড়বার আগে ভেবেছিল হাজারীবাগ অবধি যাবে, কিন্তু ঘটনাচক্রে উপনীত হয়েছে রাওলপিণ্ডিতে। তাব কল্পনাব দৌড় ছিল গিল্ডফোর্ড পর্য্যন্ত, কিন্তু ভুল গাড়ীতে চড়ে’ সল্‌সবেবী, তার পবে রামমোহন রায়ের কবর দেখতে ত্রিষ্টল। এতদূর যখন এসে পড়েছি তখন ওয়েল্‌সটা মাড়িয়ে গেলে স্কোভ থাকে না। তাই কার্ডিফ পর্য্যন্ত আসা। তারপর থেকে বিধাতার নির্দেশ। কেমন করে’ কী হয়ে গেল, হঠাৎ চলন্ত বাস্‌ ধরে’ পর্থকওল্‌ রওনা হওয়া, ববিবারেব বাত্রি’ বাসা কিম্বা খাবার কেনোটা’ই খুঁজে না পাওয়া, অনেক কাণ্ড করে’ অদ্ভুত অবস্থায় রাত্রিবাস। বাঘ একবার মাস্তুষের স্বাদ পেলে স্বাদ বদলাতে চায় না। আরো নির্জ্ঞানে পেতে পেগীকে চাই, আরো নির্জ্ঞানে। পর্থকওলে বড ভিড, চলো টেন্‌বী। টেন্‌বীতেও ভিড নেহাত কম

## আগুন নিয়ে খেলা

নয়, চলো অন্য কোথাও। সোম ইতিমধ্যে ভাবতে আরম্ভ করেছে কাল পেগীকে নিয়ে কোন ঘুমন্ত পুরীতে যাবে—পেমব্রোক, ফিশ্‌গার্ড, আয়াল'গাও? অন্তত সন্নিহিতবর্তী ম্যানরবিয়ের, যেখানে নর্মান যুগের দুর্গ আছে? ম্যানরবিয়ের যদি যথেষ্ট জনবিরল না হয় তবে পেমব্রোক, ফিশ্‌গার্ড, আয়াল'গাও। টাকা চাই। যা অবশিষ্ট আছে তাকে সঞ্চয় করা বুদ্ধিমানের কাজ। পেগীকে আজ টাকার জন্তে তার করতে বারণ করেছে কত। সেই যখন পেগীকে দূর থেকে দূরতর দেশে নিয়ে চলেছে তখন টাকার ভাবনা পেগীর নয়, তার! কিন্তু পেগী বারণ মানেনি। বলেছে, সুখ যখন আমারও, সুখের দাম তখন আমিও দেব না কেন? ঋণী হতে পারব না, সোম।

সোম ভাবছিল, ভগবান করুন, পেগীর যেন বাড়ী থেকে কাল টাকা না আসে। তা হলে আমার কাছে ধার নিতেই হবে তাকে। শোধ দেবার সময় আসার আগে পেগী আমার প্রিয়া। তখন আমরা শুধু অভিন্ন হৃদয় নই, অভিন্ন পকেট।

তা বলে' পেগী কিম্বা সোম কারুর ইচ্ছে ছিল না যে আজকের রাতটা উপোস দেবে। ও কথা ওরা ভুলেও ভাবেনি। লণ্ডন-ব্রিষ্টলের মতো একটা দস্তা রেস্টোরাঁ পাবেই। টেনবীর এত সুখ্যাতি শুনেছে। এমন একটাও রেস্টোরাঁ পাবে না যেখানে অল্প খরচে নৈশ-ভোজন করা যায়?

সমস্ত শহরটা তিন বার চষে' বেড়াবার পর তাদের চেননা হল যে ন'টা বাজে। এখন হোটেলগুলোতেও ডিনার-এর সময় উত্তীর্ণ হয়ে গেছে। ইতো নষ্টসুতো ভঃঃ।

## আগুন নিয়ে খেলা

পেগী বল্ল, “আমি আর শরীরের ভার বইতে পারছিনে, সোম।  
আমার ক্ষুধাও কখন নষ্ট হয়ে গেছে।”

সোম বল্ল, “লক্ষ্মীটি, এখনো দু’একটা হোটেলের ডিনার না হোক  
সাপার পাওয়া যাবে। আমার কাঁধে ভর দাও।”

পেগী বল্ল, “আমি এইখানে বসে’ তোমার প্রতীক্ষায় রইলুম। তুমি  
থেকে এসো।”

“সে হয় না, দুষ্ট। এক যাত্রায় পৃথক ফল?”

“আমার ক্ষুধা নেই বলে’ তুমি উপোস দেবে? বেশ তো!”

“তোমাকে ফেলে রেখে আমি স্বর্গেও যেতে চাইনে, অমৃতও খেতে  
চাইনে।”

( অতি কষ্টে গিল গিল করে’ হেসে ) “যেমন অবলীলাক্রমে বললে,  
শুনে মনে হল ও কথা অনেক বার প্র্যাকটিস করেছ। প্রেম করতে  
করতে ঝানু হয়ে গেছ। না?”

“মুখে যা আসে বলো। কিন্তু পেট খালি রাখতে পাবে না বলে’  
দিলুম।

“জোব করে’ গেলাবে নাকি?”

“নিশ্চয়ই। তোমার দেহের উপর আমার অধিকার আছে।”

“ইস!”

“ইস কি গো? তুমি না থেকে রোগা হয়ে যাবে, আমি তাই দেখে  
ও তাই স্পর্শ কবে’ স্থখ পাব?”

“যেন তোমার স্বথের ভগ্নে আমার স্থিতি?”

## আগুন নিয়ে খেলা

“নিশ্চয়ই। তোমার স্বথের জন্ত আমার। জ্ঞী পুরুষ পরস্পরের ভোগেব জন্তে।”

“যাও। তর্ক কব্বাব মত শক্তি নেই আমার।”

“তবে আমার কাবে ভব দিয়ে লক্ষ্মী মেয়ের মতো হাঁটো। ঐ যে ফলেব দোকানটা ওটা এখুনি বন্ধ হয়ে যাবে।”

বাস্তবিক দোকানটা বন্ধ হবাব মুখে। সোম ও পেগী এক মিনিট পবে এলে পস্তাত।

“ইয়েস, ম্যাডাম? ইয়েস, শ্রাব?”

পেগী বল, “আমাকে দাও আপেল।”

সোম বল, “আমাকে দাও কমলা লেবু।”

তাবপব দু'জনে সমুদ্রেব বাধেব উপর একটি বেঞ্চিতে বসে' ফলগুলিব সন্ধ্যাব কবল। অন্ধকাব বাত্মি। আকাশে একটিও তারা অন্তপস্থিত নেই। সমুদ্রেব জল আকাশেব মতো কালো অথচ ঘেন ধবল। তাবাগুলি যেন আকাশেব ফেনা, সমুদ্রে ছিটিয়ে পড়ছে।

আপেল ও কমলা লেবু এবা ভাগ কবে' খেল। পেগী আধখানা খায়, সোম বাকীটা শেষ কবে। সোম কিছুটা খায়, বাকীটা পেগীকে খাইয়ে দেয়। আদর কবে' তার মাথাটি বুকেব কাছে আনে, একটি হাতে তাকে জড়িয়ে ধবে' অন্য হাতটি তার মুখেব কাছে নেয়। পেগী যখন হাঁ করে তখন দু'ঠুঁমি কবে' হাত সরিয়ে নেয়, পেগী চটে' গিয়ে বলে, চাইনে আমি খেতে। মুখে কুলুপ লাগায়। সোম তার মুখ খোলবাব ভাণ করে' গাল টিপে দেয়। পেগী হাসি চেপে থাকতে পারে

## আগুন নিয়ে খেলা

না। মুখ খোলে। সেই স্ত্রীযোগে সোম তার মুখে খাবার গুঁজে দেয়।

পেগী বলল, “রাত অনেক হয়েছে। এবার পুলিশে পাক্‌ডাবে।”

সোম বলল, “কেন, আমরা তো কোন অপরাধ করছি নে?”

“কে জানে, বাপু। তুমি যে রেট্‌-এ অগ্রসর হচ্ছে—”

“বাকীটা শেষ করে’ ফেল। যে রেট্‌-এ অগ্রসর হচ্ছে—”

“মিস্‌ সাভিজ-এর মামলা মনে পড়ে? জিম্‌ হাইড পার্কে এক-শো’টা পাহারাওয়ালার অতিরিক্ত বসিয়েছে।”

“টেনবীতে তো বসায়নি?”

“কে জানে বাপু, শুনলে না, কন্‌সারভেটিভ্‌দের পৈত্রিক সম্পত্তি? বাবুরা বেকার সমস্‌তার সমাধান করতে যেয়ে হালে পানি পাচ্ছেন না, ঠাওরেছেন এই করলে বুড়ী ভোটারদের ভোট-এর জোরে অথই পাথার পার হবেন। সেটি আমরা হতে দিচ্ছি নে।”

“তোমরা ফ্যাপাররা তো এবার ভোট্‌ এর অধিকার পেয়েছ। কাকে ভোট্‌ দিচ্ছ?”

“লেবার-কে।”

“ইংলণ্ডের মেয়েদেব আমি চিনি। ডাচেস্‌রা যেদিকে ওরাও সেইদিকে।”

“না গো মশাই। ওদের যথেষ্ট নিজস্ব আছে। ওরাও একটু আধটু চিন্তা করে থাকে।”

“চিন্তাশক্তি থাকলে তো?”

## আগুন নিয়ে খেলা

“অমন যদি বল তোমাকে ধাক্কা দিয়ে সমুদ্রে ফেলে’ দেবো।”

“তাতে করে’ এই প্রমাণ হয় যে তোমাদের বাহুবল আছে। কিন্তু চিন্তাশক্তি?”

“না যদি থাকে কেয়ার করিনে। রূপ যৌবন বাহুবল ও বিত্ত—এই মাহুষের পক্ষে যথেষ্ট।”

“এই যদি তোমাদের ধারণা হয় তবে ভারী যুগের ইংলণ্ডের কী দশা হবে ভাবি।”

“ইংলণ্ডের দশা ভাব্তে হবে না। ইংলণ্ড অমর। Her soul goes marching on.”

পেগী চাঙ্গা হয়ে উঠেছিল। আর কালক্ষেপ করুল না। বেকি ছেড়ে দাঁড়িয়ে বল, “তুমি না স্বান করবে, কথা দিয়েছ?”

“যাঃ। ভুলে মেরে দিয়েছিলুম।”

“এই তো তোমার চিন্তাশক্তির প্রমাণ। এখন এসো। চলং শক্তির প্রমাণ দাও। মিনেস্ উইল্কিন্স্ অভিশাপ দিতে থাকবে।

\*

শোবার ঘরে স্বানের জল দিয়েছে। যে স্বান করবে সে ছাড়া আর কেউ ঘরে ঢুকতে পারে না।

পেগী বল, “তুমি উপরে যাও, স্বান করো গে। আমি ততক্ষণ মিনেস্ উইল্কিন্সের সঙ্গে গল্প করতে থাকি।”

পেগীকে একদণ্ড চোখের আড়াল করলে সোমের চোখ ছিল ছিল করে, একদণ্ড কাছ-ছাড়া করলে সোমের প্রাণ চলে’ যায়। সোম দশ

## আগুন নিয়ে খেলা

মিনিটে “স্নান” শেষ করে’ রাতের কাপড় পরে’ ঠাণ্ডা লাগবার ভয়ে বিছানায় উঠল। কিন্তু যতই অপেক্ষা করে পেগী আর আসে না।

পেগী কি এ ঘরে শোবে না ?

নীচে গিয়ে পেগীকে পাকড়াও করে’ আনবে, সে উপায় নেই। তা হলে পোষাক পরতে হয়, অন্তত ড্রেসিং গাউন চড়াতে হয়। বাহুল্য মনে করে’ ড্রেসিং গাউন সোম আনেনি। সঙ্গে একটা হাত-ব্যাগ এনেছে, তাতে ধরে রাতের কাপড়, কামাবার সরঞ্জাম, অতিরিক্ত টাই-কলার মোজা গেঞ্জি শার্ট। আব দু’চারটে খুচবো উপকরণ। যেটা পরে সেটার বেশা স্টুট আনেনি। সোম বোঝা বাড়াতে ভালবাসে না। তাতে এমনোর সুখ হ্রাস পায়। সোম দেখল পেগীবড় মত তাই। পেগী অবশ্য এক বস্ত্রে আসেনি। তবু একটা স্ট্রকেসে তাব কুলিয়ে গেছে। সোম বয় পেগাব স্ট্রকেস, পেগী ধবে সোমের হাত-ব্যাগ। কুলী করতে হয় না। ট্যাক্সি কবুতে হয় না। পথে চলার সুখ তারা ষোল আনা ভোগ কবুছে।

দরজায় টোকা পড়ল। “ভিতবে আসতে পারি ?”

সোম বল্ল, “আমাব স্নান হয়ে গেছে কখন !”

পেগী দুধেব গেলাসটি সোমেব দুধেব কাছে এনে বল্ল, “Now be a good boy. এটুকু ঢক্ ঢক্ করে’ খেয়ে ফেলো দেখি, যাছ।”

সোম বল্ল, “এ কাঁ ?”

“এর নাম দুধ। ছোট ছেলেরা এই খেয়ে ঘুময়।”

“ছোট মেয়েটির খাওয়া হয়েছে ?”



## আগুন নিয়ে খেলা

“ছোট মেয়েটি স্নান করেনি, গরম ডুধের দরকার বোধ করে না।”

“ছোট ছেলেটির প্রতিজ্ঞা সে একা কোনো জিনিস খাবে না।”

“তং রাখো। ওঠো, খাও।”

“ছকুম?”

“ছকুম।”

“তবে দেখছি উঠতে হলো। কিন্তু পেগ, তুমি একটি চুমুক খাও।”

“কী আবদাবে ছেলে! এমনটি দেখিনি।”

“কী কডামেজাজী ঠাকুমা! এমনটি দেখিনি।”

দুধ খাওয়া শেষ হলে পেগী বল্ল, “লক্ষ্মী ছেলেবা এখন লেপ মুড়ি দিয়ে ঘুময়। ঠাকুমা’ব কাপড ছাড়া দেখে না।”

সোম পাশ ফিরে চোখ বুজল। পেগী কাপড ছেড়ে প্রথমে গ্যাসের বাতি নিবিষে দিল, তাব পবে নিজের বিছানায় লাফ দিয়ে উঠল। পেগীর বড খাট, সোমের খাট ছোট।

“সোম, ঘুগলে?”

সোম গলাব সাহায্যে নাক ডাকাতে লাগল। সেই তাব উত্তর।

“আমি এক। ভেগে থাকি কেন? আমি কিন্তু সত্যি সত্যি নাক ডাকাব।”

সোম বল্ল, “চেষ্টা করলেও পারবে না।”

“ও কৌশলটা তোমাব পেটেন্ট?”

“তুমি জাল করুতে চাইলেও পার না।”

পেগী চেষ্টা করে হাশ্বাস্পদ হল। তাব নিজের হাশ্বাস্পদ।

## আগুন নিয়ে খেলা

কতক্ষণ কেটে গেল।

পেগী হঠাৎ আঁর্ষকণ্ঠে ডাকল, “সোম!”

সোমের ঘুম লেগে আসছিল। একটু ঝাঁঝের সঙ্গে সাড়া দিল।  
“কী, পেগ্।”

“ওটা কী ওখানে দাঁড়িয়ে?”

সোম চোখ মেলে বস, “কোনটা?”

“ঐ যে জানালার কাছে। সোম, আমি মরে’ যাব। উঃ—উঃ—উঃ।”

সোম উঠে বসল। জানালার কাছে একটা ছায়া। গাছের ছায়া হবে। সোম জানালার কাছে গিয়ে স্ক্রীন টেনে দিল। বাইরে থেকে যেটুকু আলো আসছিল—গ্যাস পোষ্টের আলো—সেটুকু গেল বন্ধ হয়ে।  
তখন সোম মোমবাতি জ্বালাল।

“পেগ্।”

“কী?”

“জানালার দিকে তাকাও।”

“না গো। আমার গা ছম ছম করছে।”

“ভূত নয়, পেগ্। গাছেব ছায়া।”

“ভূমি আমার কাছে এসে বসো।”

সোম তার শিয়রে বসল। বস, “এত সাহসী অথচ এত ভীতু ভূমি। সর্ব মেয়েই তাই।”

সোম তার চুলগুলির ভিতর আঙুল বুলিয়ে দিতে লাগল। পেগী নীরবে আদর উপভোগ করতে থাকল।

## আগুন নিয়ে খেলা

সোম বল, “অনেকটা হেঁটেছ আজ। পা কন্ কন্ করছে?”

“করছে।”

সোম তার পায়ের কাছে উঠে গেল। পায়ে হাত বুলিয়ে দিল।  
পা টিপে দিল।

পেগী বল, “উঃ। লাগে।”

“একটু লাগবেই তো। তা নইলে সারবে না।”

পেগী বল, “বড্ড লাগছে।”

সোম বল, “আচ্ছা, আরেকটু আস্তে টিপছি।”

সোমেব নিজেরই নেশা লেগে গেছল। পনের মিনিট কেটে  
গেল। সে থামবার নাম করে না। বলে, “এবার উরু আর  
কোমর।”

পেগী বলে, “আমি আপত্তি করলে কি তুমি শুনবে যে আপত্তি  
করব?”

অর্থাৎ সে সাহসীদে সম্মতি দিল।

তারপর সোম দাবী করল পিঠ।

পেগী বল, “তোমার মাসাজ-এর হাত দেখছি পাকা। কোথায়  
কোথায় প্র্যাক্টিস করেছ?”

সোম বল, “ওটা আমাদের professional secret.”

সোমের শ্রাস্তি ক্লাস্তি ছিল না। পিঠের পরে হাত। একঘণ্টা  
কেটে গেল। রাত তখন বোধ করি একটা।

পেগী বল, “আমাকে ঘুমাতে দেবে না?”

## আগুন নিয়ে খেলা

“আগে তোমাকে স্তম্ভ করে’ তুলি।”

“তুমি যেভাবে অগ্রসর হচ্ছে, আমার শরীরের কোন অঙ্গ বাদ দেবে না।”

“তাতে তোমার লোকসান?”

“লোকসান? মেয়েমানুষের লজ্জা সরম বলে’ কি কিছু নেই?”

“ওটা একটা কুসংস্কার।”

“উঃ, আমাকে ডালকুত্তোর মতো ছিঁড়ে ফেলো না।”

“আচ্ছা, আরো আস্তে।”

সোমের উৎসাহ ক্রমশঃ শ্রীলতার সীমা টপকাতে চায়। বুক।

পেগী বলল “এটি পারবে না। সবাও, সবাও, হাত মরাও।”

সোম অভিমানে খাট থেকে নেমে দাঁড়াল। লক্ষপাত ছিল, কোটিপতি হতে গিয়ে পড়’বি তো পড়’ শূন্যের কোটাঘ। মন্টি কার্লোতে জুয়ো খেলতে গেছল। প্রায় সব পেয়েছিল, সব পাবার লোভে সব খোয়ায়। এখন তাকে গলাধাক্কা, দিয়ে casinoব চৌহদ্দি পাব কবে’ দিচ্ছে।

সোমের মন গেল গলা ছেড়ে কাঁদতে। কিন্তু তার পোকষের অহঙ্কার ছিল। তাইতে তাকে বাঁচাল। সে চুপটি কবে’ বিছানায় ফিরে আসবার আগে এক ফুঁয়ে বাতিটি দিল নিবিয়ে। পেগীকে “গুড্ নাইট্” বলতেও অভিমানে তার মুখ ফুটছিল না। সে ভাবছিল, নাঃ কালকেই লগুনে বওয়ানা হবে, পেগী যা ৩ বৈ ভাবক। কী ই বা তার সঙ্গে সোমের সম্পর্ক। পথে কুড়িয়ে পাওয়া, একটা মেয়ে।

## আগুন নিয়ে খেলা

সোমকে দিয়ে পা টিপিয়ে নিল পর্যন্ত। নিশ্চয়ই অন্ধকারে মুখ টিপে টিপে হান্ছে। ভাবছে, প্রশ্ন দিলুম, দিলুম, দিলুম। খেলিয়ে খেলিয়ে বুকের কাছ পর্যন্ত আনলুম! তার পরে মার্শুম ফট করে' একটা চড়। কুকুর! কুকুর! কুকুর। মাথায় উঠত!

সোম বোধ করি ঘুমিয়ে পড়েছিল। হঠাৎ জেগে বোধ করল কার উকি নিখাস তার গালের উপর পড়ছে। কে যেন আদর করে' তার চোখের পাতার উপর স্নগন্ধিযুক্ত ক্রমাল বুলিয়ে দিচ্ছে। সোম জাগল বটে, কিন্তু অভিমানে কথাটি কইল না। পেগী জানতেই পারল না যে সোম জেগে আছে। সোম বুদ্ধি খাটিয়ে নিখাস ফেলছিল ঠিক যুগ্ম মানুষের মতো।

পেগী সোমের কপালের উপর খুঁকে পড়ল। অনেকক্ষণ ধরে' একটি চুমু খেল। যেন খাওয়া আর ফুবয় না। এক মিনিট যায়, দু' মিনিট যায়, পাঁচ মিনিট যায়। সোম ভাবল, পেগী ঘুমিয়ে পড়ল নাকি?

সোম বলল, “পেগ্?”

পেগী চমক দমন করে' সহজ ভাবে বলল, “ডিয়ার?”—অণেকের জন্তে মুখ তুলে আবার তেমনি ভাবে রাখল। না জানি কত মধু পেয়েছে। শেষ না করে' উঠে যেতে চায় না।

সোম বলল, “পেগ্, স্বার্থপরতার মত একা থেয়ে না। আমাকেও অংশী হতে দাও।”

পেগী বসবার ভঙ্গী বদল করে' সোমের ওষ্ঠের উপর ওষ্ঠ ও সোমের

## আগুন নিয়ে খেলা

অধরের উপর অধর স্থাপন করল। তার বুকের একাংশ সোমের বুকের একাংশ চুষন করছিল।

সোম আনন্দের উত্তেজনায় মূর্ছা গেল। যখন চেতন হল তখন পেগী উঠে গেছে। সোমের হৃদয় বলছিল, আমি পূর্ণ, আমার খেদ রবে না আজকে যদি মরি। দেহ বলছিল, কী জালা! কী জালা! আমার শিরায় শিরায় মশাল জ্বলছে। সমুদ্রে ডুব দিয়ে মব্ব।

সোম বিছানা ছেড়ে অনেকক্ষণ পায়চারি কবল—ধাবে, অতি ধীরে; ঘাতে পেগীব ঘুম না চটে' যায়। জানালার কাছে এসে জ্বীন খুলে দিল। সমুদ্রের হাওয়া ঝির ঝির কবে' তাব গায়ে এসে লাগল। তার দেহ স্নিগ্ধ হল।

আবার বিছানায় ফিরে এল। ভাবতে লাগল, কী আশ্চর্য্য এই জগৎ, কী আশ্চর্য্য মানুষের জীবন! পৃথিবীর এক কোণে তার জন্ম, পেগীর জন্ম আর এক কোণে। তেইশ বছর তাব খোঁজে কাটিয়ে দিয়েছে, এতদিন পায়নি। অকস্মাৎ ভিক্টোরিয়াব ভুল ট্রেনে সাক্ষাৎ। প্রথম রাতে সে স্বল্পপরিচিতা, সৌজন্যময়ী। দ্বিতীয় রাতে সে অবিজিতা রহস্যময়ী। তৃতীয় রাত্রি পর্থকওলে। চতুর্থ বাত্রি এইখানে। চার রাত্রি নয়, যেন চারটি বুগ।

সোম একে একে প্রত্যেক যুগের ইতিহাস মনে লিখতে লিখতে কখন ঘুমিয়ে পড়ল।

## ভারও আগের দিন

ত্রিষ্টলেব একটা residential হোটেলের যে ঘরে লোকে খায় বসে ও স্ন্যাক করে সেই ঘরে সোম বসে' পেগীর জন্ত অপেক্ষা করছিল। পেগী এলে হু'জনে প্রাতরাশ কববে।

ঘরটি লম্বা। একখানি মাত্র টেবিল। সেটিকে ঘিরে প্রায় বিশ জনেব আসন। টেবিলের উপর একতাল রুটি। হু'টি কি তিনটি পাত্রে অনেকখানি জ্যাম্। বোধ হয় হোটেলের নিজের তৈরি। মার্গারিনের মতো দেখতে খানিকটে সস্তা মাখনেব অল্পই অবশিষ্ট আছে। কেননা ইতিনধ্যে ত্রেকফাষ্ট খাওয়া শেষ হয়ে গেছে এবং দেরি করে' বারী উঠেছে তাদের খাওয়া চলেছে।

তাদের প্রত্যেকেই খেতে বসবার আগে একবার সোমকে বলেছে, 'খাওয়া হয়ে গেছে আপনার ?'

সোম বলেছে, "না।"

"আসুন, খেতে বসি।"

"ধন্যবাদ। আমি একজনের জন্তে অপেক্ষা করছি।"

প্রত্যেকের খাওয়া শেষ হয়ে যায়, আরেকবার সোমের সঙ্গে আলাপ জমাবার ছল খোঁজে। বলে, "দিনটা চমৎকার।"

## আগুন নিয়ে খেলা

সোম বলে, “চমৎকার।”

“এবারকার মতো ঈষ্ঠার আর হয় নি।”

“গুন্টে পাই।”

“কোথা থেকে আসছেন?”

“লগুন থেকে।”

“ওঃ, লগুন। তা হলে আমাদের ব্রিষ্টলকে আপনার মনে ধরবে না।”

কেউ বলে, “আমি আসছি কার্ডিফ থেকে।”

“কার্ডিফ? সে কত দূর?”

“এই তো, চ্যানেলের ওপারে।”

“ওয়েল্‌স্‌ দেখতে ইচ্ছে করে।”

“দেখেন নি? দেখবার মতো। Wye Valleyর নাম শুনেছেন?”

“না।”

“সুন্দর।”

“কার্ডিফের কয়লার খনির কুলীদের ভারি দুর্দশা, না?”

“হবে না? ব্যাটারা গোয়ার। হিতবাক্য গুন্বে না। ওদেরই তো দোষ।”

“এ বিষয়ে একমত হতে পার্‌লুম না।”

ঘরের একাংশে কয়েকখানা গাইড্‌ বই ও ডাইরেক্টরি ছিল। সোম পাতা উন্টানোতে মন দিল। খুঁজে বের করতে হবে রামমোহন রায়ের সমাধি-মন্দির শহরের কোন অঞ্চলে। জিজ্ঞাসাও করল ছ'একজনকে।



## আগুন নিয়ে খেলা

“বলতে পাবেন রাজা রামমোহন রায়ের সমাধি কোনখানে?”

“কার, বললেন?”

“রাজা রামমোহন রায়ের। একজন প্রসিদ্ধ ভারতীয়ের।”

(Shrug করে’) “আমার তো জানা নেই। এই এণ্ড্‌জ, জানো একজন ইণ্ডিয়ান মহারাজার কবর এ শহরের কোনখানে?”

এণ্ড্‌জ্‌ জানে না। কিন্তু গোরস্থানগুলোর নাম করল। আজ রবিবাব, ছুঁটোর আগে কোনো গোরস্থানে ঢুকতে দেবে না।

ইতিমধ্যে সোমের মন ওয়েল্‌স্‌-এর দিকে রওয়ানা হয়েছিল। কাল বাত্রে ব্রিষ্টলের যতটুকু দেখেছে ততটুকু তাকে আকৃষ্ট করেনি। লণ্ডনেরই সংক্ষিপ্ত সংস্করণ। ভেবেছিল সমুদ্রেব উপরে। তাও নয়। লণ্ডনের একটা খেলো সংস্করণ। যে নাটক লণ্ডনে বহুদিন অভিনীত হয়ে আগ চলল না সেই নাটক এখানে স্থানান্তরিত হয়েছে। পেগোকে নিয়ে কোনো একটা থিয়েটারে যেত, কিন্তু প্রোগ্রাম দেখে পা সরেনি।

পেগোর প্রবেশ।

(চেয়ার ছেড়ে দাঁড়িয়ে) “গুড্‌ মর্নিং, মিস্‌ স্কট।”

(সম্ভেদ) “গুড্‌ মর্নিং, মিষ্টার সোম। আমার খুব দেরী হয়ে গেছে?”

“খুব না। মোটে দেড় ঘণ্টা।”

“মোটে দেড় ঘণ্টা? আমি ভেবেছিলুম আপনার মুখে শুন্‌ব দেড় শতাব্দী। নাঃ, আপনি poetও না, loverও না, ভুল ভেবেছিলুম।”

“বাক্‌, খাওয়া হয়েছে?”

## আগুন নিয়ে খেলা

“আপনার কী মনে হয় ?”

“হয় নি। কিন্তু কেন ?”

“সেটাও অসুমান করুন।”

“দিন্তা হলে আপনার হাত। তাই দেখে’ বল্‌ব। (তা দেখে’)  
হাতে লিখেছে আপনি পেগী স্কট নামী একটি মহিলাব আসার পথ চেয়ে  
বসে’ কডিকাঠ গুন্ডিলেন।”

“শেষটুকু ভুল। ডাইবেস্টারি ঘাঁটিছিলুম। তার মানে কাজ গুছিয়ে  
রাখছিলাম।”

“সেই কথাই তো আমিও বলি। আপনি poetও না, loverও না,  
আপনি কাজের মানুষ। আমাদের মতো বিছানায় পড়ে’ পড়ে’ পাঁচ  
মিনিট পর পর ভাবেন না যে, থাক্‌ আব পাঁচ মিনিট পবে উঠব।”

“পাঁচ মিনিট আগে উঠলে পাঁচ মিনিট আগে একজনকে দেখতে  
পাব এমন যদি ভেবে থাকি সে কি আমার অপরাধ ?”

“তা হলে অন্তত দরজাব এবটা টোকা মেবে জানিয়ে বেতে হয় যে  
হজুর দেখতে চান।”

“মানুষের ঘুম ভাঙিয়ে দিলে মানুষ তেড়ে মাঝে আসে। অন্তত  
আমি তেমন মানুষ।”

“না, না, আব দেরি নয়। আসুন, খেতে বসি। কই, এরা কি  
কেউ কফি তৈরা কবে’ দিবে দাবে না? কে আছে?” (একজন  
কফি দিয়ে গেল।) “মিঠার সোমের আজকের প্রোগ্রাম কী?”

“আপনারটা আগে বলুন।”

## আগুন নিয়ে খেলা

“আমি মাসিমার বাড়ী যাচ্ছি। সেইখানেই থাকব আজ। কালকের ট্রেনে লগুন।”

“আর আমি যাচ্ছি ওয়েল্‌স্‌। ব্রিষ্টলে আমার মন টিক্‌ছে না।”

“ও মা, তাই নাকি। আমি ভাবছিলাম কে আমাকে কাল ট্রেনে বসিয়ে দেবে।”

“ট্রেনে বসিয়ে দিতে কেউ হয় তো রাজি আছে, কিন্তু কার্ডিফ থেকে।”

“এত চুলো থাকতে কার্ডিফ? আমাদের কাজের মানুষটি কি কয়লার আড়ৎদার?”

“কয়লার কুলীদের ছুরবস্থাটা একবার চান্স্‌স্‌ দেখবার অভিজ্ঞায় আছে।”

“কুংসিতের মধ্যে আপনাকে আমি যেতে দেব না। সে যে আমার দেশের কলঙ্ক।”

(চমৎকৃত হয়ে) “তবে সৌন্দর্যের মধ্যে নিয়ে চলুন। Wye Valleyতে?”

“আজকেই?”

“কাল তো আপনি লগুনে চলেন?”

“তবু মাসিমা আটকাবেন।”

“মাসিমার সঙ্গে দেখা নাই করলেন?”

“বটে! যে কারণে এতদূর এলুম সেইটেকে বিসর্জন দেব?”

“বলুন, ‘যে অছিলায় এতদূর এলুম।’” (সোম মুখ টিপে টিপে হাসছিল।)

## আগুন নিয়ে খেলা

“ভাবছেন আপনাকে ছাড়তে না পেরে এখানে এসেছি?”

“কিন্তু আমি ছাড়তে চাইনি বলে’ এখানে এসেছেন।”

“কী ধুঁকতা!”

“কী কপট কোপ!”

“বেশী চটাবেন না। সবটা মাখন খেয়ে শেষ করে’ ফেল্‌ব।”

“মোটা হবার ভয় নেই।”

“হলে তো বেঁচে যাই। ‘ছাড়তে চাইনে’—বলে’ কেউ পিসী মাসীর প্রতি কর্তব্য ভুলিয়ে দেয় না।”

“কিন্তু মোটা হতে আপনাকে আমি দেব না। সে আমার সৌন্দর্য-বোধের উপর অত্যাচার! অতএব দিন্‌ ওটুকু মাখন।”

\*

পেগী তার মাসিমার সঙ্গে দেখা করতে যাচ্ছে। একলাটি যাবে? মিষ্টার সোম তাকে পৌঁছে দেবেন না?

সোমের বড় সংশোধ বোধ হচ্ছিল। পেগী সঙ্গে তার পথে পরিচয়। মাসিমা যদি জিজ্ঞাসা করেন, “আমাদের পেগীর সঙ্গে আপনার খুব বন্ধুতা, না?” সোম কী বলে’ উত্তর কবে? বলবে, “ছ’দিনেব পরিচয়ে যতটা হয় তার বেশী নয়।” কিন্তু সত্যি তার বেশী নয়? সোম নিজের হৃদয়কে প্রশ্ন কবল। হৃদয় উত্তর না করে’ লাজুক বধূ মতো থর থর করে’ কাঁপতে লাগল।

কিন্তু ফুঁটি করে’ বলবে, “এত বন্ধুতা যে সেই জোরে আপনাকে ‘Auntie’ বলে’ ডাকতে ইচ্ছে কব্ছে।” কিন্তু ফুঁটির পরেই হৃদয়

## আগুন নিয়ে খেলা

নিজ মূর্তি ধরবে। হৃদয়ের কাঁপুনি এত উত্তাল হবে যে কানে বাজবে।

সোম বঁকে বসল। ত্রিষ্টলে তার থাকতে রুচি নেই, সে বায়োটার ট্রেনে কার্ডিফ যেতে চায়। পেগীর কাছে যদি পেগীর মাসিমা-ই হয় বড়, পেগীর বন্ধ কেউ না হয়—তবে পেগী একাই থাক, একাই থাক। আশা করা যায় মেসোমশাই ট্রেনে তুলে দিতে পারবেন, দুই হাতে করে তুলে দেবেন, ছোট থুকাটি কি না।

“বলবেন, ‘Nunky dear, আমাকে দু’হাতে তুলে ট্রেনে চাপিয়ে দাও না? আমি উঠতে গেলে পড়ে’ যাব যে। এমনি করে’ আত্মারের স্তরে বলবেন।” (সোম সুরের নমুনা দিল।)

“উপদেশটা মাঠে মারা গেল। আমার মাসিমা স্মৃতি কাটেন।”

“Spinster? তা হলে তো বোন-ঝি’টিকে পেলে লুফে নেবেন। ছেড়ে দেবেন না কালকের আগে। আমাকে খালি হাতে ফিরে আসতে হবে হোটেল।”

“একা থাকতে পারবেন না?”

“একা যদি থাকতেই হয়, ত্রিষ্টলে কেন?”

“বুঝছি। পথে আরেকটি সঙ্গিনী পাবার আশা রাখেন।”

“একজন যুবকেব পক্ষে কি সেটা অত্যাশা, মিস্ স্টুট?”

“অতি গ্রায়াসঙ্গত আশা। কিন্তু আমাকে আপনি ভাববার কারণ দিয়েছিলেন যে আপনি সকলের মতো নন।”

“কান্দছেন?”

## আগুন নিয়ে খেলা

“কই, না? হান্ছিই তো।”

“তবে বুঝতে হবে হাসি ও কান্না একই জিনিস। অনুমতি দেন তো! চোখ মুছে দিই।”

“ধন্যবাদ। অত গ্যালাণ্টপনা দেখাতে হবে না। বিদায়।”  
(পেগী যাবার জন্ত পা বাডাল।)

“বিদায়।”

(হঠাৎ সশব্দে হেসে) “আমুন না আমার ট্যাক্সিতে? আপনাকে স্টেশনে নামিয়ে দিয়ে যাব।”

“ধন্যবাদ, মিস্ স্কট। কিন্তু আমার ট্রেনের দেবি আছে। পায়ে হেঁটে শহর দেখতে দেখতে যাব।”

ট্যাক্সি চ’লে গেল। সোম ভগ্নহৃদয়ে নিজেব ঘরে ফিবে এল। হাত-ব্যাগটি নিয়ে এখুনি বেরিয়ে যাবে, যৌদিকে দুই চোখ যায়। তারপর ট্যাক্সিতে করে’ স্টেশনে যাবে।

হু’দিনের সান্নিধ্য মিস্ স্কটেব প্রতি তাকে আসক্ত কবেছিল। মিস্ স্কট গেছে, কিন্তু আসক্তি থেকে গেছে। সোম বিছানায় শুয়ে পড়ে’ খানিকক্ষণ কাঁদবে ভাবছিল, যদি আসক্তিটা জল হয়ে কেটে যায়। স্মৃতির বোঝা বয়ে পথে চলা যায় না। পথিকের পক্ষে একটা হাত-ব্যাগই যথেষ্ট বোঝা।

কিন্তু বাসি বিছানায় শুতে তাব প্রবৃত্তি হয় না। সে ব্যাগটা হাতে করে’ করিডর দিয়ে সিঁড়ির দিকে যাচ্ছে, এমন সময় হোটেলওয়ালার মেয়ের সঙ্গে দেখা। তাব হাতের উপর একটা টিয়া পাখী।

## আগুন নিয়ে খেলা

“আর ফিরে আসছেন না, মিষ্টার ?

“না, মিস্।”

“আবার কখনো এলে এইখানেই উঠবেন।”

“যদি কখনো আসি। কিন্তু ‘যদি’ কথাটা ‘আসি’ কথাটার থেকে অনেক অনেক বড়ো।”

“কখনো আসবেন না ?”

“আপনার দেশ তো আমার দেশ নয়, মিস্। আমার দেশে ফিরে যেতে হবে না ?”

“আপনার মা-বাবা এদেশে নেই ?”

“দেশে দেশে আর সব পাওয়া যায়। টিয়া পাখা পর্যন্ত। কিন্তু মা-বাবা একটু ছুঁপাণ্য। না, মিস্ ?”

( সকৌতুকে ) “টিয়া পার্থী আপনার দেশে পাওয়া যায় ?”

“ঝাঁকে ঝাঁকে। ক’টা চান ?”

“তা বলে’ আমার জিম্-এর মতো টিয়ে কখনো পাওয়া যাবে না। যা বলেছেন, একটু ছুঁপাণ্য। দেখুন, দেখুন, কেমন ছুঁ। কামড়াতে চায়। আমি ওর মা, আমাকে ও কামড়াতে চায়। যেন আমি ওর খাত্ত : লক্ষ্মাছাড়া ছেলে।”

সোম একটু আদর করল টিয়াটিকে। আদর করলে কামড়াতে আসে। সোম মনে মনে বলল, “মুয়ে বাজুঘের মতো।” মনে মনে হাসল। উপমাটা ঠিক হয়নি বটে, কিন্তু নিষ্ঠুর হয়েছে। মিস্ স্বটকে শোনাতে পারলে গায়ের আলা মিটত। কিন্তু মিস্ স্বট ঠিকানা দিলে

## আগুন নিয়ে খেলা

ষায় নি। এত বড় জগতে যাকে একদিন অকস্মাৎ পেয়েছিল আজ তাকে অকস্মাৎ হারিয়েছে। মিস স্কট যেন একটা স্বপ্ন।

“তাহলে বিদায়, মিস।”

“বিদায়। কিন্তু আসবেন, বুঝলেন? দেশে যাবার আগে একবার আসবেন।”

‘আমার যাবার বেলায় পিছু ডাকে’। সোম যখনি যেখানে যেত সেখানে ভালোবেসেছে ভালো বাসিয়েছে। কত জনকে কথা দিয়ে-ছ, “হাঁ, আসব বৈকি, আবার একদিন আসব।” কিন্তু পারে না যেতে। শুটা শুধু কথার কথা। উভয় পক্ষের সাময়িক সন্তোষের জন্ম।

সোম ট্রাম পেল না। রবিবার সকাল বেলা ট্রাম-চলাচল একাধিকে ইংলণ্ডের সর্বত্র। পায়ে হেঁটে অলি-গলি দ্বন্দ্বিত্তে ঘুরতে এবার পার্কে গিয়ে পড়ল। সেখানে পলিটিক্যাল বক্তৃতা শুনল। তাবপব নদী দেখতে গেল। ছোট নদী। নাম Avon কিন্তু শেকস্পীয়াবাব Avon নয়।

পরিশেষে ষ্টেশনে পৌঁছল।

কিন্স কার্ডিফের টিকিট। ট্রেন প্লাটফর্মে দাঁড়িয়ে। মিনিট পনেরো পরে ছাড়বে। সোম একটি জায়গা দখল কবে’ হাত ব্যাগাউ রাখল। প্লাটফর্মে নেমে পায়চাবি কব্ধে থাকল। রবিবারের কাগজ বিক্রী হচ্ছিল। খান দুয়েক কিনল। মিস স্কটের জন্ম তার মন কেমন-করা কমে’ এসেছে, মন উন্মুখ হয়েছে Severn নদী দেখতে। Severn নদীর তলার স্রুঙ্গ দিয়ে যেতে কতক্ষণ লাগবে সোম তার হিসাব



## আগুন নিয়ে খেলা

করছে। Severn নদী যেখানে সমুদ্রে মিশেছে সেখানটা নদীর বহুগুণ চওড়া।

সোমের বামরায় কারা কখন জায়গা নিয়েছে সোম লক্ষ্য করেনি। সোম যেখানে Severn Tunnel এর ছবিও নয়নে রবিবাসরীয় পত্রিকার ছবি দেখেছিল। ট্রেন ছাড়বার সঙ্কেত শুনে কাগজ থেকে চোখ না তুলেই কামরায় উঠে বসল। তাবপর অনেকক্ষণ ধরে Sunday Pictorial এ নিবিষ্ট রইল।

হঠাৎ ভূত দেখলে কেমন বোধ হয় সে অভিজ্ঞতা আমাদের প্রত্যেকেরই আছে। সোম প্রথমটা কাঁঠ হয়ে গেল। তার হৃদস্পন্দন বন্ধ, নিঃশ্বাস প্রশ্বাস স্থগিত, দৃষ্টি পক্ষাহত। কয়েক মিনিট—কয়েক ঘণ্টা—কেটে গেলে তার লাফ দিয়ে দাঁড়াল। যেন স্প্রিং-যুক্ত কলের পুতুল। সাহস হচ্ছিল না, তবু দুই হাত দিয়ে পেগীকে স্পর্শ করে জিজ্ঞাসা কবল, “মাফ করবেন আমাকে। আপনি কি পেগী স্কট? না, আমার মতিলম?”

কামরায় লোক ঠাসা। একটা কালো মানুষের কাণ্ড দেখে সকলেবই চক্ষু স্থির। পেগী চট করে সোমের অবস্থাটা আন্দাজ করে নিল। পরম বিশ্বাসের ভাণ করে বলল, “হ্যালো! আপনি এখানে! আমার পাঁচ বছর পবে দেখতে পাওয়া বন্ধু মিষ্টার সোম! এতক্ষণ চিন্তে পারিনি বলে মাফ করবেন তো?”

এই বলে পেগী তাকে হিড হিড করে টেনে কামরার বাইরে করিডরে নিয়ে গেল। সোম তখনো অপ্রকৃতিস্থ। পাঁচ বছর আগে সে তো ভারতবর্ষে ছিল।

## আগুন নিয়ে খেলা

পেগী বলল, “অগ্নমনস্ক মানুষ ঢের দেখেছি, কিন্তু এমনটি এই প্রথম।  
ছি-ছি, এক গাড়ী মানুষের সামনে কী রঙ্গই বুলেন?”

“কিন্তু আমি এখনো বুঝতে পারছি নে, মিস্ স্কট—”

“মাসিমাকে মিথ্যে বলে’ পালিয়ে এসেছি। বলেছি, ‘কার্ডিফে আমার ইয়ং ম্যানের সঙ্গে যাচ্ছিলুম, পথে পডল ব্রিষ্টল, ভাবলুম আপন মাসিমার সঙ্গে দেখা না করে’ গেলে ঘোর অকৃতজ্ঞতা হবে’ মাসিমা বলেন, ‘তবে তোকে আটকাব না, পেগ্। শেষকালে অভিশাপ দিবি। তোকে ট্রেনে দিয়ে আসব?’ বললুম, ‘ধন্তবাদ, মাসিমা। কিন্তু আজ কালকার মেয়েরা chaperon দব্কার কবে না। তাতে করে আমার ইয়ং ম্যানকে অ-পদস্থ কবা হয়। যার বা কাজ।’ মাসিমা খুব হাসলেন। বলেন, ‘তাকেও এখানে আন্লিনে কেন, ছুঁড়ি!’ আমি তার কী জবাব দিই বলুন! আপনি কি আমার মুখ রেখেছেন? বললুম, ‘তারও এখানে একটি পিনীমা আছে’।”

সোমের হাসি আব থামে না।

এদিকে Severn নদীর সুডঙ্গও আব আসে না। সোম সে কথা ভুলে গেছল। কিন্তু তার কামরায় বারান্দা ছিল তারা ঐ পথ দিয়ে সকাল সকাল বাড়ী পৌঁছানোর জন্তে উৎকণ্ঠিত। ব্রিষ্টল থেকে কার্ডিফ যাবার ছুটো রেলরাস্তা। একটা সুডঙ্গ দিয়ে সংক্ষেপে, অগ্নটা নদী যেখানে সঙ্কীর্ণ সেইখান অবধি গিয়ে সেতুর উপর দিয়ে।

সোমরা যখন কামরায় ফিরে এল তখন তাদের আচরণ সম্বন্ধে কাকুর মুখভাবে কোনো সন্দেহ বা কোতুহল বা নিন্দা প্রকাশ পেল না।

## আগুন নিয়ে খেলা

সকলে ভাবছে ট্রেনের আচরণের কথা। সে যে এমন করে' দাগা দেবে কেউ প্রত্যাশা করেনি। তারা তাই নিয়ে উত্তেজিত হয়ে তর্ক করছে। সোম ও পেগী তর্কের আসরে ভিড়ে গেল। সুডঙ্গটা ফস্কে গেল বলে' সোমের আফশোষ সকলেব আফশোষকে ছাড়িয়া যাচ্ছিল। অগ্নদের আফশোষ তো এই যে অগ্নেরা যথাসময়ে মধ্যাহ্নভোজন করু'ত পাবে না। একটি মেয়ে প্রত্যেকের কাছে একবার কবে' দুঃখ জানাচ্ছিল এই বকম যে, সুডঙ্গের ওপাবের ষ্টেশনে তাকে নেবার জন্তে একজন (অর্থাৎ তার ইয়ং ম্যান্) এসে নিরাশ হবে। আব এই যে ট্রেনটা এটাও যুবে ফিবে সেই ষ্টেশন দিযেই কার্ডিফ যাবে। একেবারে ওদিক মাডাবে না এমন নয়। কিন্তু অন্তত একটি ঘণ্টা দেরি কব্বে! কী জানি!

সোমেব সঙ্গে এক টেকো বুডোব গল্প চল্ছিল। বুডো, তার বুড়ী ও বন্ধুবা মিলে জ্যামেকা বেডাতে গেছল। এই ফিব্ছে। সঙ্গে বিস্তর তোডছোড়। ওরা শুধু হেঁটে বেডাবনি, সে তাদের গলফ খেলার বহুল উপকরণ দেখে অনুমান কবা যায়।

এও তো ইণ্ডিজ্, সেও তো ইণ্ডিয়া, তবে জ্যামেকার সঙ্গে ভারতবর্ষের তফাৎ কী! টেকোর প্রশ্নটা হল এই ভাবের। সোম খতমত খেয়ে বয়, “তাই তো।”

সোম ভেবে বল্ল, “ভারতবর্ষে আম হয়।”

টেকো বাঁধানো দাঁত বেব করে' বল্ল, “জ্যামেকাতেও আম হয় আমরা খেয়ে এসেছি, না ডরোথী?”

## আগুন নিয়ে খেলা

দ্বী বলেন, “সঙ্গে কবে’ও কিছু এনেছি।”

\*

কার্ডিফে নেমে সোম ও পেগীর প্রথম ভাবনা হল এই অবেলায় কোনো রেষ্টোরাঁতে পেট ভরে’ খেতে পাওয়া যাবে কি যাবে না। কিন্তু পাওয়া গেল। ষ্টেশনের কাছেই বেস্টোব’। ক্ষুধার পরিমাণ অনুসারে খাওয়ার পরিমাণ স্থির করে’ ওয়েট্রেস্কে বল্ল, “জলদি করো।”

গল্প কব্বার মতো শক্তি হু’জনের কারুর ছিল না। হু’জনে হু’জনের কথা ভাবছিল। আর মুচকে মুচকে হাসছিল। কেই বা ভেবেছিল আবার তারা এক সঙ্গে খেতে বসবে? পরস্পরের সান্নিধ্য পাবে? পরস্পরের সাক্ষাৎ পাবে? কেউ কাকব ঠিকানা জান্ত না। ধরো যদি বারোটোর গাড়ীতে সোম না আস্ত, আস্ত আগে কিম্বা পবে, তবে পেগী কি কোনো দিন তার দিশে পেত? সম্ভবত কোনো ভাবতীষ ছাত্রকে জিজ্ঞাসা কব্ত, “মিষ্টার সোমকে চেনেন?” কিন্তু ভারতীষ কি লগুনে দশটি বিশটি আছে? আব মিষ্টার সোম যে দশ বিশ জন নেই তারই বা কোন স্থিরতা? সোমের ‘থ্রীষ্টান নাম’টা পর্য্যাপ্ত পেগীর জানা নেই। পেগী হয় তো বুদ্ধি খাটিয়ে ‘টাইমস্’ সংবাদপত্রের প্রথম পৃষ্ঠায় বিজ্ঞাপন দিত : Shome. Meet me at Piccadilly Circus on Saturday at 1-30—Peggy. কিন্তু সে বিজ্ঞাপন হয় তো সোমের চোখ এড়িয়ে যেত। আব পেগী যে ‘টাইমস্’ কাগজে বিজ্ঞাপন দিত এমন সম্ভাবনা অল্প। পেগীর প্রিয় কাগজ, ‘ডেলী মিরার।’ ওখানা

## আগুন নিয়ে খেলা

সোমের চোখে পড়ে না। তবু সোম হয় তো মাস খানেক ‘ডেলি মিরার’-এর প্রত্যেকটি বিজ্ঞাপন অধ্যয়ন করত।

পরিতোষপূর্বক ‘আহার সমাপন হবে’ ছ’জনে চল কাডিক দেখতে।  
পরিস্কার তক্তকে শহর। ব্রিষ্টলের চাইতে সুখদৃশ্য।

সোম বল, “কই, কুংসিত নয় তো?”

পেগী বল, “যেদিকটা গবীব লোকরা থাকে সেদিকটা কুংসিত। কিন্তু সেদিকটা আপনি দেখতে পাবেন না।”

এই বলে’ পেগী তাকে পেনার্থ নামক উপকণ্ঠে যাবার বাস্-এ তুলে দিয়ে নিজেও উঠে বসল।

পেনার্থ সমুদ্রের উপকূলে। তার অনতিদূরে বনানী। দিনটিও সেদিন ছিল রৌদ্রময়ী। সোম মুগ্ধ হয়ে গেল। বল, “আমার যদি দেদার টাকা থাকত আমি সমুদ্রের থেকে ত্রিশ হাত দূরে ওরি একটা হোটেলে সাত দিন থাকতুম। কিন্তু যা আছে তাতে ছশো হাত দূরের একটা বেডিং হাউসেও বুলাবে না। অতএব আমবা আজ রাত্রিটা পেনার্থে কাটালুম না, মিস্ স্কট।”

পেনার্থ ত্যাগ করতে তাদের পা সরছিল না। কাডিকে ফিরে এল। সেখানে পেগী বল, “ভালো কথা। মাসিমা বলছিল, “তোরা ইয়ং ম্যানকে বলিস্ পর্থকওল যেতে। কাডিক থেকে বেশী দূর নয়। ছোট গ্রাম, কিন্তু অত্যন্ত স্বাস্থ্যকর।”

সোম বল, “তাই চলুন। হয় তো অল্প খরচে সমুদ্রের ধারে বাসা পাব।”

## আগুন নিয়ে খেলা

পৰ্থকণ্ডল-এর বাস্-এর অপেক্ষায় আছে এমন সময় চিরকুটপরা একটি রোগা মানুষ তাদের সামনে হাত পাংল। “একটি পেনী দিন্।”

পেগী বল্ল, “ভাগ। নইলে পুলিশে ধরিয়ে দেব। ভিক্ষা করিস্ কেন?”

“রাত্রে মাথা গুঁজ্বার অশ্রয় চাই যে।”

“খেটে খাস্নে কেন?”

“হা হা হা। তার উপায় কি আপনারা রেখেছেন? কাগজ দেবেন না ভাতও দেবেন না, দিতে পারেন কেবল পুলিশে।”

সোম বল্ল, “তুমি খনিব কুলি?”

“আমি খনির কুলি!”

পেগী বল্ল, “দেশের শত্রু।”

“কারা শত্রু তা বোঝা গেছে।”

সোম তাকে ছ’জনের হয়ে ছ’টো পেনী দিবে বল্ল, “তোমরা তো দেশের লোকের কাছ থেকে অনেক দান পাচ্ছ, তবু বাত্রে শোবার জায়গা পাও না?”

“পেলে ভিক্ষা করি মাধে?”

“কাগজে তো লিখ্ছে—”

“কাগজ ওয়ালারা আমাদের শত্রু।”

পেগী বল্ল, “যা, যা, বাজে বকিস্নে। দেশশত্রু তোদের শত্রু।”

“বিশ্বাস করুছেন না। আমি অবিবাহিত বলে’ দানের অংশ আমাকে নামমাত্র দেয়!”

## আগুন নিয়ে খেলা

“তাই বল। কিন্তু সবাইকে শত্রু ঠাওরাসনে।”

লোকটা চলে’ গেলে সোম বল, “লোকটা কী তেজস্বী!”

পেগী বল, “আমার দেশের সবাই তেজস্বী। তাই আমাদের ঘরোয়া বিবাদ গেল না। দেখ না ওরা বাড়াবাড়ি করে’ কী ক্ষতিটাই করা’ল। অবশ্য আমি খনির মালিকদেবও ক্ষমা করিনে। ছ’পক্ষই দেশের শত্রুতা করেছে।”

পর্যকগুলের বাস্ যখন এল তখন ছ’টা বেজে গেছে। অল্পক্ষণ পরে গোধূলির আলোটুকুও রইল না। অন্ধকারে বাস্ চলতে লাগল ছোট ছোট গ্রাম ছাড়িয়ে। পেগী ও সোম খুব কাছাকাছি বসেছিল হাতে হাত রেখে। তারা আজ উভয়ে উভয়েব জন্মে অনেক দুঃখ পেয়েছে, বিচ্ছেদের দুঃখ। বিচ্ছেদের পবে মিলিত হয়ে অনেক সুখও পেয়েছে। সুখ দুঃখের অতীত একটি সহজ প্রাপ্তির ভাব তাদের বিভাব কবেছিল। তাবা সঙ্গী ও সঙ্গিনী। এই সম্পর্কটি অন্য কোনো সম্পর্কের মতো ধরাধাঁধা নব। পরস্পরের কাছে তাদের কোনোরূপ বাধ্যবাধকতা নেই। প্রেমের মধ্যে দায় আছে—দেবার ও পাবার তাড়না। যাবা ভালোবাসে তাবা পরস্পরের অধীন। একেবারে ক্রীতদাস। বন্ধুতাও প্রেমধর্মী। সেও এক প্রকার বাঁধন। কিন্তু সাথীত্ব জিনিষটির মধ্যে মুক্তি আছে। ও যেন পদ্মপত্রের সঙ্গে বারিবিন্দুর সম্পর্ক। কিংবা তুণের সঙ্গে শিশিরবিন্দুর।

কাল আমরা লগুন ফিরব। সেখানে কেউ কারুর কথা ভুলেও ভাবব না, কেউ কারুর নাম মনেও আনব না। আমাদের নিজের

## আগুন নিয়ে খেলা

নিজের কাজ আছে দল আছে। আব লণ্ডন শহরটাও একটা গোলক-  
খাঁধা। কে কোন পাড়ায় থাকে ছ'মাসে একবার খবর নেওয়া হয়ে ওঠে  
না। আমি গেলুম তোমাকে দেখতে Crouch Endএ, তুমি গেছ আর  
কাউকে দেখতে Golders Greenএ। ফোন করলুম, চিঠি লিখলুম,  
তবু তুমি জরুরি কারণে বাড়ী থাকলে না।

সেই জগ্গে লণ্ডনের বাইরে যে দু'টি মানুষ একত্র হওয়া মাত্র এক হয়,  
লণ্ডনে ফিরে এলেই তাবা আবার সেই একাকী। পৌনে এক কোটি  
লোকের মাঝখানেও একাকী। প্রত্যেকেই দল আছে, কিন্তু একাকী  
একাকিনীর দল। কেউ ককব সাথী নয়। লণ্ডনে প্রেম হয়, বন্ধুতা  
হয়, কিন্তু সাথীত্ব হয় না।

অন্ধকার সন্ধ্যায় নির্জন প্রান্তর দিবে বাস ছুটেছে। পেগী ও সোম  
দু'টি দু'ব দেশের পাখীর মতো আকাশের পথে পাশাপাশি ডানা  
চালাচ্ছে। কাল যখন সন্ধ্যা হবে তখন আত্মকের সন্ধ্যা ভগতেও  
থাকবে না স্বরণেও থাকবে না। সোম হয় তো পেগীর সাথীদের  
লোভে লণ্ডনে ফিরবে, কিংবা আরো পশ্চিমে যাবে—এক দাক্ষিণ  
আয়াবলগু'টাও কাবাব করে' আসবে। আবার যেন এত খবচ কবে'  
ওয়েল্‌স্ দিয়ে আয়াবলও না যেতে হয়। ইকনমি বলে' একটা কথা  
আছে তো।

বাস যখন পৰ্খকণ্ডে থামল তখন আটটি বেজে গেছে।

পেগী ও সোমের সাথীদের ঘোর বাটল। বোধ হয় একটু তন্দ্রাও  
এসেছিল। হঠাৎ এত আলো দু'জনের চোখ বন্সে দিল। দু'ঘণ্টা



## আগুন নিয়ে খেলা

এক জায়গায় বসে' তাদের পায়ে খিল ধরে গেল। সোম পেগীকে ধরে' নামাল।

পেগী বলল, “রোজ রোজ ভালো লাগে না, মিষ্টার সোম।”

“কী ভালো লাগে না, মিস্ স্কট?”

“যদি বলি আপনাকে ভালো লাগে না?”

‘তবে বলব মিথ্যা বণ্ছেন।’

“ইন্! কী অহঙ্কার!”

“কেন, আমি কি সুপুণ্য নই?”

“আলকাত্তার মতো কালো দে!”

“বলুন, ওখেলোর মতো।”

“ও মা, তা হলে যে আমার প্রাণটি যাবে!”

“আপনার প্রাণের উপর আমার লোভ নেই। আগুন হতে পারেন।”

“তবে কিসের উপর?”

“এই ধরুন সাথীদের উপর। আপনি চাইলে আমার সঙ্গে সঙ্গে যাবেন। এইটুকুতে শুধে লো যুগ্ম।”

“কী অসামান্য দাবী! চাকরের কাছেও এমন দাবী করলে সে জবাব দিয়ে নিষ্কৃতি পায়।”

নিষ্কৃতির জন্যে আপনাকে অত কষ্টও করতে হয় না। টাক্সি ডাকান, মাস্টার বাগী ঈকান। চাকরও ততো সাতদিনের নোটিশ না দিয়ে ভাগে না।”

## আগুন নিয়ে খেলা

“ভারি রাগ করেছেন না?”

“রাগ করলে ঘরের ভাত বেশী করে’ খাব। আপনার তাতে লোকসান?”

“কী সাংঘাতিক লোক! ভেবেছিলুম আপনি সকালবেলার ঘটনা ভুলেও গেছেন, ক্ষমাও করেছেন। কিন্তু মনে মনে এত!”

সোম বল্ল, “যাক, কী বলছিলেন, বলুন। রোজ রোজ কী ভালো লাগে না?”

“না মশাই, আর বলব না যে আপনাকে ভালো লাগে না। চার দিনের ছুটিতে বেরিয়েছি, একটু আনন্দ পেতে আব দিতে। কাউকে যদি রাগিয়ে তুলি তবে তো আমার ছুটিটা মাটি।”

“কী করবেন বলুন। আপনাদের ভাষায় ‘অভিমান’ কথাটার প্রতিশব্দ নেই। তাই বোঝাতেও পারব না আমার হৃদয়ভাব। সম্ভবত ইংরেজদের হৃদয়ে অভিমান বলে’ কোনো ভাবই নেই। সেই জন্তে আপনারা অমন অবস্থায় ‘cross’ হন, ‘hurt’ হন, আব কিছু হন না।”

পেগী একটা দমকা হাসি হেসে প্রশ্নটাকে উড়িয়ে দিল। বল্ল, “বলছিলুম রোজ বোজ রাতেব বাসা খুঁজতে ভালো লাগে না, মিষ্টার সোম।”

“তবে আর এ্যাডভেঞ্চার কী হল!”

“রোজ রোজ একই এ্যাডভেঞ্চার? ভালো লাগে না। আজ মাসীর বাড়ী থাকলে পারতুম।”

## আগুন নিয়ে খেলা

“তবে আর দেয়ী করছেন কেন? মাসীর বাড়ী ফিরে যান। ছুটোর আগে পৌছতে পারবেন।”

ঘুরে ফিরে আবার সেই প্রসঙ্গ! পেগী আরেকটা হাসি দিয়ে আবার তাকে উড়িয়ে দিল। তুলোর মত উড়ে যায়, উড়ে আসে।

পেগী বলল, “দিনান্তে একখানি নির্দিষ্ট বাসা, এক বাটি গরম স্থপ, একটি নরম বিছানা। এর বেশী কাম্য কী থাকতে পারে মানুষের?”

“রাত জেগে নাচতে ভালো লাগে না?”

“না। মন দেয়া নে অনেক করেছি। নেচেছি মারা জীবন।”

“যেন কতকালের বুড়ী! বয়স তো উনিশ কি কুড়ি।”

“না, না, অত কম নয়, মশা। ঠিক দুগ্ধ-পোস্ত নাবালিকা নই।”

সোম কোঁতকের স্বরে বলল, “মাচিয়ার কাছে চোবো। শুলেন না কেন মাসিমার কাছে ছোট একটি বিছানায়? সকাল থেকে ‘tiny tot’টিকে মাসিমা ঠেলা-গাড়ি করে’ বেড়াতে নিয়ে যেতেন।

ওরা বাসা খুঁজবার আগে একবার সমুদ্রতীরটি দেখে নিল। দীর্ঘ নয়। গুটি কয়েক হোটেল। বাকী সব বোডিং হাউস। রবিবারের রাজি—দোকান পাট বন্ধ। সকলে হাওয়া খেতে বেরিয়েছে। কিম্বা সিনেমায় গেছে। পথকণ্ডলের বাইরে থেকে অসংখ্য লোক এসেছে ছুটি কাটাতে।

পেগী ও সোম বোডিং হাউসগুলিতে বেল টিপল। যেখানে যার সেখানে ঐ একই কথা। “তিল ধারণের স্থান নেই।”....“একটু আগেও একখানা ঘর ছিল”....“তিন দিন আগে থেকে প্রত্যেকটি ঘর বুক করা।”....“ও পাড়ায় ঘর থাকতে পারে, একবার চেষ্টা করুন না?”

## আগুন নিয়ে খেলা

কোনো পাড়াতেই চেষ্টার ক্রটি হল না ! কিন্তু কোনোখানে এক রাত্রের আশ্রয় জুটল না । এদিকে ক্ষুধাও বেশ পেয়েছে । রেষ্টোরাঁ খোলা থাকলে তারা আগে থেয়ে-নিত, পরে বাসা খুঁজত ।

“কী করা যায়, মিস্ স্ট ?”

“কী করা যায়, মিষ্টার সোম ?”

“বিপদে একটা পরামর্শ দিতে পারেন না । কোনো কাজের নন্ ।”

“কাজের মানুষ যে আমি নই, আপনি ।”

“আমুন তবে একটা হোটেলে ঢুকে সাপার খাই, তারপর সে হোটেলে না পোষায় অথ হাটেলে জায়গা খুঁজব ।”

কিন্তু সাড়ে ন’টা বেজে গেছল । কোনো হোটেলে খাবার পাওয়া গেল না । কোথাও সময় উত্তীর্ণ হয়ে গেছে, কোথাও বাইরের লোককে খাবার ঘরে ঢুকতে দেয় না ।

সোম বলল, “তা যদি হয়, আমরা ভিতরের লোক হতে রাজি আছি । হোটেলে জায়গা খালি আছে ?”

“খালি । স্নানের ঘরগুলো খালি ছিল, শোবার ঘরে পরিণত করা হয়েছে । জায়গা !”

সোম বলল, “তবে আমুন, আমরা এদের সব চেয়ে যে বড় হোটেল সেই হোটেলে যাই । হয়তো জনপিছু এক পাউণ্ড চেয়ে বসবে, তবু তাই দেব । একটি রাত সমুদ্রের নিকটতম হব ।”

পেগী বলল, “রাজি ।”

কিন্তু ও হরি ! সেখানে আরো অনেক স্থানপ্রার্থী দাঁড়িয়ে । কেবাগী

## আগুন নিয়ে খেলা

মেয়েটি বলছে, “এখনো ছত্রিশ জনকে জায়গা দিয়ে উঠতে পারা যায় নি। তাদের দাবী সৰ্ব্বাগ্রে। নাম লিখে নিতে আমার আপত্তি নেই, বলুন আপনাদের নাম।” সোম ও পেগী নাম লেখাল।

সোম বলল, “আমরা লগুন থেকে এসে নিরাশ্রয় হয়ে পড়েছি, মিস্। একটি রাতের মতো জায়গা—”

“সৰ্ব্বনাশ! আজ রাতের মতো জায়গা!”

“হাঁ, তাইতো—”

“অনর্থক নাম লিখে নিলুম। আমি ভেবেছিলুম কালকের রাজের জন্তে স্থান প্রার্থনা করছেন। আজ আর কিছু না হোক একশো জনকে ফিরিয়ে দিয়েছি। এই তো একটু আগে এক দল লোক এ গ্রামে রাত কাটাবার জায়গা না পেয়ে ত্রিজেণ্ড্‌ চলে’ গেল। বোধ হয় ত্রিজেণ্ডের ট্রেন কিম্বা বাসও আর পাবেন না।”

“তবে কি আমরা না খেয়ে না শুয়ে সারারাত পায়চারি করে’ বেড়াব?”

“একটি কাজ করুন। থানায় গিয়ে পুলিশকে ধরুন। ওরা যা হয় একটা বন্দোবস্ত করে দিতে পারবে।”

সোম ও পেগী থানার সন্ধানে চলল। পা আর চলতে চায় না। শূন্য উদরের উপর রাগ করে’ অসহযোগ করবে।

থানা বলে’ চেন্নার উপায় ছিল না। আধখানা বাড়ী। বাইরে একটা ল্যাম্পপোষ্ট বিহীন ল্যাম্প দেয়ালের গায়ে। সোম একটা জ্বারে বেল্‌ টিপে ও ধাক্কা দিয়ে সাড়া পেল না। অন্ধ দুয়ারটাতে

## আগুন নিয়ে খেলা

সফল হল। এক উনবিংশ শতাব্দীর বুড়ী দরজা খুলে দিয়ে বলল, “কাকে চান?”

“পুলিশকে।”

বুড়ীর বিরক্তির কারণ ছিল। পুলিশের খোঁজে বুড়ীর ঘুম চটিয়ে দেওয়া বোধ হয় এই প্রথম নয়। প্রতিবেশিনী হিসাবে পুলিশের পিণ্ডি বুড়ীর ঘাড়ে, এইটে বোধ হয় পর্শ্বেওলের প্রবাদ।

উম্মার সঙ্গে বুড়ী বলল, “এ দরজা নয়, ও দরজা।”

“আমরা গেছলুম ওখানে। সাড়া পাইনি।”

“জ্ঞান! বেল্টাও ওদের বে-মেরামত। ধাক্কা দিলে ওরা ভাবে কেউ আমার বাড়ী ধাক্কা দিচ্ছে। আচ্ছা আমি ভিতরে গিয়ে খবর দিচ্ছি।”

পুলিশের লোক সোমকে ও পেগীকে ভিতরের ঘরে নিয়ে গেল। ব্যাপারটা কী লিখে নেবার জন্তে একজন কাগজ-কলম নিয়ে বসল। ওঃ, এই ব্যাপার? আচ্ছা আমাদের কর্তাকে ডেকে আনছি।

ইন্স্পেক্টার রসিক লোক। সোমকে দেখে বলল, “কোন দেশের লোক? Wandering Jew?”

“ইণ্ডিয়ান।”

“ঠিক, ইণ্ডিয়ানেরই মতো দেখতে। কিন্তু উনি? ওঁকে তো দেখতে ইণ্ডিয়ানের মতো নয়?”

পেগী বলল, “উনি রেড্‌ ইণ্ডিয়ান। আর আমি হোয়াইট্‌ ইণ্ডিয়ান।”

ইন্স্পেক্টার এর উত্তরে কী একটা রসিকতা করতে যাচ্ছিল, সোম

## আগুন নিয়ে খেলা

বল্ল, “কাল করবেন। আমরা সাত ঘণ্টা খাইনি, এত হেঁটেছি যে দাঁড়াতে পারছি। হয় আমাদের এইখানে খেতে দিন, নয় কোথাও খাবার বন্দোবস্ত করে’ দিন আগে।”

ইন্স্পেক্টার লজ্জিত হয়ে বল্ল, “সমস্ত বন্দোবস্ত করে’ দিচ্ছি। ইণ্ডিয়ার মাহুঘ পৰ্ব্বকওলে এসেছেন, স্থখী হয়ে না ফেরেন তো কী বলেছি! অমৃতের মতো হাওয়া এখনকার। সমুদ্রতীরে গেছলেন?”

সোম বল্ল, “ক’বার করে’ বলব? এইমাত্র আপনার কন্ঠেব্লকে পৰ্ব্বকওলের নাডী নক্ষত্রের খবর দিয়েছি।”

ইন্স্পেক্টার একজনকে ডেকে বল্ল, “জন।”

“স্মর।”

তিনটে বোডিং হাউসের নাম দিচ্ছি। আমার নাম করে জায়গা চাইবে। একটাতে না হয় আরেকটাতে। নামগুলো মনে থাকবে তো?”

“নিশ্চয়ই, স্মব।”

জন্ সোমকে ও পেগীকে নিয়ে সমুদ্র সন্নিকটবর্তী তিন তিনটে বাড়ীতে গেল। কেউ বলে জায়গা হয় তো একজনের হবে, কিন্তু খাবার! কেউ বলে খাবার যৎসামান্য জোগাড় করা যায়, কিন্তু বিছানা!

জনের সঙ্গে ইতিমধ্যে সোমের আলাপ চলছিল। জন্ নাকি লগুনে ট্রেনিং নিতে গেছল। লগুনকে তার ভালো লেগেছে। এখানে তার শরীর খুব ভালো থাকছে বটে, কিন্তু বড্ড খাটুনি। অনেকের সঙ্গে বন্ধুতা হয়েছে।

## আগুন নিয়ে খেলা

জন বলল, “এসেছেন যখন পৰ্ব্বকালে, স্তর, তখন আপনাদের ফিরে যেতে দেব না। আমার একজনের সঙ্গে জানাশুনা আছে। কিন্তু মাইল খানেক দূরে।”

পেগী সোমের বাজতে ভর দিয়ে সঙ্কোশে হাঁটছিল। সোমেরও শরীর ভেঙে পড়ছিল। মাইল খানেক দূরে! সেখানে যদি না হয়, তবে? হা ভগবান!

জন বলল, “সেখানে জায়গা থাকবেই, স্তর। না থাকলেও তারা যেমন করে’ হোক দেবেই। তাদের সঙ্গে আমার বিশেষ খাতির।”

পেগী কথা বলছিল না। মহিলার সঙ্গে কথা বলবার সাহসও ছিল না গ্রাম্য কন্ঠেবলের।

একটা কাফে। গ্রামের সীমান্তদেশে তার অবস্থিতি। কাফে-ওয়ালীরা নিদ্রার আয়োজন করছিল। অতিথি পেয়ে আহায়েব আয়োজনে লেগে গেল। জনকেও ছাড়ল না। জন যে তাদের ঘরের ছেলের মতো। পাশের ঘরে তাকে নিয়ে একজন খেতে বসল। অপর জন পেগী ও সোমকে রুটি ও ডিম পরিবেশন করল। দল তাদের কাফে সংলগ্ন দোকানে অপধ্যাপ্ত ছিল। পরিশেষে কফি।

তখন রাত্রি সাড়ে এগারোটা বেজে গেছে, বারোটা বাজে। ঘুমে চোখের পাতা জুড়ে আসছে। কাফেওয়ালীরা সোমকে ও পেগীকে নিয়ে সকলের উপরতলায় যে গ্যারেট্‌ সেই ঘরে ছেড়ে দিল।

পেগীর তখন খেয়াল ছিল না যে ঘরটাতে ছোটো বিছানা এবং ঘরটা সোমেরও। কাফেওয়ালী যখন মোমবাতিটা ম্যাণ্টল-পীসের উপর রেখে



## আগুন নিয়ে খেলা

দিয়ে শুভ্‌নাইট জানিয়ে চলে' গেল তখন পেগী ব্ল, “আপনার ঘরে  
যাবেন না?”

সোমও সেই কথা ভাবছিল। কন্‌ষ্টেবল্‌ কি দুটো ঘরের কথা  
বলেনি, না, দুটো ঘর পাওয়া যায় নি? কাফেওয়ালীকে সেকথা  
জিজ্ঞাসা করতে সঙ্কোচ বোধ হচ্ছিল। কাফেওয়ালী হয় তো ধরে'  
নিচ্ছে যে এরা স্বামী স্ত্রী। তা নইলে এমন এক সঙ্গে বেড়ায়? চেহারা  
ও রং থেকে তো মনে হয় হয় না যে ভাই বোন!

সোম ব্ল, “আমাকে তো আলাদা ঘর দেয় নি?”

পেগী ধপ্‌ করে একটা বিছানায় বসে' পড়ে ব্ল, “সর্বনাশ!” তার  
মুখে লজ্জা ভয় ও কিংকর্তব্যবিমূঢ়তা।

সোম ব্ল, “যাব নীচে নেমে? বল্ব আর একটা ঘর থাকে তো  
দিতে?”

“থাকলে ওরাই দিত। কেননা দুটো ঘর দিলে প্রায় ডবল লাভ  
করত।”

এই বলে' পেগী দুই হাতে মুখ ঢেকে ভাবতে কি কঁাদতে কি হাসতে  
লাগল তা সোম ঠাহর করতে পারল না। এমন সঙ্কটে সে কখনো  
পড়েনি। তার জীবনে নারী-ঘটিত সঙ্কট ঘটেছে অনেক। কখনো  
ট্রেনে কখনো সরাইতে কখনো তীর্থক্ষেত্রের ভিড়ের মধ্যে। কিন্তু তরুণী  
নারীর সঙ্গে এক ঘরে রাত্রিযাপন—তাও সম্ভোগের জগ্রে নয়, যে জগ্রে  
কলঙ্কভাগী হয়েও সুখ আছে।

ঢং ঢং করে বারটা বাজল শুনে পেগীর ধ্যান ভাঙল।

## আগুন নিয়ে খেলা

পেগী বলল, “আপনি তো একজন man of honour—কেমন?”

সোম একটু ক্ষুব্ধ হয়ে বলল, “নিশ্চয়।”

“তবে আবার ভয় কাকে? কাকেওয়ালী যা খুশি ভাবুক, বা মুখে আসে রটাক। আপনি তো অশ্রদ্ধা করবেন না, প্রচার করে’ বেড়াবেন না।”

“নিশ্চিস্ত হতে পারেন, মিস্ স্কট! আপনি যে কে এবং কোথায় থাকেন তার কথা এবং কী করেন তাই এখনো জানলুম না।”

“হয় তো আমি পেগী স্কটই নই, এলিজাবেথ সিমসন। কিম্বা জিনী জোনস্।”

“ভগবান জানেন।”

“ভগবানকে ধন্যবাদ। মাসিমার ওখানে আপনাকে না নিয়ে গিয়ে নিজের ভবিষ্যৎ বাঁচিয়েছি। না, না, অবিশ্বাস আপনাকে আমি করিনে, কিন্তু আপনিও তো পুরুষ। বিশ্বাসো নৈব কর্তব্যঃ পুরুষেষু।”

পেগী উঠে দাঁড়িয়ে বলল, “লক্ষ্মীটি একবার ঘরের বাইবে যান্ যদি তো কাপড় ছেড়ে নিই। দেরি হবে না।”

সোম অভিমান পরিপাক করতে নিঃশব্দে গৃহত্যাগ করল। তার একটুও অভিরুচি ছিল না পেগীর সঙ্গে এক ঘবে রাত কাটাতে। এত ঢং কেন? জ্বাকামির বেহুদ! সকাল বেলা যাকে নিজের ইয়ংম্যান বলে’ প্রচার করেছে, যার জন্তে মাসিমাকে ধোঁকা দিয়ে পালিয়ে এসেছে, যার হাতে হাত রেখে সমস্ত গ্রামটাকে সাত পাক দিয়েছে তার সঙ্গে ঘটনাচক্রে এক ঘরে শুতে হচ্ছে—তাও বিভিন্ন বিছানায়। এই নিয়ে এত ছুটানি।

## আগুন নিয়ে খেলা

সোম যদি অগ্নি ঘর পেত নিশ্চয়ই পেগীর ঘরে ফিৰ্ত না। পেগী সাধলেও না।

ভিতর থেকে পেগীর ডাক এল। সোম রাগ করে' দু'তিন মিনিট বাইরেই পায়চারি করতে থাকল, ভিতরে গেল না। তখন পেগী বরজা খুলে মুখ বের করে সঙ্কস্ত স্বরে বল, “মিষ্টার সোম !”

সোম গাভীৰ্য্যের সঙ্গে মূঢ় কণ্ঠে বল, “ইয়েস্ ?”

“আছেন তা হলে। আমি ভেবেছিলুম নীচে চলে গেছেন।”

“নীচে চলে’ গেলে নিষ্কণ্টক হন ?”

“ছিঃ ছিঃ। দেখুন এসে, আপনার বিছানা কেমন নতুন করে’ পেতেছি।”

সোম চমৎকৃত হল।

পেগী বল, “এবার আপনাকে প্রাইভেসী দিয়ে আমি চলুম বাইরে। কিন্তু বেশীক্ষণ দাঁড়িয়ে থাকতে পারুব না বলে যাচ্ছি। ক্লান্তিতে আমার পা দু’গাছা ভেঙে পড়ছে মিষ্টার সোম !”

সোমের মনে ক্ষোভলেশ রইল না। সে পেগীকে ক্ষমা করল।

## আরো আগের দিন

সল্‌স্বেরীর একটা অতি প্রাচীন হোটেলের অতি আধুনিক ধরণে সাজানো খাবার ঘরে ব্রেকফাস্ট পরিবেশিত হচ্ছিল। কোনো টেবিলই খালি নেই দেখে সোম অত্যন্ত অপ্রস্তুত হয়ে ফিরে আস্বে ভাবছে— একজন ওয়েটার এসে তাকে চাপা গলায় বল, “আমার সঙ্গে আসুন. স্তর।”

ওয়েটার তাকে যেখানে নিয়ে বসতে দিলে সেখানে সে কাল রাত্রে বসে ডিনার খেয়েছিল, সেই স্তরে জায়গাটা তার হয়ে গেছে। এবং তার সম্মুখের আসনটা মিস্ স্কটের। মিস্ স্কট তার আগেই এসেছেন, তাঁর খাওয়া প্রায় শেষ হয়ে এল।

সোমকে দেখে মিস্ স্কট খাবার-মুখে-থাকা অবস্থায় bow করলেন। সোমও bow করে’ কী কী খেতে চায় ওয়েটারকে ফরমাস করল। ওয়েটার চলে গেল।

সোম বিনোতভাবে বল, “কাল আপনাকে ভালো করে ধন্যবাদ দেওয়া হয়নি, মিস্ স্কট্।”

“কী কারণে, মিষ্টার সোম? এমন কী অপরাধ করেছি যার দরুণ ধন্যবাদ আমার পাওনা?”—(কপট আতঙ্কের ভঙ্গীতে)

## আগুন নিয়ে খেলা

“আপনি ভুলতে পারেন, কিন্তু আমি কি ভুলতে পারি কাল আপনি যে উপকার করেছেন?”

“বটে?”—মিস্ স্টু ম্চকি হেসে কুটির অঙ্গে মার্মালেড মাখাতে লাগলেন।

সোমেরও পরিজ্ঞ এসে গেছল। কিছুক্ষণ সোম নীরব রইল। মিস্ স্টুয়ের খাত শেষ হয়েছিল, পানীয় ঝষৎ বাকী ছিল। তিনি কথা বলবার সুযোগ পেয়ে বলেন, “ঘর পছন্দ হয়েছে?”

( খেতে খেতে ) “হঁ।”

“তা হলে এইখানেই কিছুদিন থেকে যাবেন?”

“উহঁ।”

“উহঁ? তবে ঘর পছন্দ হয় নি?”

“হঁ।”

“ছিঃ ছিঃ, আমি কি অভদ্র! আপনার থাওয়াতে বাধা দিচ্ছি।”

কথা বলবার সুযোগ পাবার জন্তে সোম এক নিঃশ্বাসে থাওয়া শেষ করল। প্লেট থেকে হাত তুলে নিয়ে ও হাত থেকে চামচ নামিয়ে গলা পরিষ্কার করে’ বলল, “না, না, না। বাধা আপনি দিতে যাবেন কেন? দিচ্ছিল ঐ পরিজ্ঞটা। ওকে পরাস্ত করে’ উদরালয়ে পাঠিয়েছি। এখন আমি শক্রশূন্য।”

ঠিক্ এমনি সময়ে ওয়েটার আরেক শত্রুকে সমরক্ষেত্রে অবতীর্ণ করুল নিজে সারথি হয়ে। মিস্ স্টু ম্চকি হাসি হাসলেন। সোম অপদস্থের কাঁঠ হাসি।

## আগুন নিয়ে খেলা

নিজের খাওয়া শেষ হলেও মিস্ স্বর্ট উঠে গেলেন না। সোমের খাতিরে অপেক্ষা করতে থাকলেন। সোম অহুযোগ জানিয়ে বলল, “আমার মত কুঁড়ে মানুষ কতক্ষণে উঠবে তার ঠিক নেই। মিথ্যে কেন একটা ঘণ্টা নষ্ট করবেন?”

মিস্ স্বর্ট এর উত্তরে বলেন, “যেমন ক্ষিপ্ততার সঙ্গে খাচ্ছেন এক ঘণ্টা বসে” থাকলে আপনি কডি-বরগাও বাকী রাখবেন না। আমি পাহারা বসলুম।”

“কিন্তু যে মানুষ কডি-বরগা খেয়ে ক্ষুধা মেটাতে যায় সে সাম্নেব মানুষকেও ছাড়বার পাত্র নয়। পাহারাওয়াল, হুঁশিয়ার।”

মিস্ স্বর্ট তাঁর নীল নয়নের কটাক্ষ হেনে বলেন, “ক্যানিবালাও নারীমাংস খায় না শুনেছি, ওরাও শিভ্যালরী বোঝে।”

সোম বলল, “কিন্তু একালের নারী যে শিভ্যালরীর অযোগ্য। ট্রেনে টামে বাস-এ নারীকে দাঁড়িয়ে থাকতে দেখে’ও পুরুষ জায়গা ছাড়ে না, খবরের কাগজের উপর চোখ ফিরিয়ে নেয়।” ( মিস্ স্বর্টের আরক্ত মুখ লক্ষ্য করে ) বরঞ্চ বলতে পারা যায় নারীবা শিভ্যালরী দেখায় পুরুষদের জন্তে ট্রেনের দরজা খোলা রেখে, হোটেলে জায়গা জোগাড় করে’ দিবে।”

মিস্ স্বর্ট বলেন, “নিন্, ওটুকু খেয়ে নিন্। তাড়াতাড়ির কোন স্বরকার নেই। আমি পালাব না।” ( তাঁর মুখভাবে প্রদন্ন মমতা )

ছ’জনে লাউঞ্জে গিয়ে বসল। ঘরটার অস্থিকাল পুরোনো কোন যুগের। রক্তমাংস আধুনিক। আরো অনেকে জটলা করছিলেন, কিষ্

## আগুন নিয়ে খেলা

চশমা চোখে দিয়ে খবরের কাগজে মন দিয়েছিলেন, কিম্বা চশমা চোখে দিয়ে পঞ্চাশবার সেলাই করা অকেজো মোজাকে অগ্ন্যম্ননক হয়ে বিকৃ করছিলেন।

সোম সিগ্রেট কেদাটা মিন্ স্কটের সামনে ধরে' নীরব অহুগোধ জানাল! মিন্ স্কট য়হ হেসে একটি নিলেন। বল্লেন, “আগেকার যুগে পুরুষরা স্মোক্ করবার আগে নারীদের অহুমতি ভিক্ষা করতেন। এখন নারীদের ঘুষ দেন।”

“যাই বলুন, ঘুষ খেতে মিষ্টি লাগে।”

“খাওয়াতেও।”

“সকলকে না। তেমন তেমন নারীকে।”

“খাওয়াবেন তো একটা আধ পেনী দামের সিগারেট। তাও তেমন তেমন নারীকে? আমি হলে charwomanকে ডেকে এক প্যাকেট সিগারেট এবং এক বাস্ম দেশলাই উপহার দিতুম।”

সোম কপট বিস্তার দিয়ে বল্ল, “মিন্ স্কট! Charwoman কাকে বনুছেন? Charlady! সেও আপনাকে এক প্যাকেট সিগারেট উপহার দেবার স্পর্দ্ধা রাখে।”

“ও হো হো। ভুল হয়ে গেছ্। Charlady! শুনবেন একটা গল্প? এক ভদ্রমহিলার বাড়ী এক washer-woman কাপড় নিতে গেছে। বাইরে থেকে চেষ্টিয়ে বনুছে, ‘Maid! maid! house assistant! Is that woman at home? It is the washer-lady calling’.”

## আগুন নিয়ে খেলা

সোম হাস্তে লাগল। সিগারেটের ছাঁই বেড়ে বল্ল, “এ গল্পটা শুনে আবেকটা গল্প মনে পড়ল। বিশ্ববিখ্যাত নর্তকী পাভ্লোভা নিউ-ইয়র্কের কোনো হোটেলে উঠেছেন, খাবার ঘরে খেতে বসেছেন। তাঁর একটু দূরে তাঁর অর্কেস্ট্রার কণ্ডাক্টার—কী নাম? মনে পড়ছে না, ধরে’ নিন্ Stier—ওয়েটারের জগ্গে অপেক্ষা করছেন, ওয়েটার আসেই না। বেশ একটু দেরি করে’ সেজে গুজে এল, এসে বল্ল, ‘হ্যালো, ম্যান, কী দিতে হবে তোমাকে?’ Stier লোকটা অষ্ট্রিয়ান, ইউরোপের সব চেয়ে কেতাহুরন্ত দেশের লোক। অবশ্য এখন অষ্ট্রিয়া সোশালিস্ট হয়েছে। তখন অষ্ট্রিয়ার সম্রাটরা ইউরোপের অভিজাত-তম।”

মিস্ স্কট বাধা দিয়ে বলেন, “আমাদের রাজাদের চেয়ে!—”

সোম অপ্রতিভ হয়ে বল্ল, “আহা, এমন করে বাধা দিলে গল্প এগোবে কেন?”

মিস্ স্কট আবার বাধা দিয়ে বলেন, “আগে এগিয়ে কাজ নেই। অত লম্বা গল্প কে শুনতে চায়?”

গল্পটা সোমের পেটে গজ্গজ্জ করছিল। মিস্ স্কটকে শোনাবেই। পুনরায় আরম্ভ করল, “তা, Stier তো হতভম্ব। কোথায় তাঁকে ‘স্মর’ বলে’ সম্বোধন করবে ও বিলম্বের জগ্গে ক্ষমা প্রার্থনা করবে—”

মিস্ স্কট বলেন, “আপনি আজ আমার কাছে ক্ষমা প্রার্থনা করেছিলেন?”

“আপনাকে তো আমি কথা দিইনি অতীত সময় আপনার সঙ্গে ত্রেক্কাষ্ট্ খাব?”



## আগুন নিয়ে খেলা

“তা হলে Stierকেও সেই ওয়েটার কথা দেয় নি যে অমুক সময়ে ব্রেকফাস্ট খাওয়াবে।”

“আহা, অমন করলে গল্পটা মাঠে মাঝাঝাবে, মিস্ স্বর্ট। শুধুন শেষ পর্যন্ত। মজার কথা আছে শেষের দিকে।”

মিস্ স্বর্ট চোখ বুজে হাত পা অসাড় করে চেঘারে গা এলিয়ে দিলেন। ঘেন প্রাণের আশা ছেড়ে দিয়েছেন।

সোম বলল, “আমি কি আপনার উপর অপাবেশন করতে চাইছি?”

“আমার তন্নয় ভাব নষ্ট করবেন না, মিষ্টার সোম। গল্পটা একদোড়ে বলে’ যান।”

“ওয়েটার তার কার্ডখানা Stier এর হাতে দিয়ে বলল, ‘আমার নাম জেরেমিয়া ওয়াশিংটন স্মিথ। যখন আমাকে দরকাব হবে তখন কাকুর হাতে এই কার্ডটা পাঠিয়ে দিলে আবার আমি আসব।’ ”

মিস্ স্বর্ট সকৌতূহলে চোখ মেলে’ দ্বিচ্ছাসা কবলেন, “সত্যি?”

“সত্যি। কিন্তু কার্ডের উপদকাব নামটা আমার ঠিক মনে নেই। বানিয়ে বলুম।”

মিস্ স্বর্ট আবার চোখ বুজলেন।

“যাবার সময় ওয়েটার বাবাজী পাণ্ডুলোভার দিকে আঙুল উঠিয়ে বলল, ‘ঐ womanটাকে এতগুলো মাল্ল্য দিবে বসেছে। Womanটা কেউ হবে টবে?’ ”

মিস্ স্বর্ট লাক দিয়ে উঠে বসলেন।

সোম বলল, “Stier নিজের অপমান সহ্যেতে পারেন, কিন্তু মনিবের

## আগুন নিয়ে খেলা

অপমান! বিশেষত তিনি যখন মহিলা, রাণীর মত সম্মানে অভ্যস্তা। তারপর—”

মিস্ স্কট এবার দাঁড়িয়ে বসেন, “তারপর যা হল তা কাল শুন্ব, মিষ্টার সোম। আপনি তো এখানে কাল পর্যন্ত থাকছেন।”

সোম চেয়ার ছেড়ে বসে, “কে বল, মিস্ স্কট? আমি আজকেই ব্রিষ্টল যাচ্ছি।”

“ওমা, তখন যে বসেন থাকছেন।”

“বলেই যদি থাকি, তাই শেষ কথা নয়। এখানে আমার ভালো লাগছে না। বড় বেশী মানুষ এ বাড়ীতে।”

“ঈষ্টারের সময় কোন্‌খানেই বা কম?”

“তবু ব্রিষ্টল আমি যাব। এখানে আমার দেশের একজন শ্রেষ্ঠ মানুষের সমাধি আছে।”

“তিন দিন পরে গেলেও তো থাকবে।”

“তিন দিন কার খাতিরে এখানে কাটাব? আপনার?”

“বেশ! আমার। আমার কি একটা কৃতজ্ঞতার দাবী নেই ভাবছেন?”

সোম পুলকিত হল।

মিস্ স্কট সোমের পুলক অস্বস্তি করে কথাকাঁকে ঘুরিয়ে বসেন, “আমার সঙ্গিনীর ঘরটা সঙ্গিনীর অসুস্থিতি হেতু আপনি পেয়েছেন। আপনি ছেড়ে দিলে ভাড়াটা আমার সঙ্গিনীর যাড়ে পড়বে। কাজেই আমার স্বার্থ হচ্ছে আপনাকে আটকানো।”

“এতই সঙ্গিনীর প্রতি দরদর?”

## আগুন নিয়ে খেলা

“দরদটা কি অস্বাভাবিক?”

“তবু সবটা দরদ সন্ধিনীটির পাওনা নয়। তিনি অল্পপস্থিত বখন হয়েছেন জেনে শুনে, ভাড়াও দিতে প্রস্তুত আছেন। আর আমি বেচারী এক রাত্রি তাঁর স্থানে officiate করেছি বলে’ আরো তিন রাত্রি করতে বাধ্য হব?”

“সে কি আপনাব কম সৌভাগ্য?”

“তবে সৌভাগ্যটাকে আরো অপ্রত্যাশিত করুন। আহুন আমার সন্ধিনী হয়ে ত্রিষ্টলে।”

“ত্রিষ্টলে আমার এক মাসিমা থাকেন। সে কথা জানা আছে মশাইয়ের?”

“মাসিমা তো বাধ্য ভালুক নব।”

“সেই ভাতীয়। ছুটিটা মাটি কবুতে চাইনে, মিষ্টার সোম।”

মিস্ স্টুট চলে’ যাচ্ছিলেন। সোম বল্ল, “মাসিমার বাড়ী ফাঁসি বেতে কে আপনাকে বল্ছে মিস্ স্টুট? ছোটখাট হোটেল কি ত্রিষ্টলে নেই?”

মিস স্টুট উত্তাক্ত হয়ে বলেন, “পার্ব না আপনাব সঙ্গে তর্ক করে’। ত্রিষ্টলের ট্রেন ও-বেলা ধরলেও চলবে। এখন কি আমার সঙ্গে বেরবেন দয়া করে’, না, এই ঘরে বসে’ সবাইকে নিউ ইয়র্কের গল্প শোনাবেন? বাড়ী কোথায় আপনার? নিউ ইয়র্কে?”

“ইণ্ডিয়ায়।”

“তা হলে নিগার নন্?”

“নিগাব না হই, নিগারেরই মতো রঙীন। দেখে স্থগা হয়?”

## আগুন নিয়ে খেলা

“কখনো না, বরঞ্চ শ্রদ্ধা হয়।”

“হবেই তো। সূর্য্যদেব কত যত্নে আমার দেহের চামড়া ট্যান করেছেন, আমি যেন মূর্ত্তিমান সূর্য্যালোক। লোকে আমাদের বুদ্ধি-বিজ্ঞার নিন্দা যত খুশি করুক, সভ্যতার অভাব দেখুক, কিন্তু চামড়ার অপৌরব রটায় কেন বলুন তো?”

মিস্ স্বট্‌ হেসে বললেন, “লোকগুলো হিংস্রটে। আপনাদের বর্ণাঢ্যতা দেখে ওদের গাভ্রদাহ হয়।”

“লাজুলহীন শৃগাল। নিজেরা শীত বরফের দেশে বাস করে’ বর্ণদম্পদ খুঁয়েছেন। যাদের আছে তাদের বলেন কি না রঙীন মাহুষ। গৌরবের কথা নয়, যেন কত বড় একটা তামাসার কথা!”

ছ’জনেই হাসতে লাগল। সোম জান্ত কালো রঙের প্রতি সাদা মেয়ের সহজ পক্ষপাত। কিন্তু সমাজের চাপে এই পক্ষপাত বিরূপভাবে পরিণত হয়ে থাকে। মিস্ স্বট্‌র সহজ পক্ষপাতকে পাছে সল্‌স্‌বেরীর এই হোটেলের গণ্যমান্যদের সমাজ বিকৃত করে’ দেয়, পাছে মিস্ স্বট্‌ তার সঙ্গে ঘনিষ্ঠভাবে মিশতে গিয়ে চোখে চোখে উপহাসিত হন, সেই জন্তে সোম তাঁকে নিয়ে ঐষ্টলের মতো বৃহৎ শহরের জনতায় অলক্ষিত ভাবে কিরুতে ও নির্জন বোর্ডিং হাউসে অনিন্দিত ভাবে থাকতে চায়।

\*

সল্‌স্‌বেরীর ক্যাথিড্রাল কুতবমিনারের সমসাময়িক। ইংলণ্ডের বৃহত্তম ক্যাথিড্রালদের অন্যতম। তার nave, তার choir, তার aisles

## আগুন নিয়ে খেলা

ইত্যাদি পরিদর্শন করবার সময় মিস্ স্কটের উচ্ছ্বাস উদ্দাম হয়ে ওঠে — তাঁর স্বদেশের কীর্তি! কালের শাসনকে তুচ্ছ করে' এসেছে সাত-শত বছর!

সোমও নীরব হয়ে ভাবে। ইংলণ্ড দেশটা ভারতবর্ষকে পেয়ে হঠাৎ বড় মানুষ হয়নি। তিনশো বছর আগে তার শেক্সপীয়ার ছিল, সাত শো বছর আগে তার সল্‌স্‌বেরী ও লিংকন ক্যাথিড্রাল ছিল। ভারতবর্ষকে পাবার আগে সে পাবার যোগ্য হয়েছে।

সোম কাব্য করে বল্ল, “মিস্ স্কট, সল্‌স্‌বেরীর নির্মাতারা যে সময় ক্যাথিড্রালের ভিত্তিপাত করুছিল নিজেদের অজ্ঞাতসারে সেই সময় সাম্রাজ্যেরও ভিত্তিপাত করুছিল। বারা ক্যাথিড্রাল গড়তে শুরু করে তারা সাম্রাজ্য না গড়ে' শেষ করে না।”

কথাটা বলে' ফেলেই সোম মনে মনে ভ্রম স্বীকার করুল। ক্যাথিড্রাল বেলজিয়মও গড়েছে, কই তার সাম্রাজ্য?

মিস্ স্কট বল্লেন, “একশো বার। আমাদের সাম্রাজ্য কি একদিনের সৃষ্টি। এই সব নাম-না জ্ঞানা স্থপতি তার পরিকল্পনা আমাদের জাতীয় মনের মধ্যে বোপণ করেছিল, সন্দেহ নেই। বৃহৎ কীর্তিই অভিনাষ আমরা চিরকাল মনে রেখে এসেছি, মিঠার সোম।”

মিস্ স্কটকে ব্যথা দেবার ইচ্ছা ছিল না সোমের। নতুবা জ্ঞাপন করত যে বৌদ্ধ যুগের স্তূপ, হিন্দু যুগের মন্দির ও মুসলমান যুগের মসজিদ! ভারতবর্ষের অনিতে গলিতে আছে, এবং তাদের মধ্যে অন্তত হাজারটা সল্‌স্‌বেরীর ক্যাথিড্রালকে আকারে ও সৌন্দর্য্যে লজ্জা দিতে পারে।

## আশ্রন নিয়ে খেলা

সোমকে খুঁজ কবুছিল ইংরেজের স্বদেশপ্ৰীতি । ভারতবর্ষের লোক দিল্লীর  
মন্দিরে পাড়িয়ে সম্প্রদায়কে স্মরণ করে, কালিদাস বাঙালী কিনা তারই  
পবেষণায় জীবন ক্ষয় করে । ছোট ভাবনা ভাবতে ভাবতে মানুষগুলো  
খর্বকায় বামন হয়ে কুঁড়ে ঘরে বাসা বেঁধেছে । কীত্তিও হয়েছে সেই  
অস্থপাতে ক্ষীণ ।

সোম বল, “আশ্রন মিস্ কুট, বেশীক্ষণ দেখলে শুনলে ক্যাথিড্রালের  
সঙ্গে প্রেমে পড়ে’ যাবেন । তাহলে পুরুষ জাতটা ঈর্ষায় বুক ফেটে  
মরবে ।”

“গোটা পুরুষ জাতটা ?”

“গোটা পুরুষ জাতটার প্রতিনিধি হিসাবে কোনো একজন পুরুষ ।”

“বটে ?”

“বটে !”

“ক্যাথিড্রালের উপর প্রেমিকের ঈর্ষা, এমন অদ্ভুত কথা জন্মে  
শুনি নি ।” ( কল হাস্য ) । “আপনি শুধু প্রেম কবে’ বেডান, না,  
কাব্যও করে’ থাকেন ?”

( Bow করে’ ) “না, ম্যাডাম । আমি অতটা সৌখীন নই । কাজের  
মানুষ বলে’ আমার স্থখ্যাতি আছে ।”

“আমিও তো কাজের মানুষ । কই আমার তো ও সব আসে না ?”

“কী সব আসে না ?”

( সরলতার ভাণ করে’ ) “ওই সব । প্রেম করা । কাব্য করা ।  
ক্যাথিড্রালকে প্রতিদ্বন্দী ভেবে তার সঙ্গে ডুয়েল লড়তে চাওয়া ।”

## আগুন নিয়ে খেলা

“আপনি এতই নিরীহ মানুষটি? দেখি, দেখি একবার আপনার মুখখানা? হাঁ, ছেলেমানুষের মুখ বটে।”

“যান। ছেলেমানুষ বলে আমরা আপমান বোধ করি, জানেন?”

“আপনারা কারা?”

“আমরা একেলে মেয়েরা।”

“তবে কি বুড়োমানুষ বল্ব?”

“বুড়োমানুষ বলে খন করব বলে রাখছি।”

“তবে—?”

“বলবেন ‘Bright young thing’.”

“তা আপনাকে বলতে রাজি আছি, বলে মিথ্যে বলা হয় না। কিন্তু সবাইকে—।”

“আপনি দেখছি মিষ্টি কথাই ময়রা। চকোলেটের বদলে আপনার compliment খেলেও চলে। আশা কবি সবাইকে খাইয়ে থাকেন?”

“আমি একনিষ্ঠ ময়রা।”

“আমাকে ছেড়ে ক’জনের কাছে একথা বলেছেন?”

“মিথ্যা বল্ব, না, সত্য বল্ব?”

“আগে মিথ্যাটা শুনি।”

“কাকুর কাছে না।”

“এবার সত্যটা।”

“জন পাঁচেকের কাছে।”

“আমি তা হলে আপনার ঘষ্ঠ?”

## আগুন নিয়ে খেলা

“এবং ‘প্রোঁঠ’।”

“প্রত্যেকবারেই সেটা মনে হয়ে থাকে বটে।”

“আপনার অভিজ্ঞতা থেকে বলছেন?”

“হান্ !”

“তবে কি এই আপনার প্রথম অভিজ্ঞতা?”

“ভারি ‘ছুষ্টু’ তো। নিজের মনের কথা বের্ফাস করে’ ফেলেছেন।

তা বলে’ আমার মনের কথা কাড়তে পাচ্ছেন না। বুঝলেন?”

“অহুমান করতে কতক্ষণ?”

“করুন না অহুমান?”

“এই করুন। আমার ছয়, আপনার ছয় ছক্ ছত্রিশ।”

( উল্লাস গোপন করে’ ) “আমি কিন্তু অত্যন্ত অনায়াস করছি। একজন অপরিচিত পুরুষের সঙ্গে—বিদেশীর সঙ্গে—ইয়ার্কি দিচ্ছি। মা যদি জানতে পান্ ভরানক ঠাট্টা করবেন।”

“আজকালকার মা’রা রাগ করেন না বুঝি?”

“রাগ করবেন! কেন, আমি কি তাঁর খাই না খারি? আমি তাঁর কোনো ক্ষতি করছি। আমার যথেষ্ট বয়সও হয়েছে।”

“কত বয়স? আঠারো?”

“ভারি বেয়াদব তো? মেয়েমানুষের বয়স জানতে চায়!”

“Sorry, আমার প্রশ্নটা ফিবিয়ে নিচ্ছি।”—অভিনয়ের ভঙ্গীতে সোম  
আবার bow করল।

ততক্ষণে তারা ক্যাথিড্রালের বাইবে এসেছে। বাইরে থেকে



## আগুন নিয়ে খেলা

ক্যাথিড্রালটিকে কেমন দেখায় হ'জন মিলে তাই দেখতে লাগল। হ'জনের কারুর কাছেই ক্যামেরা ছিল না বলে' তারা পরস্পরকে ছুঁতে লাগল। সোম বলল, “প্রেমিকের ছবি তুলে’ নিয়ে গেলেন না। বাড়ী ফিরে টেবিলের উপর কী সাজিয়ে রাখবেন?”

মিস্ স্কট বললেন, “আপনার প্রতিদ্বন্দ্বী। আপনারই কর্তব্য ছবি তুলে নিয়ে আয়নার কাছে রাখা এবং তুলনা করে’ দেখা কে কার চেয়ে সুন্দর।”

“আমিই যে ওর চেয়ে সুন্দর এ সম্বন্ধে আমার তো কোনো সন্দেহ নেই। আপনার যদি থাকে আপনার উচিত একসঙ্গে ওর আর আমার ছবি তোলা।”

“বাস্তবিক ছবির পক্ষে আইডিয়াল ব্যাকগ্রাউণ্ড! কে জানত আপনি আসবেন ক্যাথরিনের জায়গায়, ক্যাথরিন হতভাগী শেষকালে প্রাণ বন্ডে বসল।”

“তাকে আমার গভীর কৃতজ্ঞতা জানাবেন। তিনি থাকলে আমার কি কোনো আশা থাকত।”—সোম মিস্ স্কটের হুঁটি চোখের সঙ্গে হুঁটি চোখ মিলাল।

মিস্ স্কট চোখ নামিয়ে বললেন, “আচ্ছা, বলুন দেখি মেয়েরা মেয়েদের এমন করে’ অপমান করে কেন? ক্যাথরিন কথা দিল আমার সঙ্গে ছুটিটা কাটাবে, হ'জনে কিছু আগাম দিয়ে হোটেলে ঘর বুক করে’ রাখলুম। পোড়ারমুখী আমাকে আর মুখ দেখায় নি—দেখালে দুই চড় মারতুম—ফোন করে’ জানিয়েছে আরেক জনের সঙ্গে ব্র্যাকপুল্

## আগুন নিয়ে খেলা

স্বাঙা তার অতি অবশ্য দরকার। (ক্যাথরিনের স্বর অস্বাভাবিক করে) ‘অতি অবশ্য দরকার!’

সোম বলল, “ক্যাথরিনকে আমি দোষ দিইনে। ধরুন, ক্যাথরিন যদি আপনার ডান হাত ধরে’ টানে আর আমি টানি আপনার বাঁ হাত ধরে’, তবে আপনিই বলুন না আপনি কার সঙ্গে যাবেন?”

“ক্যাথরিনের সঙ্গে।”

“সত্যি?”

“না, ক্যাথরিনের সঙ্গে আমার জন্মের মত আড়ি। ওর সঙ্গে যাব না। কিন্তু আপনার সঙ্গে যে যাব একথা ভাবলেন কিসে?”

“আমি অন্তর্ভাব্যমী।”

“কী অহঙ্কার!”

“অহঙ্কার নয়, ম্যাডাম। নিজের ক্ষমতায় বিশ্বাস। জানেন আমি একজন self-made man?”

“আমিও self-made,”

“তবে তো আমাকে আপনার ভুল বোঝবার কথা নয়, মিস্ স্ট্রট।”

“আমি আপনার জীবনের কী জানি বলুন। ঐ ক্যাথিড্রালটার সম্বন্ধে না জানি তার চেয়ে ঢের কম।”

“তা হলে ক্যাথিড্রালেরই জিৎ?”

“না। ক্যাথিড্রালটা self-made নয়। Self made manএর ঊপর আমার পক্ষপাত আছে।”

“আর আমার পক্ষপাত সুন্দরী নারীর উপর।” (চোখে চোখ মিলিয়ে)

## আগুন নিয়ে খেলা

“তা হলে আমার বাঁ হাত ধরে’ কেন অকারণে টানবেন ?”

“আপনার ‘ভ্যানিটি’ ব্যাগে যদি আঘনা না থাকে তবে আমার চোখে আপনার মুখের প্রতিচ্ছায়া দেখতে পারেন। নিজের রূপ সম্বন্ধে সংশয় টিকবে না।”

“আপনার ওটা মুখ নয় তো, ময়রার দোকান।”

“ময়রার দোকানে মুখ দেবার নিমন্ত্রণ বইল। যখন আপনার সুবিধে হবে তখন।” ( মুখ টিপে টিপে হাসা )।

“যান। আমার সুবিধে কোনো দিন হবে না।”

“তা হলে দোকানদার তার মাল আপনার ঘরে পৌছে দিতে পারবে।”

“পেরে কাজ নেই। মিষ্টি জিনিষ প্রায়ই অন্তঃসারশূন্য হয়ে থাকে।”

“Proof of the pudding is in the eating. একবার পরখ করে’ দেখুন না ?”

“দেখে’ কাজ নেই, মশাই। ষড়্ভবাদ।”

“আচ্ছা, দেখা যাবে ক’দিন আমার দাবী এড়াতে পারবেন !”

“ক’দিন কী, মশাই। আজকেই না আপনি ব্রিষ্টলে যাচ্ছেন ?”

“নিশ্চয়। কিন্তু একা যাচ্ছিনে।”

“জ্বরদন্ত মাহুষ তো ! জোর করে’ টেনে নিয়ে যাবেন নাকি ?”

“বাঁ-হাতখানি বগলে পুরে।”—সোম মিস্ স্বর্টের বাঁ হাতখানি তুলে নিয়ে বগলে পূরল। মিস্ স্বর্ট বাধা দিলেন না।

## আগুন নিয়ে খেলা

ব্রিটল বাত্ৰী টোনে হু'জনে মুখোমুখি বসেছিল। মিস্ স্বর্ট বল্‌ছিলেন, “এত দূর এসে ব্রিটলে না গেলে মাসিমা মন খারাপ কৰ্বতেন। সেই জন্তেই বাওয়া।”

সোম বল্‌ছিল, “মাসিমা মহাৰাণী কী জয়! আমার জোৱেৰ সন্ধে তাঁৰ জোৱ না মিলে থাক্লে আমি কি সল্‌সবেৰীৰ ক্যাথিড্ৰালৰ সন্ধে পেরে উঠ্‌তুম।”

“বহুকাল তাৰ্কে দেখিনি। বড় মন কেমন কৰ্‌ছিল।”

“তাঁকে পেয়ে যেন সেই মাছুষটিকে ভুলে যাবেন না যে তাঁৰ পাণ্ডাৰ কাজ কৰেছে।”

“পাণ্ডাৰ কাজ কৰেছে গুণ্ডাৰ মতো জবৰদস্তি কৰে’।”

“বলবেন সেকথা মাসিমাকে। হয় তো কিছু বখ্‌শিষ মিলে যেতে পাৰে।”

“বখ্‌শিষ না কাগমল।। মাসিমাৰ হাতেৰ কাগমলা থান্‌নি কখনো না?”

“নাঃ। আমার মাসিমা ছিলেন অত্যন্ত লক্ষ্মী। তাঁৰ হাতেৰ সন্দেশ মোৰকা ও ক্বীৰপুলি খাওয়া আজো মনে আছে।”

“আপনার বাড়ীৰ কথা জান্তে ইচ্ছে কৰে। সেই মাসিমা এখনো আছেন?”

সোমৰ মুখেৰ উপৰ শোকেৰ ছায়া পড়ল। মিস্ স্বর্ট বল্‌লেন, “মা আছেন নিশ্চয়?”

সোম মুখ ফিৰিয়ে নিয়ে জানালাৰ বাইৰে তাকাল।

## আগুন নিয়ে খেলা

মিস্ স্কট সমবেদনায় নির্বাক হয়ে পা দিয়ে সোমের পা স্পর্শ করলেন।  
পায়ে পায়ে বাণী বিনিময় চলতে লাগল।

কিন্তু কখন এক সময় দেখা গেল পায়ে পায়ে লুকোচুরির খেলা  
চলেছে। দু'জনেবই দৃষ্টি বাতায়নের বাইরে চাষের জমির উপর, চাষার  
বাড়ীর উপর, বাচ'বীচ' এল্‌ম ওক্‌ পাইন গাছের উপর। কিন্তু দু'জনেরই  
মুখে ও চোখে ছুট হাসি। যেন নিজেদের পাগুলোর জন্তে নিজেরা  
দায়ী নয়।

গাড়ীতে এত লোক ছিল যে সকলে সকলের সঙ্গে গল্প করতে ও  
ছেলেপুলে সামলাতে বাস্তব। দু'টি মানুষ অগ্রমনস্কভাবে বাতায়নের  
বাইরে চেয়ে আছে এই পর্য্যন্ত তারা দেখল। দু'টি মানুষের অতি মন্থর  
চরণ লীলা তাদের চক্ষু এড়িয়ে গেল।

ব্রিষ্টলে যখন গাড়ী দাঁড়াল সোম বুদ্ধি করে' মিস্ স্কটের স্ট্রটকেস্টার  
ভার নিল। মিস্ স্কট ভাবলেন নিছক ভদ্রতা। তিনিও ভদ্রতা করে'  
সোমের হাত-ব্যাগটির ভার নিলেন। সোমের আপত্তিতে কান  
দিলেন না।

ষ্টেশনের বাইবে গিয়ে মিস্ স্কট বললেন, “মাসিমার ঠিকানাটা  
আপনাকে দিই! কাল সকালে একবার দেখা করলে খুশি হব, মিষ্টার  
সোম।” এই বলে' তিনি একটা ট্যাক্সিকে আসতে ইঙ্গিত করলেন।

সোম বলল, “আমাব হাত-ব্যাগটা সঙ্গে করে' নিয়ে যেতে পারেন,  
কিন্তু আপনার স্ট্রটকেস্টা ফিরে পাচ্ছেন না।”

“সে কী মিষ্টার সোম! দিনে দুপুরে ডাকাতি?”

## আগুন নিয়ে খেলা

“শুধু ডাকাতি করে’ই ক্ষান্ত হলাম। Abduction-এরও ইচ্ছে ছিল, মিস্ স্কট।”

“কী ভয়ানক মানুষ! এখন ট্যাক্সিওয়ালাকে আমি কী বলে’ ফিরিয়ে দেব?”

“ফিরিয়ে দেবেন কেন? উঠে বসুন। আমিও উঠছি। এই শোনো তো? একটা ছোট বোর্ডিং হাউসে নিয়ে যেতে পাব? আমরা বিদেশী। পার? ধন্যবাদ। বখশিশ পাবে।”

ট্যাক্সিওয়ালা তার বন্ধুদেব শুধাল। পুলিশের কন্স্টেবল-এর কাছে পরামর্শ চাইল। তারপরে অনতিদূর্বস্থিত একটি বোর্ডিং হাউসে দু’জনকে পৌঁছে দিয়ে নিজেই এগিয়ে গেল মালিককে ডাকতে।

বোর্ডিং হাউসটি খুব ছোট নয়। আসলে বোর্ডিং হাউসই নয়। একটা রেসিডেন্সিয়াল হোটেল। তাব দু’টি ঘরে দু’জনে জায়গা পেল। ঈষ্টারের মরুশুম। তাই ঘর দু’টি কিছু দামী। সস্তা ঘরগুলো খালি নেই।

সোম মনে মনে একটু ক্ষুব্ধ হল। মিস্ স্কট বিনা ব্যয়ে তাঁব মাদিমার বাড়ী থাকতেন। তাঁকে অপহরণ করে’ এনে এতটা ব্যয় কবানো সোমের উচিত হয়নি।

আহারাদির পর সোম কথাটা পাড়ল। বলল, “মিস্ স্কট, আমার প্রতি যদি আপনার কিছু মাত্র প্রীতি থাকে তবে আমাকে অল্পমতি দিন, আমি আপনার এখানকার খরচটা বহন করি।”

এর উত্তরে মিস্ স্কট এমন একটা কথা বললেন যা সোমের মাথা

## আগুন নিয়ে খেলা

ঘুরিয়ে দিল। বলেন, “মিঠোর সোম, আমি রাস্তার ছুঁড়ি নই, আমাকে কেনা যায় না।”

তাব পরে সোম একটিও কথা কইল না। উঠে বিদায় না নিয়ে নিজের ঘরে চলে গেল। গিয়ে বিড়ানায় উপুড় হয়ে পড়ল। ভাবল, মেলামেশার একটা সীমা আছে। সেই সীমাটা যে ঠিক কোনখানে কিছুতেই সেটা আমার মানুম হয় না। সেইজগ্রে যার সঙ্গে বেশী মিশতে গেছি তাব কাছে গলাধাক্কা খেয়েছি। তধু আমাব চেতনা হল না।

সোম তার নিজের দুই হাতে নিজের দুই কান মল্ল, বালিশের উপর নাক ঘষল। আজকেই সকাল বেলা সে ক্যাথিড্রাল দেখবাব সময় মনকে বল্ছিল, আমার মতো সাক্সেসফুল ছেলে ক’জন আছে? জীবনে যখন যে পরীক্ষা দিয়েছি তখন তাতে ফাষ্ট হযেছি। যখন যে মেয়েকে চেয়েছি তখন তাকে পেয়েছি। এই যে পেগী স্কট মেয়েটি একেও তো প্রায় পেয়েছি বল্ল হয়। দেখো একে ব্রিষ্টলে নিয়ে যাই কিনা।

তার পরে সত্যিই যখন ব্রিষ্টলেব গাড়ীতে পেগী স্কটকে তুল্ল তখন মনকে বল্ল, দেখলে তো, মিঠাব মন? যা মুখে বলি তা কাজে করি কি না? পেগী স্কটকে তাব মাদীর বাড়ী যদি যেতে দিয়েছি তবে আমার নাম কল্যাণু মাব সোম নয়।

সোম নিজের ক্ষমতার প্রতি সন্দিহান হয়ে নিজেকে গালাগালি দিল। মনকে বল্ল, হ্যালো শুন্তে পাচ্ছ? মন বল্ল, পাচ্ছি। সোম বল্ল, দেখ, আমাব অনুতাপ হচ্ছে। নিজেকে আমি অতিশয় ধূর্ত মনে করেছিলুম। সেটা খাবাপ। মন বল্ল, একটু কাদো। সোম বল্ল, আবেকটা দুর্বলতার

## আগুন নিয়ে খেলা

কথা তোমাকে বলি। মেয়েটিকে আমার সত্যি সত্যি ভালো লেগে গেছে। বলতে পারব না কেন। সুন্দরী নয়, সুন্দরী না। তারা বিশেষত্ব হচ্ছে সে খুব সপ্রতিভ। যেন কত কাল আমার সঙ্গে পরিচয়। অনেক মেয়ে আছে তারা ছ'মাসের পরিচয়কেও যথেষ্ট মনে করে না, ভয়ে-ভয়ে কথা বলে, পাছে ভব্যতার সীমা লঙ্ঘন করে' অশ্রদ্ধা পায়। এমেয়েটি অশ্রদ্ধার জন্তে কেয়ার করে না, অশ্রদ্ধা পেলেও কেয়ার করবে না। কেউ একে ভালোবাসুক না বাসুক বিয়ে করুক না করুক তাতে এর কিছুই আসে যায় না। সেই জন্তেই কি একে আমার ভালো লেগে গেছে?

মন জবাব দিল না।

কিন্তু দরজায় কে টোকা মারল বাইরে থেকে। সোম ভাবল, বোধ হয় হোটেলের কেউ হবে। বোধ হয় জিজ্ঞাসা করতে চায় কাল সকালে ঘুম ভাঙতে হবে কি না। সোম উঠে বসল। বলল, “ভিতরে আসতে পার।”

মিস্ স্কট।

মিস্ স্কট আগে জানালার কাঁচটা তুলে দিলেন। বললেন, “দিনটা যদিও বেশ উজ্জ্বল ও উত্তপ্ত ছিল রাতটাও তেমনি হবে এর মানে নেই।”

তারপর সোমের হাত-ব্যাগটাকে টিপুনি দিয়ে খুলে তার ভিতরকার জিনিষগুলিকে একে একে বের করলেন। মুখ-হাত ধোবার টেবিলের উপর রাখলেন কামাবার সরঞ্জাম, চুলের ব্রাশ ও ক্রীম, দাঁতের ব্রাশ ও পেণ্ট। দেয়ালের ভিতর রাখলেন শাট-গেঞ্জি মোজা কলার টাই।



## আগুন নিয়ে খেলা

নীচে গুঁজে দিলেন গ্লিপিং স্ফট। চটি জোড়াটিকে রাখলেন খাটের কাছে যে ষ্ট্যাণ্ড থাকে তারই ভিতরে।

তারপর একটি চেয়ার টেনে নিয়ে সোমের দিকে মুখ করে বসলেন।

সোমের রাগ পড়ে গেছিল। রাগের স্থান অধিকার করছিল মমতা। আহা, এই মেয়েটি যদি আমার ঘরণী হত। তবে আমার বইয়ের টেবিলের উপর টাই, বিছানার উপর শার্ট ও মেজের উপর মোজা গড়াগড়ি যেত না, চটি জোড়াটিকে দরকারের সময় খুঁজে পাওয়া যেত। তা হলে আমাকে আমার ল্যাণ্ডলেডি বৃত্তীকে auntie বলে তোয়াজ্ঞ করতে হত না।

মিস্ স্ফট বলেন, “কী ভাবা হচ্ছে!”

সোম অভিমানের স্বরে বল, “জেনে আপনার লাভ! আরেক দফা অপমান করবেন?”

“কবে আপনাকে অপমান করবুম, মশাই?”

“নিজেকে জিজ্ঞাসা করুন।”

“সত্যি, আমি সজ্ঞানে অপমান করিনি। অজ্ঞানে যদি করে থাকি তবে নাক চাইছি, মিষ্টার সোম।”

সোমের অভিমান জল হয়ে গেল। সে বল, “ঐ যে বলেন আপনাকে কেনা যায় না!”

“সে তো ঠিকই। আমাকেও কেনা যায় না, আপনাকেও না, কেউ কারুর খরচ দেবে কেন?”

## আগুন নিয়ে খেলা

“কিন্তু মিস্ স্কট, আমার জন্তেই যে আপনাকে খরচ করতে হল।  
নইলে আপনার তো মাসীর বাড়ী রয়েছে।”

“খরচ করবার জন্তে ছুটীতে বেরিয়েছি, খরচ হল তো বয়ে গেল।  
ধরুন আজ যদি সল্‌স্‌বেরীতে থাকতুম।”

“সেখানেও তো ক্যাথরিনকে ও আপনাকে জরিমানা দিতে হয়েছে  
পুরো তিনরাত থাকলেন না বলে’।”

“না গো মশাই, আমরা অত কাঁচা মেয়ে নই। ঈষ্টারের ভিড়  
হোটেলওয়ালাকে জায়গার জন্তে যাত্রীরা চেপে ধরেছে। আমি ওদের  
মধ্যে হুঁজনকে আড়ালে ডেকে নিয়ে বল্লুম, ‘আমার বন্ধুর ও আমার  
হুঁটো ঘর আমরা আপনাদের ছেড়ে দিতে পারি আপনারা যদি হুঁরাত  
থাকবেন প্রতিশ্রুতি দেন।’ ওরা আবেগের সঙ্গে বল্ল, ‘How kind of  
you ! How noble of you !’

সোম শেষের কথাগুলি শুনে সশব্দে হেসে উঠল। বল্ল, “আমাকে  
ওকথা আগে বলেননি কেন ? সেজন্তে আপনার উপর রাগ করব।”

“করুন রাগ। আমি বসে বসে দেখি।”

সোম বল্ল, “এত রাত্রে একজন ব্যাচলারের ঘরে বসে’ আছেন,  
আপনার সাহস কম নয় !”

“কেন, ভয় করুব কাকে ?”

“যদি বলি, লোকনিন্দাকে ?”

“লোকনিন্দার ভিৎ কাঁচা, যতক্ষণ আমি নিজে খাঁটি আছি।”

“যদি বলি, আমাকে ?”

## আগুন নিয়ে খেলা

( আতঙ্কের সঙ্গে ) “আপনাকে ?”

( কৌতূহলের সঙ্গে ) “আমার হাতের কাছে স্থইচ্। আপনার হাতের কাছে নয়। এই মুহূর্তে ঘর অন্ধকার করে’ দিতে পারি।”

(সাহস ফিরে পেয়ে) “চীৎকার করে’ রাজ্যের লোক জড়ো করব।”

“ভীকরাই চীৎকার করে’ থাকে। ছিঃ ছিঃ, মিস্ স্কট্!”

“আমার গায়ের জোর আপনাব থেকে কম নয়, মিষ্টার সোম।”

“ছেলেমানুষের মতো কথা হল মিস্ স্কট্। জানেন না যে অতিশয় দুর্বল মানুষও দুর্দান্ত হয়ে ওঠে যদি একতাল সোনা পড়ে রয়েছে দেখে।”

( ফিক্ কবে’ হেসে ) “আমি কি একতাল সোনা ?”

“নিশ্চয়, কিন্তু দেশ কাল পাত্র অনুসারে। অপরিসর ঘর, এগারোটা রাত, যুবা পুরুষ। এমন স্বযোগ জীবনে এক আববার আসে। এ কথা যখন ভাবা যায় তখন শশকের দেহতেও সিংহের বল সঞ্চার হয়, মিস্ স্কট্।”

“তা হলে আমি এই বেলা পালাই, মিষ্টার সোম।”

“না, না, আরেকটু বসুন।”

“না না, আমার আব সাহস থাকছে না।”

“সত্যি ?”

“সত্যি।”

“কেলেঙ্কারী, মিস্ স্কট্। ঠাট্টাও বোঝেন না।”

“এসব বিষয়ে ঠাট্টা যে গডাতে গডাতে কতদূর যায় তার দু’একটা।

## আগুন নিয়ে খেলা

দৃষ্টান্ত জানা আছে, মিষ্টার সোম। ছ'টো দিনের পরিচয়ে আমরা বড় বেশী দূরে এগিয়েছি।”

“সে তো শুধু বাক্যে। ফ্রান্সের মতো দেশে যা ধূলার মতো সস্তা, যুঁষে-কোনো যুবক যে কোনো যুবতীকে দিতে পারে, আপনাকে তাই আমি এ পর্য্যন্ত দিইনি—আমার এই সংযম, এই আত্মনিগ্রহ যেন আমার উপর আপনার আত্মাকে অটুট রাখে, মিস্ স্কট।”

( লজ্জাক্রণ বদনে ) “সেই মূল্যহীন উপঢৌকনটির নাম জানতে পারি কি ?”

“আপনিই আন্দাজ করুন না?”

“ফুল ?”

“ফুলের তো দাম আছে।

“তবে কী ?”

“চুষন।”

মিস্ স্কট সরমে রাঙা হয়ে ছ'হাতে মুখ ঢাকলেন। তৎক্ষণাৎ সপ্রতিভ ভাব ফিরে পেয়ে উঠে দাঁড়ালেন। বল্লেন, “এর জন্তে এত দীর্ঘ গৌরচন্দ্রিকা ?”

সোম কী বল্বে ভেবে পেল না। মতুষ্ট দৃষ্টিতে চেয়ে বইল।

মিস্ স্কট তার পাশটিতে গিয়ে বসলেন। বল্লেন, “আর দেবি না। ঘুম পাচ্ছে। দিন্।”

সোম ঘাবড়ে গেল। এতটা প্রসন্নতা প্রত্যাশা করে নি। তার অত্যন্ত লজ্জা বোধ হচ্ছিল।

## আগুন নিয়ে খেলা

মিস্ স্বর্ট হাসতে হাসতে বলেন, “দিন, দিন, দিন।”

সোম লজ্জায় জড়সড়। অপ্রস্তুতের একশেষ। চিরকাল সে অযাচিত ভাবে দিয়েছে। কদাচিৎ অযাচিতভাবে পেয়েওছে। কিন্তু কোনো দিন কেউ তার কাছে চুষন ভিক্ষা করেছে বলে’ তো মনে পড়ে না।

তখন মিস্ স্বর্ট স্প্রিংএর মতো লাফ দিয়ে দাঁড়ালেন। বলেন, “গুড নাইট, মিষ্টার সোম।” দরজার কাছ অবধি গেছেন এমন সময় সোম দিল স্‌ইচটা টিপে।

সোমের বুক টিপ্ টিপ্ করছে। সে যে কী চায় স্পষ্ট করে’ বুঝতে পারছে না। তবু মিস্ স্বর্টকে সে যেতে দেবে না। অন্ধকারে তার লজ্জা সঙ্কোচ রইল না। সে কাঁপতে কাঁপতে মিস্ স্বর্টের পিছনে গিয়ে দাঁড়াল।

মিস্ স্বর্টের পলায়নের স্বরা ছিল না। তিনি স্তম্ভের মতো শুক্ক হয়ে কী জানি কী ভাবছিলেন। সোম তাঁকে হিড় হিড় করে’ টেনে এনে বিছানার উপরে বসাল ও বসল। ঠিক সেই আগের জায়গা হ’টিতে। স্‌ইচ আর টিপ্ না।

অন্ধকার ঘর। হোটেল নিঃশব্দ। সোম ও মিস্ স্বর্ট কেউ কোনো কথা বলে না। পরস্পরকে স্পর্শ করে না পর্য্যন্ত। একজন থর থর করে’ কাঁপছে, অগুজন মর্ম্মর-মূর্ত্তির মতো নিঃস্পন্দ। পাঁচ মিনিট কেটে গেল। যেন একটা যুগ।

মিস্ স্বর্ট উঠে দাঁড়ালেন। তখন সোমও উঠে দাঁড়াল। মিস্

## আগুন নিয়ে খেলা

স্কট দরজার দিকে পা বাড়ালেন। তখন সোম তাঁর গতিরোধ করে  
তাঁকে ছই বাহু দিয়ে বাঁধল। তাঁর মাথাটি তার গলার উপর ঢলে  
পড়ল। সোম তাঁর কেশের উপর চুষন বৃষ্টি করে' চল।

অনেকক্ষণ চলে' গেলে পর তিনি মুখ তুলেন। বলেন, "Have you finished ?"

এত ক্ষণ যেন একটা বস্তুকে চুষন করছিল। মাহুষের গলার স্বর শুনে  
মাহুষের সঙ্গে মুখোমুখি হয়ে সোম আবার লজ্জায় ভ্রিয়মাণ হল। তখন  
তার বাহুপাশ খুলে মিস্ স্কট প্রশান্ত পদক্ষেপে ঘর থেকে বাহির হয়ে  
গেলেন।

## সব আগের দিন

নাম তার কল্যাণকুমার সোম। কিন্তু ইংলণ্ডের জল হাওয়ায় গুণে তার ইংলণ্ড স্থিত বাঙালী বুকুরাও তাকে সোম বলে' ডাকে। তার বাল্যবন্ধু প্রভাত তাব বছর খানেক আগে ইংলণ্ড এসেছে, সেই এক বছর বন্ধুর নাম ভুলিয়ে দেবার পক্ষে যথেষ্ট, তাই ষ্টেশনে অভ্যর্থনা কব্বে এসে প্রভাত তাকে সন্মোদন করেছে, “এই যে, সোম।” কাজেই সেও প্রভাতকে ডাকে দাশগুপ্ত বলে’।

দিন কয়েক আগে ঈষ্টারের ছুটিতে কলেজ বন্ধ হয়েছে। কিন্তু লগুন ছাড়তে সোমের মায়া কব্বে। লগুনকে সে ভালোবেসেছে, সেটা একটা কারণ। বোজ সফ্যায় সোহো অঞ্চলে না খেলে তার খেয়ে স্থখ হয় না। সেখানে নানা দেশের রকমারী লোকের সঙ্গে তার দোস্তি হয়। ওয়েস্ট্রেনের সঙ্গে সকলের মতো সেও ইষাকি দেয়। মাঝে মাঝে ফ্লাট কব্বাব মতো বান্ধবীও পায়। তবে সোম হুঁসিয়ার ছেলে। দশটার আগে বাসায় ফিববেই, এবং বারোটা অবধি বই খাতা নিয়ে বসবেই।

সকাল সকাল কলেজে যেতে হয় বলে’ ঘুমের ঘবে যেটুকু ঝাঁক পড়ে সেটুকু শনিবারে বিবিলারে বুঁজিয়ে দেয়। রাত বারোটার থেকে

## আগুন নিয়ে খেলা

বেলা বারোটা অবধি ঘুম। শনি ও রবি এই দু'টি বারের নাম “কুস্তকর্ণ day.”

সম্প্রতি ঈষ্ঠারের ছুটি হয়ে এমন হয়েছে যে প্রত্যেক দিনই “কুস্তকর্ণ দিন।” তাতে সোমের তো আনন্দ, কিন্তু তার ল্যাঙলেডির আপত্তি। ল্যাঙলেডি যেদিন থেকে তার আঁটি হয়েছে সেদিন থেকে মায়ের চেয়ে মরদী হয়েছে। সকাল বেলা ব্রেকফাস্ট না খেলে যে শরীর টিক্বে না অর্থাৎ ল্যাঙলেডির পক্ষে ব্রেকফাস্টের বাবদ কিছু অর্থপ্রাপ্তি শক্ত হবে সেই জন্তে আঁটি সোমের শোবার ঘরের বাইরেব করিডর দিয়ে খট্ খট্ করে' হুশো বার চলা ফেরা করে, তবু ভাগ্যের ঘুম ভাঙে না বারোটার আগে।

সোম রোজই ভাবে ঘুম থেকে উঠে সোজা কোনো রেস্টোরাঁতে গিয়ে লাঞ্চ খাবে, কিন্তু রোজই আঁটির আব্দার—“সোম, তোমার ব্রেকফাস্ট কখন থেকে টেবিলের উপর পড়ে’। তোমার আজকাল হল কী! বুধ বৃহস্পতি বারকেও তুমি শনি বার করে' তুলে। তোমার জন্তে তিনবার চায়ের জল গরম করেছি, পরিজ-এর দুধ গরম করেছি, ঘণ্টায় ঘণ্টায় ভেবেছি এইবার তুমি উঠবে।”

সোম বল, “ধন্যবাদ, আঁটি! কিন্তু কেন এত কষ্ট করলে।”

“করব না? তুমি সকাল বেলাটা উপোস দেবে, তাতে তোমার শরীর টিক্বে? হুঁষ্টু ছেলে! থাকত যদি তোমার মা এখানে তোমাকে বিছনার থেকে টেনে তুলত।”

তারপর বুড়ীর আদর শুধু ব্রেকফাস্ট খাইয়ে তৃপ্তি মানে না। বুড়ী



## আগুন নিয়ে খেলা

বল, “অবেলার ব্রেক্‌ফাস্ট। রোসো, কিছু রোস্ট কিষ্টা ষ্টু দিয়ে যাই! পেট ভরে’ খাও। আর বাজারের লাঞ্চ খেয়ে কাজ নেই।”

অতএব সোমের আর বাইরে গিয়ে লাঞ্চ খাওয়া আলাপ করা ফ্লার্ট করা হয়ে ওঠে না। সে কোনো দিন দিনেমায় কোনো দিন আর্ট গ্যালারীতে অপরাহ্নটা কাটিয়ে দেয়। কোনোদিন বাস্-এর মাথায় চড়ে’ শহর দেখে’ বেড়ায়।

লগুন ছাড়তে তার মায়া করে।

কিন্তু যেদিন গুডফ্রাইডে এল সেদিনকার ওয়েদারটি হল নিখুঁৎ। ঘেন ভারতবর্ষের বসন্ত দিন। সোমের শোবার ঘর রৌদ্রে ঝলমল করুল। সোম চোখ বুজে থকতে পারুল না। বা-হাতের রিষ্ট ওয়াচটাতে দেখল তিনটে বেজে দশ মিনিট। কানের কাছে নিয়ে বুঝল, বন্ধ। বেলা যে ক’টা হতে পারে আন্দাজ করা কঠিন। যেমন রোজ উঠেছে, মনে হয় বারোটা বেজে একটা বেজে গেছে। সোম ঘড়িটাকে ব্যার দুই নাড়া দিল। হাই তুলতে তুলতে বিছানার উপর উঠে বসল।

তাড়াতাড়ি পোষাক পরে’ নীচে নেমে এসে দেখল আন্টি কুকুর-সেবা করছে। ওটা তার প্রাতঃকালের প্রথম কর্ম। সোমকে দেখে বল, “এ কী অনাস্থি ব্যাপার! সাড়ে ছ’টার সময় পোষাক পরে’ কোথায় চলে?”

সোম বল, “মোটো সাড়ে ছ’টা! তোমার ঘড়ি ঠিক চলছে তো আন্টি?”

আন্টির ঘড়ি অবশ্য সর্বদা আধ ঘণ্টা পেছিয়ে চলে। ওটা আন্টির

## আগুন নিয়ে খেলা

পলিসি। ঠিক সময়ে খাবার দিতে পারে না, ঘড়ি দেখিয়ে বলে, “আমার অপরাধ কী! ঘড়িতে এখনো ঠিক সময় হয় নি।” তখন সোম বলে, “তা হলে কাল থেকে আমাকে আধ ঘণ্টা আগে খাবার দিও।” তার ফলে বুড়ী ঘড়িটাকে এক ঘণ্টা পেছিয়ে রাখে। সোম বলে, “আপ্তি, রক্ষা করো। যদি বলি কাল থেকে আরো আধ ঘণ্টা আগে খাব তা হলে তুমি ঘড়িটাকে আরো আধ ঘণ্টা পেছিয়ে দেবে। শেষে একদিন আটটার সময় উঠে দেখব তোমার ঘড়িতে দুটো বেজেছে, আড়াইটে না বাজলে তুমি খাবার দেবে না।” অগত্যা সোম আধঘণ্টা আগে উঠতে ও উঠে বুড়ীকে তাড়া দিতে অভ্যাস করল।

এ গেল ঘড়ির ইতিহাস।

বুড়ী বলল, “সাদে ছ’টার সময় কাজের দিনেও তোমার ঘুম ভাঙে না, এই ছুটির দিনে তুমি চলে কোথায়?”

সোম চট করে’ বানিয়ে বলল, “তোমাকে বলিনি বুঝি, আপ্তি? অস্থায় হয়ে গেছে। কিন্তু তাতে তোমার লোকমান হবে না। আমি যে পনেরো দিন বাইরে থাকুব সে ক’দিনের বাসা ভাড়া ঠিক এমনি দিতে থাকুব।”

বুড়ি উত্তেজিত হয়ে বলল, “যাচ্ছ বাইরে পনেরো দিনের মতো। না খেতে পেয়ে রোগা হয়ে কিরূবে সাবধান করে’ দিচ্ছি, সোম।”

সোম বলল, “ব্রেক্‌ফাস্টের দামও যেমন দিচ্ছিলুম তেমনি দেব, আপ্তি।”  
—বুঝতে পেরেছিল কী নিগূঢ় কারণে বুড়ী উত্তেজিত।

মোটো সাতটা বেজেছে। কুকুব-সেবা শেষ হলে বুড়ী ব্রেক্‌ফাস্টের

## আগুন নিয়ে খেলা

উদ্যোগ করবে। সোম ততক্ষণ কুকুরের সঙ্গে বল নিয়ে লোফালুফি খেলতে থাকুল।

\*

কোথায় যাবে সে কথা সোম বুড়ীকে বলে নি। কারণ, সে নিজেই জানে না। একটা হাত-ব্যাগে গোটা কয়েক জিনিষ পূরে বেরিয়ে পড়ল। আগে পথ, তাবপবে পথেব চিন্তা।। চলতে চলতে চলার লক্ষ্য স্থির করা যাবে।

অক্সফোর্ড স্ট্রীট ধরে' হাঁটতে হাঁটতে মাবল্ আর্চ পর্য্যন্ত এল। তারপরে হাইড পার্কে ঢুন্ল। তখন ইচ্ছা হল সার্পেন্টাইনে কিছুকাল বোটিং করে। যেখানে বোট ভাড়া করতে হয় সেখানে ভিড জমেছে। বাবা আগে এন্ডেছে তাদের দাবী আগে। সোম ভিডেব পিছনে ভিডে গেল। মিনিট কয়েকেব মধ্যে দেখা গেল পাশের লোকের সঙ্গে তার ভাব হয়ে গেছে।

তাবা দু'জনে মিলে একটি বোট ভাড়া কবল। সার্পেন্টাইনে নৌকা চালিয়ে সুখ নেই যদি না নৌকাতে কোনো বান্ধবী থাকে। তবু সুখ না হোক, অর্ধ সুখ, যদি নব পরিচিত বান্ধব থাকে ও সমানে দাঁড টানে। ঘণ্টা দুই দাঁড টেনে যখন কীতিমতো শ্রান্ত হল তখন পথিক-বন্ধুর কাছে বিদায় নিয়ে সোম আবাব পথ ধবল।

হাঁটতে হাঁটতে কখন এক সময় ভিক্টোরিয়ায় এসে পড়ল। স্টেশন দেখলেই মনটা বিবাগী হয়ে যায়। বিশেষতঃ ভিক্টোরিয়া স্টেশন, যেখান থেকে ফ্রান্স জার্মানী ইটালী অভিমুখে ঘণ্টায় ঘণ্টায় ট্রেন ছাডছে।

## আগুন নিয়ে খেলা

সোমের পকেটে যে টাকা ছিল তাতে প্যারিসে গিয়ে দশ দিন থাকা যায়, স্নইট্জারলণ্ডে গিয়ে ছ'দিন, ভিয়েনাতে তিন দিন। কিন্তু বুড়ীকে বলেছে পনেরো দিনের জন্তে যাচ্ছে। ইংলণ্ডের কোনো পল্লীতে দিন পনেরো ঘুমিয়ে কাটিয়ে দেবার নিৰ্ব্বাট আরাম তাকে প্রলুব্ধ করছিল। লণ্ডন থেকে দূরেনয়, অথচ বেশ নিরিবিলি। এমন কোনো জায়গা পাওয়া যায় কি না তল্লাস করবার জন্তে সাদান'রেলওয়ে কোম্পানীর গাইড বই চেয়ে নিয়ে ষ্টেশন বেতোরাতে লাঞ্চ খেতে বসল।

গিল্ডফোর্ড নামটি ভালো, ঐতিহাসিক স্মৃতিতে মুগ্ধ। 'ঐ স্থানটিকে রাজ্যকালের কেন্দ্র করে' প্রতিদিন নতুন পথে নিষ্কমণ করা যাবে। কোনোদিন Waverly Abbey, কোনোদিন Holt Forest, কোনোদিন Leith Hill.

মানচিত্র খুলে দেখল গিল্ডফোর্ড থেকে দিকে দিকে রাস্তা বেরিয়ে গেছে।

সোম মনঃস্থির ক'রে ফেলল। গিল্ডফোর্ডের টিকিট কিনল। যে প্লাটফর্ম থেকে গাড়ী ছাড়ে ও যে সময়ে ছাড়ে সে সব কথা ষ্টেশনে উস্তোলিত ব্ল্যাকবোর্ডে লেখা ছিল কিন্তু এতগুলো নাম পাশাপাশি ছিল যে সোম ভুল পড়ল। প্লাটফর্মে প্রবেশ কববার সময় টিকিট দেখে রেলের কর্মচারী বলল, 'গিল্ড ফোর্ড? এ গাড়ী তো সোজা গিল্ডফোর্ড যাবে না। এক কাজ করতে পারেন। Wokingএ নেমে অস্ত্র ট্রেন ধরতে পারেন।'

সোম বলল, "ধন্যবাদ।"

## আগুন নিয়ে খেলা

তখন ট্রেন ছেড়ে দেবার মুখে। লোকটি বল, “দৌড়ন। আধ মিনিট বাকী।” সোম দৌড়ল। কিন্তু বে কামরায় ঢুকতে যায় সে কামরায় গুড্‌ফ্রাইডের জনতা। ট্রেন ফেল করতে তার অনিচ্ছা ছিল না, আধ ঘণ্টার মধ্যে আবার ট্রেন আছে। কিন্তু একবার প্রাটিকর্মে ঢুকে বিফল হয়ে বেরিয়ে যাওয়া বড় লজ্জার কথা! সোম হাঁপাতে হাঁপাতে এঞ্জিনের কাছে কামরাগুলোকে সজ্যা করে’ ছুটল। তখন গাড়ী ছেড়ে দিয়েছে।

সোম হাঁ করে’ দাঁড়িয়ে সেই বৃহৎ সরীশ্বপটির গতিলীলা নিরীক্ষণ করছে এমন সময় একটি দরজা খুলে দিয়ে একটি তরুণী হাতছানি দিল। সোম কালক্ষেপ না করে’ হাতবাগটা ট্রেনের ভিতর ছুঁড়ে ফেল এবং দুই হাতে দুই পাশের লোহার শিক ধরে’ করিডরের উপর লাফ দিয়ে পড়ল। সেই বগিটিতে একটি কামরায় একটি জায়গা খালি ছিল। তরুণীটির পশ্চাদমুসরণ করে’ সোম সেই জায়গার সন্ধান ও অধিকার পেল। তখনও তার হৃৎকম্পন রহিত হয়নি! একটু পোশাকদ্রব্য পড়লে কাটা পড়ত। যাক্ একটা ফাঁড়া গেছে।

মেয়েটি সোমের স্বমুখের সারিতে বসেছিল। একটা ব্রাউন বঙের খাট তার মাথায়, একটা ব্রাউন বঙের ওভার-কোট তার গায়। নীল নয়ন, উন্নত নাসা, নিটোল গাল, রক্তিম অধর। যাক্ এত পাতলা যে তুলনা দিতে হয় আঙুরের সঙ্গে। সে আঙুর সাধা হওয়া চাই—রক্তাক্ত শুভ্র।

ইংরেজরা যাকে blonde বলে মেয়েটি তাই। আমরা যাকে

## আগুন নিয়ে খেলা

করসা কিম্বা জ্বলন্ত বলি তা নয়। তার কারণ আমরা করসাই হই আর জ্বলন্তই হই আমাদের গায়ের রং আমাদের চামড়ার নীচের রং নয়, চামড়ার উপরের রং। অর্থাৎ সূর্য্যদেব আমাদের চামড়ার উপর রং মাখিয়েছেন, সে রং তুখে আলতাই হোক আর ইঁড়ির কালিই হোক। অপর পক্ষে ইংরেজের গায়ের রং তার চামড়ার নীচের রং। তার চামড়া হচ্ছে জলের মতো আলোর মতো বর্ণহীন। তাই চামড়া ফুটে রক্ত মাংসেরই রং বাইরে থেকে দেখা যায়।

মেয়েটি তার বয়সের মেয়েদের তুলনায় গম্ভীর। নতুবা হাস্ত কিম্বা হাসির ভাগ কর্তৃক কিম্বা হাসির ছল খুঁজত। হাতে মুখ রেখে চুপ করে' কী যেন ভাবছে, মাঝে মাঝে একবার সোমকে চুরি করে' দেখছে। চোখা-চোখি হয়ে গেলে চোখ কিরিয়ে নিচ্ছে। সোমের হাসি পাচ্ছে, সোম সে হাসি চাপছে। সোমের গাম্ভীৰ্য্য মেয়েটির গাম্ভীৰ্য্যকে খোঁচা দিচ্ছে।

কামরাটিতে আরো অনেক স্ত্রী-পুরুষ ছিল, কিন্তু কেউ কারুর সঙ্গে আলাপ শুরু করতে সাহস পাচ্ছিল না। বোবার মেলা। সোম জানত একবার যদি একজন একটি কথা বলে সকলের মৌন ভঙ্গ হয়। কিন্তু সেই প্রথম কথাটি কে কাকে নাংস করে' বলবে?

একজন আমতা আমতা করে' বলেন, “আমার মনে হয় আজ বৃষ্টি হবে না।”

আরেক জন তার উত্তরে বলেন, “আমার তো মনে হয় না। আপনার?” (তৃতীয় একজনের প্রতি)।

## আগুন নিয়ে খেলা

তৃতীয় জন বল্লেন, “বলা ভারি কঠিন। কখন কোথা দিয়ে একথানা মেঘ উড়ে আসবে—”

একজন বুকা কথাটিকে সমাপ্ত করবার ভার নিলেন। বল্লেন, “আর এমন সুন্দর দিনটা মাটি করে’ দেবে।”

কামরাব সবাই একে একে কথাবার্তায যোগ দিল, দিল না কেবল সেই মেয়েটি ও সোম। তারা পরস্পরের দিকে চেয়ে কখন এক সময় চাপা হাসি হাসতে আরম্ভ করে’ দিয়েছিল কামরার অগ্র সকলের ভাব দেখে’। কামরাব সকলেই তাদের বয়োজ্যেষ্ঠ। বয়োজ্যেষ্ঠদের প্রতি এ যুগের বয়ঃকনিষ্ঠদের প্রচ্ছন্ন উপহাস ও অহুকম্পা যে কোনো ছ’জন অপরিচিত বয়ঃকনিষ্ঠকে নিকট করে’ তোলে। যেন ঐ কামবাটিতে দুটি দল—বয়োজ্যেষ্ঠদের ও বয়ঃকনিষ্ঠদের।

মজা হল যখন জ্যেষ্ঠদের একজন সোমকে বল্লেন, “আরেকটু হলেই আপনি ট্রেনটা মিস্ করেছিলেন, না?”

সোম বল্ল, “শুধু ট্রেনটা নয়, প্রাণটাও ” (সোম সেই মেয়েটির দিকে চেয়ে হাসল।)

যারা সোমকে লাক দিতে দেখেছিল তারা শিউবে উঠল। যারা দেখেনি তারা জিজ্ঞাসু দৃষ্টিতে তাকিয়ে রইল।

সোম বল্ল, “আমি ভাবছি ভগবানকে ধন্যবাদ দেব, না, ব্যক্তি-বিশেষকে ধন্যবাদ দেব।” (মেয়েটির বুকের রক্ত মুখে সঞ্চারিত হওয়ায় তাকে রক্ত গোলাপের মতো দেখাল।)

তখন সকলের দৃষ্টি পড়ল মেয়েটির উপরে। এতক্ষণ তার অস্তিত্ব

## আগুন নিয়ে খেলা

সকলে অবচেতনার মধ্যে অমুভব করুছিল, একটি ছোট কামরায় আটকন থাকলে যেমন হয়ে থাকে। আমরা ক'জন এক সঙ্গে আছি, মনকে এ সত্য হয় তো রাড়ায়, হয় তো রাড়ায় না, কেননা অনেকের মন স্বদূরস্থিত প্রিয়জনের সঙ্গ পেতে থাকে। কিন্তু দেহের নৈকট্য দেহের কোটো-পেটের উপর ছাপ রাখবেই। যদিও সে ছাপকে অনেকে ডেভেলপ করে না, সে সম্বন্ধে সচেতন হয় না।

এক সঙ্গে সকলের দৃষ্টি তার উপরে পড়ায় মেয়েটি অপ্রতিভ হয়ে সোমের উদ্দেশ্যে বল, “ব্যক্তিবিশেষটি যদি আমি হয়ে থাকি তবে ধন্যবাদটা আমাকে দিয়ে কাজ নেই। বরঞ্চ নিভেকে দিন চিম্পাঞ্জির মতো লাফ দিতে পারেন বলে’।”

মেয়েটির প্রথম সন্তোষ এই। প্রথম সন্তোষণেই তাকে চিম্পাঞ্জির সঙ্গে তুলনা করা সোমের ভারি রাগ হচ্ছিল। কিন্তু Wokingএর দেবি নেই, এখুনি নেমে যেতে হবে। সোম মনে মনে অনেকগুলি জবাব তৈরি করতে লাগল। কিন্তু কোনোটাই যথেষ্ট কড়া অথচ রসাল হয় না। তাই সোম রাগটাকে মন থেকে ঝেড়ে ফেলতে পারে না।

সোম এক অভ্যুত সঙ্কল্প করে’ বসল। Wokingএ নামবে না। মেয়েটি যে স্টেশনে নামবে সেই স্টেশনে নামবে। এ জন্তে যদি ইংলণ্ডের দক্ষিণ পশ্চিমের শেষ সীমায় যেতে হয় তবু সোম যাবে। মেয়েটিকে সে সহজে ছাড়বে না। মনকে জিজ্ঞাসা করুল, কী শান্তি দিলে শোধবোধ হয়? মন বন্ধ, শান্তির সেরা শান্তি চুপন। কিন্তু বন্ধ ধৈর্য্যে বহু ভাগ্যে



## আগুন নিয়ে খেলা

সম্ভব হয়। সোম বল্ল, পনেরো দিনেও সম্ভব হয় না? মন বল্ল, হয়। যদি তোমার মান অপমান অভিমান বোধটা কম হয়। যদি বুলডগের মতো গোঁ থাকে তোমার।

\*

Wokingএ সোম নামূল না। জন দুয়েক নেমে গেল ও জন দুয়েক তাদের জায়গা দখল করুল।

তারপরেই সোম পড়ল মুষ্কিলে। টিকিট-চেকার এসে হাত বাড়িয়ে দ্বিগ্নে হাকুল, “টিকিট! টিকিট;”

মেয়েটি কোন ষ্টেশনে নাম্বে সোম যদি তা জান্ত তবে নির্ভাবনায় বল্ত, “মত বদলেছি। গিল্ডফোর্ড যাব না। অমুক ষ্টেশনের ভাড়া নিয়ে রসিদ দাও।” ইংলণ্ড প্রভৃতি দেশে জরিমানা দিতে হয় না, ১০ মাইলের টিকিট কিনে ১০০ মাইল গেলে ৯০ মাইলের অতিরিক্ত দাম দিলেই গোলমাল চুকে গেল।

সোম ভাবল, জিজ্ঞাসা করি ঠেকে কোন ষ্টেশনে উনি নামবেন। কিন্তু চণম অভদ্রতা হবে।

টিকিট-চেকারকে বল্ল, “শোনো। আমি গিল্ডফোর্ড যাব না ঠিক করুন, কিন্তু কোথায় যে যাব ঠিক করিনি! দরকাব হলে Penzanceও যেতে পারি, আবার কাছেই কোথাও নেমে পড়তেও পারি। তুমি এক কাজ করো, তুমি আবার যেখানে চেক করতে আস্বে সেইখানকার ভাড়া নিয়ে রসিদ দাও।”

চেকার বল্ল, “সে অনেক দূর। Axminster”.

## আগুন নিয়ে খেলা

সোম বল, “কুছ পরোয়া নেই।”

চেকার বল, “আচ্ছা, আপনার জন্তে আমি মাঝখানে হু’একবার আসব। আপাতত ভাড়া দিতে হবে Whitchurch পর্যন্ত।”

সোম বল, “তথাস্তু।”

বিদেশী মাতৃষের কাছে অভূত কিছু সকলেই প্রত্যাশা করে। সোমের কাণ্ড দেখে সকলেই একবার গম্ভীরভাবে পরস্পরের মুখ চাওয়াচাওয়ি ক’রে কাশল। সেই মেয়েটিও।

সোম খুশি হলো। এই ভেবে যে মেয়েটি তার গোপন সঙ্কল্প টের পায়নি। পরে যখন এক ষ্টেশনে হু’জনে নামবে তখন মেয়েটিকে সোম চম্কে দিয়ে অত্মরোধ করবে, “আমাকে একটা হোটেলের সন্ধান দিতে পারেন?” তারপরে বলবে, “কাল যদি আনার হোটেলে একবার পায়ের ঝুলো দেন?”

এই সব কাল্পনিক কথোপকথন বানাতে বানাতে সোমের সময় বেশ কেটে যাচ্ছিল, তার মুখে হাসি ফুটে উঠছিলও। সোম মাঝে মাঝে মেয়েটির চোখে চোখ রেখে তার মনের কথা পূর্ববার চেষ্টা করছিল। এখন আর মেয়েটি চোখ ফিরিয়ে নিচ্ছিল না, বরঞ্চ সর্বোত্তম সোমকে অধ্যয়ন করছিল, যেন সোম চিড়িয়াখানার চিম্পাঞ্জি।

সোমের যতই রাগ হচ্ছিল ততই জেদ বাড়ছিল। এতগুলো লোকের সাক্ষাতে অপরিচিত মেয়েকে ফস্ করে’ জিজ্ঞাসাও করতে পারে না যে কেন আমাকে গাড়ীতে উঠতে ইঙ্গিত করলেন? চিম্পাঞ্জির সঙ্গে সময় কাটিয়ে আমোদ পাবেন বলে’?

## আগুন নিয়ে খেলা

Whitchurch এল। সেই সঙ্গে এল সোমের পূর্বপরিচিতি টিকিট-চেকার। বল, “কী ঠিক করলেন, স্ত্রী?”

সোম লক্ষ্য করল মেয়েটি নাম্বার উন্টোগ করছে না। তার হুটকেন্স নামানো হয়নি, ওভারকোটের বোতাম আঁটা হয়নি। সোম বল, “কিছুই ঠিক করিনি, চেকার। তুমি যা বলবে তাই হবে।”

চেকার আপ্যায়িত হয়ে তাকে সল্‌স্বেরীর রসিদ দিল। তখন সোম লক্ষ্য করল মেয়েটির মনের চমক মুখে ব্যক্ত হল। তবে কি মেয়েটি সল্‌স্বেরী যাচ্ছে? সোম ভাবল, যেখানেই যাক আমাকে এড়াবার জো নেই। চিম্পাঞ্জিকে যেচে সাথী করেছে, চিম্পাঞ্জিকে শেষ পর্যন্ত সাথীরূপে পাবে।

এখনো মেয়েটি সোমের সঙ্কল্প অতুমান কর্তে পারেনি ভেবে সোমের হাসি চেপে রাখা শক্ত হচ্ছিল। সে আরেকবার মনে মনে বিহার্সাল দিতে লাগল মেয়েটির পিছন পিছন নেমে গিয়ে কী ভাষায় ও কেমন ভদ্রতার সহিত সে তার অতুর্বাদটি জানাবে। যুহু হেসে বলবে, Excuse me, এখানকার কোনো হোটেলের সঙ্গে কি আপনার জানাশুনা আছে? আছে? ধন্যবাদ। কী নাম বললেন? অমুক হোটেল?.... কিছু না মনে করেন যদি তো একটি অতুর্বাদ পেশ করবার অতুর্মতি প্রার্থনা করব।....অতুর্মতি মঞ্জুর করেছেন? ধন্যবাদ। কাল যদি আপনার সময় ও সুবিধে থাকে আমার সঙ্গে চা খেয়ে আমাকে অতুর্গৃহীত করবেন কি?....না? বড় দুঃখিত হলাম। অন্ত কোনো দিন? অন্ত কোন সময়?....অত্যন্ত সুখী হলাম।

## আগুন নিয়ে খেলা

এমনি ভাবতে ভাবতে সলস্বেরী এল। তার আগেই মেয়েটি স্ট্রটকেস্ নামিয়েছিল। একবার কোটটা বেড়ে নিয়ে চুলটা ঠিক করে নিয়ে মুখের উপর ছ'বার কন্সাল বুলিয়ে মেয়েটি করিডরে গিয়ে দাঁড়াল এবং জানালা দিয়ে দূর থেকে সলস্বেরীর ক্যাথিড্রাল অন্বেষণ করল।

সোম নাম্ছে। টিকিট-চেকারের সঙ্গে মুখোমুখি। “কী স্তর, এইখানে নামছেন?”

“এইখানেই নামছি।”

“অত তাড়াতাড়ি কিসের? একটু গল্প করা বাক্। সলস্বেরী এই প্রথম দেখবেন?”

“এই প্রথম দেখব।” (নোমের ভারি অস্বস্তি বোধ হচ্ছিল। মেয়েটি অনেক দূর চলে গেছে। এদিকে এ লোকটাও ছাড়ে না।) “ভালো কথা, চেকার। তোমার কাছে আমি কৃতজ্ঞ। এই শিলিংটি তার নিদর্শন।”

সোম জান্ত লোকটা হঠাৎ গল্প করবার জুড়ে এতটা উদ্গ্রীব হ'ল কেন। শিলিংটা পেয়ে তার গল্প করবার সাধ মিটল। সে সেলাম করে' সরে' গেল।

সোম মেয়েটির গতিবিধির খেঁই হারিয়ে ফেলেছিল। চেকারকে অভিশাপ দিতে দিতে দৌড়ল। আরেক গেরো স্টেশনের গেট-এ। সেখানে ওরা সোমের রসিদ দুটোকে ও টিকিটটাকে বারবার উন্টেনাপন্টে দেখে গিল্ডফোর্ডের যাত্রী সলস্বেরী এসেছে, ব্যাপারটা যেমন অদ্ভুত তেমনি সন্দেহাত্মক।

## আগুন নিয়ে খেলা

কোনো মতে ছাড়া পেল। কিন্তু কোথায় সেই মেয়েটি? সোম ছ'হাতে ট্যান্ডিওলাদের ঠেলে' সরিয়ে নিরাশ ক'রে মেয়েটির সন্ধানে চারিদিকে চাউনির চর পাঠাল।

অকস্মাৎ দেখল মেয়েটি একটি ট্যান্ডিসিতে বসে' তারই দিকে চেয়ে আছে। সোম তীরের মতো ছুটে গেল মেয়েটির কাছে। সোমের বিহাসর্পাল দেওয়া ভূমিকার সমস্ত গোলমাল হয়ে গেছিল। সে বল, “আমাকে কোনো একটা হোটেলে পৌছে দিতে পারেন?”

মেয়েটি বল, “আহুন। আমিও একটা হোটেলে যাচ্ছি।”

সোম বলবাদ দিতে ভুলে গেল। মেয়েটির পাশে জায়গা করে' নিল। বলে' ফেল, “ইন্! আপনাকে কত খুঁজছি।”

মেয়েটি বিস্মিত হয়ে বল, “আমাকে।”

“ই, আপনাকেই। আপনার জগ্নেই তো সল্‌স্‌বেরী আসা।”

“সত্যি?”

“আশ্চর্যের কী আছে, ছুটি কাটাতে বেরিয়েছি। আমার পক্ষে গিল্ড্‌ফোর্ড যা, সল্‌স্‌বেরীও তাই। অধিকন্তু সল্‌স্‌বেরীতে একজন চেনা মানুষ পাব, যে মানুষ ট্রেনে উঠতে সাহায্য করেছেন, তার কাছে আমি কৃতজ্ঞ।”

মেয়েটি নীরব বইল। সোম এক নিঃশ্বাসে কত কথা বলে' চল। সমস্ত পথ সে যত কিছু ভেবেছে ও মনে মনে বলেছে, সেই সব। কিন্তু ট্যান্ডিটা বেরসিকের মতো দশ মিনিটের মধ্যে হোটেলে পৌছে গেল।

## আগুন নিয়ে খেলা

হোটেলের অফিসে গিয়ে মেয়েটি বলল, “আমার বন্ধু ক্যাথরিন ব্রাউন আসতে পারেন নি। আমার এই বন্ধুটি তাঁর বদলে এসেছেন।”

মেয়ে-কেরানী বলল, কী নাম?”

মেয়েটি সোমের মুখের দিকে তাকাল।

সোম বলল, “সোম।”

তখন মেয়ে-কেরানী মেয়েটিকে জিজ্ঞাসা করল, “আপনার নাম মিস্ পেগী স্কট। কেমন ঠিক তো?”

মেয়েটি বলল, “ঠিক।”

তখন সোমকে ও মিস্ স্কটকে নিজ নিজ ঘরের চাবী দিয়ে একটি চাকরের সঙ্গে উপর তলায় পাঠিয়ে দেওয়া হল।

\*

হোটেলটি প্রথম শ্রেণীর। পরস্তু ঐতিহাসিক। সোম এমন হোটেলে স্থান পেয়ে খুশি হয়েছিল। এই হোটেলে অন্তত এক শতাব্দী ধরে কত লোক এসেছে গেছে, সম্ভবত তারই ঘরে বাস করেছে। কত পুরুষ, কত নারী।

সোম মুখ হাত ধুয়ে আয়নার সামনে দাঁড়াল। ঠিক lady-killer না হোক স্পুরুষ বটে। বেশ একটু কালো। ভালোই তো। সাদা মাসুকের দেশে সহজেই দৃষ্টি আকর্ষণ করবে। এই যে মিস্ স্কট আজ তাকে টেনে উঠবার ইঙ্গিত করলেন, কোনো সাদা মাসুকে তা করতেন কি?

দেশে থাকবার সময় সোম গৌফ কামাত। কিন্তু ইংলণ্ডে এসে

## আগুন নিয়ে খেলা

দেখল, সকলেই গৌফ কামায়। তখন সোম অতি যত্নে গৌফের চাক কবুল, জার্মান কাইজারকে হার মানাবার মতো স্পর্ধাব্যঞ্জক গৌফ। ভাবছিল দাড়িও রাখবে, কিন্তু কাইজার-মার্কী গৌফের সঙ্গে কেমন দাড়ি মানায় সে সম্বন্ধে তার কোনো ধারণা ছিল না, কেননা স্বয়ং কাইজারের দাড়ি নেই। আর জার্মান দার্শনিক কাইজারলিং-এর দাড়িটা চটকদার বটে, কিন্তু কাইজারলিং-এর দাড়ি রামছাগলের দাড়ির মতো।

আষনার সামনে দাঁড়িয়ে সৌম তাব গৌফের প্রশাধন কবুল। তার ভয় হচ্ছিল চেহারাটা ক্রমশঃ টিপু সুলতানের মতো হয়ে উঠছে মনে করে। ইংলণ্ডে বেশ আছে, কিন্তু দেশে তো একদিন ফিরতেই হবে, তখন আত্মীয় বন্ধুবা ছি ছি করবে। গৌফটি যতই পুষ্ট হচ্ছে চুলগুলি ততই খাটো হচ্ছে। প্রায় জার্মানগদেব মতো। ইংলণ্ডে দৃষ্টি আকর্ষণ করবাব সেটাও একটা সম্বন্ধেত।

চায়ের জন্ত সোম নীচের তলায় নেমে এল। দেখল মিস্ স্বট তখনো আসেন নি। তিনি যে আসবেনই সে কথা সোমকে বলেন নি। বস্তুত তিনি হোটেলের উঠে অবধি সোমকে একটিও কথা বলেন নি। ট্যান্সিতে ও ট্রেনে যা বলেছিলেন তা এত স্বল্প যে সোমের মুখস্থ হয়ে গেছল।

তবু সোম tea for two করমাস কবুল। এবং চাকরকে ডেকে বস, “যাও দেখি, আমার বন্ধুনীটিকে খবর দাও।” তারপর ভাবল, চাকরের কাছে “বন্ধুনী” বলাটা কি সম্ভব হয়েছে, “বন্ধুনী” কথাটিতে

## আগুন নিয়ে খেলা

কত যে রহস্য, কথাটি কত যে aesthetic, নিয়ন্ত্রণের লোক তার কীই বা বুঝবে? বরঞ্চ একটা moral প্রতিশব্দ ব্যবহার করলে কতকটা বুঝত। “Friend” না বলে বলা উচিত ছিল “fiancée.” অর্থাৎ ভাবী বধু।

মিস্ স্কট চায়ের আয়োজন দেখে’ বল্লেন, “আমি তো চা দিতে বলিনি।”

সোম বল্ল, “আপনার হয়ে আমি বলেছি ধরে’ নিন।”

“অন্তায়! বড় অন্তায়!”

“সেজ্ঞে আমার উপর অবসর মতো রাগ করবেন, কিন্তু এখন দয়া করে’ mother হোন দেখি। (ইংরেজ পরিবারে মা সবাইকে খাবার বেঁটে দেন। সেই থেকে mother কথাটার এক্ষেত্রে অর্থ, যিনি চা তৈরি করে’ দেন।)

মিস্ স্কট সোমের পেয়ালা টেনে নিয়ে বল্লেন, “চিনি খান?”

“খুব খাই। না, না ছুটোতে আমার কুলবে না, চারটে দিন। ও কী! ঝাঁচটা—হাঁটা—সাতটা! (মিস্ স্কটের হাত চেপে ধরে) মাফ করবেন। সত্যি এত চিনি আমি খাইনে।”

মিস্ স্কট হাত ছাড়িয়ে নিয়ে সোমের পেয়ালার ভিতর চামচ পুরে গোটা তিন চিনির টেলা তুল্লেন ও কেটলী থেকে পেয়ালায় চা ঢালতে লাগলেন।

সোম বল্ল, “থাক্, থাক্, ঐ থাক্। আধ পেয়ালা চ আধ পেয়ালা দুধ। হাসছেন? কিন্তু কখনো খেয়ে দেখেননি কী উপাদেয় পানীয়।



## আপ্তন নিয়ে খেলা

অবশ্য লোকে এ জিনিষকে চা বলে না। সেইজন্তে আমি এর নাম দিয়েছি 'Tilk'. তার মানে Tea, ~~মিল্ক~~ Milk, ব্যাকরণ মানিনে; হুয়ে গেল 'Tilk' কেমনে তা জানিনে।”

মিস্ স্কট্ বলেন, “যেমন Joynson-Hicks থেকে Jix।”

সোম বল, “যেমন Breakfast আর Lunch মিলে Brunch।”

হু’জনে হাসতে লাগল।

সোম বল, “আপনি চিনি নিলেন না?”

মিস্ স্কট্ বলেন, “আমাব চিনির দরকাব করে না।”

“সেকথা সত্যি। যে নিজে মিষ্টি তার পক্ষে মিষ্টি বাহুল্য।”

মিস্ স্কট্ কোনো দিকে না চেয়ে আপন মনে মুহু হাসলেন।

সোম তাঁর দিকে রুটি মাখন কেক ইত্যাদি বাড়িয়ে দিয়ে বল,  
“আজ্ঞা করুন।”

তিনি তেমনি মুহু হেসে একখানি crumpet নিলেন ও ছুরী দিয়ে সেটিকে কাটলেন। বলেন, “ধন্তবাদ, মিষ্টার সোম।”

সোম বল, “আমার নাম কী করে’ জানলেন?”

মিস্ স্কট্ বলেন, “আপনার নিজ মুখে শুনে।”

“আপনি বেশ মনে রাখতে পারেন।”

“আপনি বেশ compliment দিতে পারেন।”

কিছুক্ষণ চুপচাপ। চা খাওয়া এগোতে লাগল। কিন্তু চুপ করে’ থাকার সোমের স্বভাবে নেই। সোম বল, “Trumpet থানা কেমন লাগছে?”

## আগুন নিয়ে খেলা

মিস্ স্কট্ সবিশ্বয়ে বলেন, "Trumpet !"

সোম বল, "Crumpet কে আমি Trumpet বলি।"

"ওঃ !"

আবার নীরবতা। সোম বাক্যালাপের উপলক্ষ্য খুঁজল। বল,  
"আরেক থানা Trumpet নিন্।"

মিস্ স্কট্ বলেন, "ধন্যবাদ।" তার মানে, "না।"

সোম একটু আহত বোধ করল। তখন তার মনে পড়ে' গেল মান  
অপমান অভিমান বোধটা একপ ক্ষেত্রে কম থাকা ভালো। কেননা  
মেয়েরা পুরুষদের ইচ্ছে করে' কষ্ট দিয়ে থাকে। বাজিয়ে নিতে  
ভালোবাসে।

সোম নকল হাসি হেসে বল, "Trumpet ভালো লাগল না। তবে  
কিছু Kiss-Fake নিয়ে দেখুন।"

মিস্ স্কট্ আসল নামটা আন্দাজ করতে চেষ্টা করলেন। পারলেন  
না। কিন্তু সোম যখন জিনিষটা বাড়িয়ে দিল তখন জোরে হেসে  
বলেন, "ওঃ ! বুঝছি ! Fish-Cake। হা হা হা।"

সোম বল, "এই যে Fish Cake কে বল্লুম Kiss-Fake এ ধরনের  
উল্টো পাল্টা কথাকে বলে Spoonerism. ডক্টর স্পূনারের গল্প  
শুনেছেন ?"

মিস্ স্কট্ সর্কোতুহলে বলেন, "কই ? নাঃ।"

"তবে শুনুন। ডক্টর স্পূনার তাঁর Well-oiled bicycle চড়ে'  
কলেজে পড়াতে যেতেন। ছেলেরা একবার জিজ্ঞাসা করল, 'স্বর,

## আগুন নিয়ে খেলা

আপনি কিসে করে কলেজে আসেন?’ তিনি অগ্রমনস্ক ছিলেন। মুখ দিয়ে বেরিয়ে গেল, ‘আমার একটি Well-boiled icicle আছে।’

মিস্ স্কটের উচ্চ হাস্য।

সোম বলল, “তখন থেকে ছেলেরা মজার মজার কথা বানিয়ে তাঁর নামে চালাতে থাকল। “Three cheers for the dear old Queen’ বলতে গিয়ে তিনি নাকি বলেছিলেন, “Three cheers for the Queer old Dean.”

মিস্ স্কটের উচ্চতর হাস্য। সোমের যোগদান।

যে ঘরে বসে’ তারা চা খাচ্ছিল সে ঘরে অনেকে ছিল। হাসির শব্দ শুনে কালো মানুষটির দিকে গম্ভীর দৃষ্টিতে তাকাল। সোম জানত ওটা কৃত্রিম গান্ধীর্ঘ্য। কৌতুহলকে চেপে রাখার নামাস্তর। কিন্তু মিস্ স্কট্ সম্ভবতঃ ভাবলেন যে কালো মানুষের সঙ্গে ইয়াকি দেওয়াটা সাদা মহাপ্রভুদের পছন্দ হচ্ছে না।

তিনি তাঁর মুখের হাসির স্ফীটটিপে দিলেন। তাঁর মুখ অন্ধকার হয়ে গেল। পাছে সোম কিছু মনে করে এই বিবেচনায় বলেন, “আরেক পেয়লা দিই?”

সোম বলল, “ধন্যবাদ।” অর্থাৎ, “না।” সোমও “না” বলতে জানে।

এর পরে মিস্ স্কট্ উঠে দাঁড়ালেন। বলেন, “বাই। আমাকে একখ’না চিঠি লিখতে হবে।”

সোম নাছোড়বান্দার মতো সঙ্গে সঙ্গে চলল। বলল, “আমাকেও।”

## আগুন নিয়ে খেলা

লাউজে চিঠি লেখার সরঞ্জাম ছিল। মিস্ স্কট্ ও সোম দু'জনেই কিছু খাম ও কাগজ নিয়ে কলম কামড়াতে লাগল। চিঠি লেখা শেষ করে' উঠতে তারা ঘণ্টাখানেক সময় নিল। সোম লিখল তার বন্ধু প্রভাতকে। মিস্ স্কটের সঙ্গে তার পরিচয় ও সম্বন্ধকে বাড়িয়ে লিখল। যেন সে ঈষ্টারের ছুটিতে দিয়িজয়ে বেরিয়েছে। প্রথম দিনেই একটি রান্সজয়।

মিস্ স্কট্ লিখলেন তাঁর বন্ধুনী ক্যাথরিনকে। কী লিখলেন বোঝা গেল না। কিন্তু লিখতে লিখতে হাসছিলেন। তাই দেখে' সোমের মনে হচ্ছিল সোমের মুখ থেকে শোনা হাসির কথাগুলি টুকছিলেন। কিম্বা হয় তো লিখছিলেন একটি চিম্পাঞ্জি আমার সঙ্গ নিয়েছে।

মিস্ স্কট্ বলেন, “এবার চিঠি দু'খানা ডাকে দিয়ে আস। দরকার। দিন, আমি দিয়ে আসি।”

সোম বল, “ধন্যবাদ! চলুন, আমিও আপনার সঙ্গে চিঠির বাক্সটা চিনে রেখে আসি।”

চিঠি দু'খানা হোটেলের চাকরকে দিলেই চলত। কিন্তু তারা একটু বেড়িয়ে আসতে উৎসুক হয়েছিল। নতুন সহরে এসে পায়ে হেঁটে বেড়াতে ভারি ইচ্ছে করে। মিস্ স্কট্ উপরে গেলেন তাঁর ফ্ল্যাট ও কোট পবে' আসতে। সোম ততক্ষণ নীচের তলায় পায়চারি করুতে থাকল।

চিঠির বাক্স কাছেই ছিল, তবু তারা ডাকঘরের বাক্সে চিঠি দেবে স্থির করে' এগিয়ে চলল। শহরটিতে একটি ছোট খালের মতো নদী

## আগুন নিয়ে খেলা

—ইংলণ্ডের বহুতর নদীর মতো এরও নাম Avon. শহরটি ছোট রাস্তাগুলির কাটাকুটি শহরটিকে দাবা খেলান্ন ছকের মতো করেছে।

সোম খুশি হয়ে বল্ল, “লণ্ডনে থেকে আমার হাঁফ ধরে’ গেছে, মিস্ স্কট—যদিও লণ্ডন আমার কাছে স্বদেশের মতো প্রিয়। সন্স্-বেরীতে যদি আমার বাড়ী থাকত, আমি রোজ ডেলি-প্যাসেঞ্জার হয়ে লণ্ডন যাতায়াত করতুম।”

মিস্ স্কট বল্লেন, “আমি হলে পারতুম না। বড্ড সকালে উঠতে হত।”

“বেশী রাত করে’ ঘুমতে যান বুঝি?”

“না, এগারোটায়।”

“তা হলে আরেকটু সকাল সকাল ঘুমোতেন।”

“সন্স্বেরীতে থাকলে? হা হা। বাড়ী পৌছতেই ন’টা বাজত। কাজ, আর কাজ করতে যাওয়া, আর কাজ করে’ ফেরা। নিজেই বলে’ একটু সময় থাকত না।”

“খুব খাটুনি বুঝি?”

“খুব। কিন্তু খাটতে আমার ভালোই লাগে। আবার মাঝে মাঝে ছুটি নিয়ে পালাতেও সাধ যায়। কিন্তু রোজ ট্রেনে বসে’ আকাশ পাতাল ভাবতে ভাবতে ঘেন্না ধরে’ যাবে বুঝি!”

“আজকেও ঘেন্না ধরে’ গেছে বুঝি!”

“বিলক্ষণ। ক্যাথরিনটা এমন করে’ দাগা দেবে কে জান্ত, বলুন। একসঙ্গে আসার সমস্ত ঠিকঠাক। আমি এলুম সন্স্বেরী, ও গেল ব্রাকপুল।”

## আগুন নিয়ে খেলা

“বড় ভাবনার কথা বটে!”

“ঠাট্টা করছেন।”

“কে আমি? না। আমি ভাবছিলাম আপনি কেন ব্র্যাকপুল গেলেন না। সেও তো একসঙ্গে যাওয়া হত।”

“বা রে, আমি কী করতে ওদের সঙ্গে যাব?”

“বুঝেছি। ক্যাথরিন নেহাৎ নিঃসঙ্গ ছিল না। মাঝখান থেকে আপনিই নিঃসঙ্গ হলেন। কেমন?”

মিস্ স্কট্‌ এর উত্তরে নতমুখী হলেন। বলেন, “আজ তো নিঃসঙ্গ নই। কাল কী হবে বলা যায় না।”

সোম কোমল কণ্ঠে বলল, “বলা যায়। কালও নিঃসঙ্গ হবেন না।”

মিস্ স্কট্‌ নীরব। সোম বলল “ভালো কথা, আপনার উপর আমি রাগ করেছি।”

( চমকে উঠে ) “কেন?”

“অনুমান করুন।”

“করতে পারছিনে। সত্যি বলছি।”

“আমাকে চিন্সাপাঞ্জি বলেছেন।”

“চিন্সাপাঞ্জি বলেছি! কখন?”

“মাত্র একটবার আপনি কথা বলেছেন ট্রেনে। মনে পড়ে না।”

“সত্যি আমার স্মরণশক্তি ভাল নয়। ও কথা বলে’ থাকি তো ক্ষমা চাইছি।”

## আগুন নিয়ে খেলা

“আপনি বড় ভালোমানুষ। আমি হলে কমা চাইতুম না, বস্তুম চিম্পাঞ্জির মতো লাফ দিয়ে ট্রেনে ওঠা মানুষের পক্ষে প্রশংসার কথা।”

“বাস্তবিক। আপনার সাহসের স্তুতি করতে হয়।”

“আবার ভালমানুষী করলেন! আমি হলে স্তুতি করতে না। বস্তুম ওটা একটা বেআইনি কাজ। চোর ডাকাতির যোগ্য।”

“তাই তো। অন্তায় করে’ ফেলেছেন।”

“অন্তায় কিসের? প্রাইকর্মে ঢুকবার সময় আমাকে একমিনিট আটকে রেখেছিল কেন? তারপর আমাকে দৌড়তে বলেছিল কেন? ট্রেনেরই উচিত ছিল আমার জন্তে দাঁড়ানো।”

“আমারও তাই মনে হয়।”

“কিন্তু তাতে অগ্ন্যাগ্ন যাত্রীদের সময় নষ্ট হয়। তারা punctual হয়েও পস্তাবে, এটা কি গায়সঙ্গত?

“না, গায়সঙ্গত নয়।”

“গায়সঙ্গত না হলেও ভদ্রতার খাতিরে মাঝে মাঝে এক আখটা ব্যতিক্রম মন্দ নয়। ধরুন আমি যদি একজন স্থলকায়া মহিলা হয়ে থাকতুম!”

মিস্ স্কট ভীষণ হাসতে লাগলেন। সোম তাঁকে আরেকটু হাসাবার জন্তে বলল, “কিন্তু ধরুন সত্যিকারের চিম্পাঞ্জি!”

মিস্ স্কট ক্লান্ত হয়ে বলেন, “Oh, dear!”

\*

দিনারের পরেই কেউ শোবার ঘরে যায় না। অভাব ওরা বসবার

## আগুন নিয়ে খেলা

ঘরে গিয়ে তাসখেলা দেখতে বসল। ওরাও খেলায় যোগ দিত, কিন্তু মিস্ স্বই ভালো খেলতে পারেন না বলে' রাজি হলেন না এবং সোম এত ভালো খেলতে পারে যে খেলা জিতে অনেক টাকা পেত—সেটা একজন বিদেশীর পক্ষে ভালো দেখায় না।

কাজেই তারা নিঃশব্দে অত্যান্তদের ত্রিজ্ খেলার দর্শক হল। সোম একজনের হাত চেয়ে নিয়ে দেখল ও তাঁর পরামর্শদাতা হল। মিস্ স্বই যে মেয়েটির dummy হয়েছিলেন তাঁর সঙ্গে আলাপ করতে প্রবৃত্ত হলেন।

খেলার সময় সময়জ্ঞান থাকে না। সোমের নেশা লেগে গেছল। সে মিস্ স্বটের উপস্থিতি বিশ্বত হয়েছিল। প্রতিপক্ষের হাতে ক'টা ও কোন কোন রং আছে সেই কল্পনায় সে বিভোর। পরামর্শগ্রহীতার উৎসাহকেও তার উৎসাহ ছাড়িয়ে যাচ্ছিলো। তাঁর হারজিৎ যেন তার নিজের হারজিৎেরও বেশী। তিনি হারলে সোমের মুখ দেখানো কঠিন হয়, সে যে পরামর্শ দিয়েছে। তিনি জিৎলে সোম সবাইকে সিগারেট বাড়িয়ে দেয়। বলে, “নিতে আজ্ঞা হোক।”

অবশেষে এক সময় খেলার ব্যবধানে মিস্ স্বই সকলকে এক সঙ্গে বলেন, “গুড্ নাইট।” সকলে সবিনয়ে বল, “গুড্ নাইট।” দুটো একটা ভদ্রতার কথাও বলা হল। যেমন, “কালকে তো আপনাকে আমরা এই হোটেলে পাচ্ছি।”

মিস্ স্বই বিশেষ করে' সোমকে “গুড্ নাইট” না বলে চলে গেলেন। এটা সোমের মর্মে বিধ্বল। তার আর খেলায় মন বসল না, রাত্রে



## আগুন নিয়ে খেলা

মিস্ স্বপ্নের সঙ্গে এই শেষ দেখা, একথা ভাবতে তার মন কেমন করছিল। অথচ সাড়ে দশটা বেজে গেছে, দেখা হবার সুযোগও আর ঘটেবে না।

কিছুক্ষণ যাব কি যাব না করে' সোমও বিদায় নিল। তার পরামর্শ-গ্রহীতা তাকে কৃতজ্ঞতা জানালেন এবং প্রতিপক্ষের ডব্রলোক ও মহিলা বলেন, “কাল আপনাকে সম্মুখ সমরে নামতে হবে কিন্তু।” আর সেই যে মহিলাটি dummy হয়েছিলেন তিনি বলেন, “শুধু আপনাকে নয়, আপনার বন্ধুনীকেও।”

আমার বন্ধুনী! সোম দুঃখের হাসি হাসল! উপরে গিয়ে কাপড় চাঙল, মুখ হাত ধুল, চুলে বৃক্ষ লাগাল, পা মুছল। তারপর বিছানায় উঠে আলোটা নিবিয়ে দিল, অত্যন্ত সকালে ঘুম থেকে উঠেছিল বলে' তার বেশ ঘুম পেয়েছিল।

সোম চোখ বুঁজে ঘুমের প্রতীক্ষা করছে। হঠাৎ শুনল কে যেন টোকা মাঝে—টুক টুক টুক। দরজায়, না দেয়ালে? দেয়ালে। কোন্ দেয়ালে? সোম কান খাড়া করল। বিছানার পাশের দেওয়ালেই। টুক টুক টুক।

ওপাশের ঘরটা মিস্ স্বপ্নের। মিস্ স্বপ্ন এখনো ঘুমেন নি? দুটু মেয়ে। আমাকে ফেলে পালিয়ে আসার কী দরকারটা ছিল! এতক্ষণ বুঝি আমার জন্তে জেগে থাকে গেছে?

সোম উত্তর দিল—ঠক ঠক ঠক। তার তো মেয়েমাহুষের হাত নয়। তার আঙলের আওয়াজ ঠক ঠক ঠক।

## আগুন নিয়ে খেলা

তার উত্তরে দেওয়ালের ওপরে শুধু যে টুক টুক টুক বেজে উঠল ভাই নয়, দরজার ফাঁক দিয়ে হাসির শব্দ এল, খিল খিল খিল।

ছুট্টে মেয়ে। সারাদিন মুখে রা ছিল না। কী কপট গাভীয়া! ট্রেনে গেই যে চিম্পাঙ্গি বলা তার পরে আর কথা নেই। হোটেলের ও পথে আমি যত কথা বলেছি উনি তার সিকিও বলেন নি।

সোম কী উপায়ে আনন্দ জ্ঞাপন করবে ভেবে পেল না। কতবার ঠক ঠক ঠক কর্তে থাকবে? জ্বোরে হেসে উঠতে তার সাহস হচ্ছিল না। কেননা তার ঘরের একদিকে যেমন মিস্ স্কটের ঘর অপরদিকে তেমনি কোন এক অপরিচিত জনের। মিস্ স্কটের ঘরটাই হোটেলের এই দিকের শেষ ঘর বলে' মিস্ স্কটের ভয় ছিল না।

বিছানা ছেড়ে মিস্ স্কটের দরজায় টোকা মেয়ে তাঁকে ডাকবে? করিডরে কিছুক্ষণ পায়চারি করবে তাঁকে নিয়ে?

হায়রে দুর্ভাগ্য! সোম ড্রেসিং গ্রাউন আনেনি। এই কাপড়ে বাইরে যাওয়া যায় না, বেড়ানো যায় না। মিস্ স্কট দেখলে নেহাৎ যদি মুচ্ছা না যান একেলে মেয়ে বলে, 'তবু অল্প লোক দেখে ফেললে কী ভাববে ভেবে 'দূর 'দূর' করে' তাড়িয়ে দেবেন।

বিছানার থেকে জানালা খুব কাছেই। এ ঘরের জানালা থেকে ও-ঘরের জানালাও খুব কাছে। সোম বিছানা ছেড়ে জানালার চৌকাঠের উপর বসল। বলে' মিস্ স্কটের জানালার কাচের গায় টোকা মারল।

মিস্ স্কট ধড়কড়িয়ে জানালার কাছে এলেন। সত্যে বলেন, "কে?"

## আগুন নিয়ে খেলা

উত্তর হল, “চিম্পাঞ্জি।”

“চিম্পাঞ্জি? লাফ দিয়ে আসবেন না তো?”

“যদি আসি?”

“না, না।” ( মিনতির স্বরে )

“ভয় নেই, আমি চেষ্টা করলেও পারব না।”

মিস্ স্কট নীরব।

গোম ডাক্ল, “মিস্ স্কট?”

উত্তর হল, “ইয়েস?”

“পালিয়ে এলেন কেন?”

“ঘুম পাচ্ছিল বলে।”

“ঘুম আসেনি কেন?”

“ভাবছিলুম বলে।”

“কী ভাবছিলেন?”

“একজনের কথা।”

“ক্যাথরিনের কথা?”

“না।”

“আপনার boyএর কথা?”

“Boy আমার নেই।”

“তবে কার কথা?”

“চিম্পাঞ্জির।”

“চিম্পাঞ্জির এত ভাগ্য!”

## আগুন নিয়ে খেলা

“ভাব্ছিলুম আজকের দিনটা কি অভূত।”

“আমিও তাই ভাব্ছিলুম।”

“আপনি খেলা ছেড়ে উঠে এলেন কেন?”

“আপনি উঠে এলেন কেন?”

“ঐ যে বল্লুম ঘুম পাচ্ছিল।”

“আমারও। আমি আজ ভোরে উঠেছি কি না।”

“আপনার কোথায় যেন যাবার কথা ছিল?”

“গিল্ডফোর্ড।”

“গেলেন না কেন?”

“আপনিই বলুন।”

“সন্স্বেরীতে নামলেন কেন?”

“আপনাকে তো ওকথা ট্যান্সিতে বলেছি।”

“আপনি ভারি খারাপ লোক।”

“আমাকে আপনার ভয় করছে?”

“কারণে আমার ভয় করে না।”

“ধরুন যদি আমি লাফ দিয়ে ঘরে ঢুকি?”

“চীৎকার করে’ পাড়’ মাথায় করব।”

“যদি মুখ চেপে ধরি?”

“কামড়াব।”

“তবে তো আপনি চিম্পাঞ্জিকেও ছাড়িয়ে যান।

“আমি সব পারি।”

## আগুন নিয়ে খেলা

“লাফ দিয়ে এ ঘরে আসতে পারেন?”

“পারি। কিন্তু তার দরকার নেই।”

“তবে আর রাত জাগেন কেন? ঘুমতে যান।”

“তাই যাই।”

“যাবাব আগে একবার হাতটা বাড়িয়ে দিন, বিদায় ঝাঁকুনি দিন।”

মিস্ স্কট হাত বাড়িয়ে দিলেন! সোম খপ করে’ মুখের কাছে টেনে নিল। সোম চুষন করতেই মিস্ স্কট অগ্নিপৃষ্ঠের মতো ঝপ করে’ কেড়ে নিলেন।

সোমের সঙ্কল্প অক্ষরে অক্ষরে পূরণ হল। সে মেয়েটির সঙ্গে শেষ পর্যন্ত এল, মেয়েটিকে প্রকারান্তরে চুষনও করল। সে আজ উঠে কার মুখ দেখেছিল? তখন কি ভাবতে পেরেছিল দিনটি এমন সুখদ হবে? সোম সাধারণত যা করে না তাই করল। সেই ভগবানকে স্মরণ কবল যিনি ঋতীর ভগবান, মার্ককের ভগবান। দুঃখের দিনে আমিই আমার বন্ধু, সুখের দিনে তিনি আমার অতিথি।

## শেষের দিনের শেষ

কফি খাওয়া আর ফুরায় না। একবার চুমুক দেয় তো দশ মিনিট ভাবে। থেকে থেকে মুচ্কি হাসি হাসে। যেন শক্ত চাল চলেছে। তবু কোনো চালেই কিস্তি মাং হয় না। নতুন করে চাল চালতে হয়।

এমনি করে' সময় যায়! কফিও জুড়িয়ে কাদা। দু'জনেব ধান ভাঙিয়ে দিয়ে হিল ঘরে ঢুকে বলে, “আরো কিছু দিয়ে যেতে হবে, ম্যাডাম?”

পেগী ঘাড় নেড়ে অসম্মতি জানায়।

“স্তর?”

সোম বলে, “না, ধন্তবাদ।”

তখন কফির ভুক্তাবশেষ স্থানান্তরিত হবে' হিল বলে, “তবে কি আমরা বিভ্রাম করতে যেতে পারি?”

সোম পেগীর মুখে তাকায়।

পেগী ঘাড় নেড়ে সম্মতি জানায়। কথা বলে যদি তার ভাবনার খেই হারিয়ে যায়।

বিল bow করে' বলে, “গুড নাইট ম্যাডাম। গুড নাইট, স্তর।”

## আগুন নিয়ে খেলা

অগত্যা পেগীকেও বলতে হয়, “গুড্‌নাইট, মিষ্টার হিল।” সোম তো বলেই।

বাড়ীর সকলে ঘুমতে গেল। পাড়ার সকলে ঘুমিয়ে। এগারোটা বেজে গেছে। ছোট গ্রামের পক্ষে সেই অনেক রাত। চারিদিক নিরুন্ম।

সামনে যে ছোট টেবিলটা ছিল তার উপর দুই হাতে মুখ ঢেকে পেগী নিদ্রার আয়োজন করল। তার চোখ দুটি ঢুলু ঢুলু, তবু হাসি-হাসি। তার চুলগুলি আলু খালু, গালের উপর মুখের উপর পড়েছে। ডান হাত দিয়ে বাম বাহুকে ও বাম হাত দিয়ে ডান বাহুকে জড়িয়ে ধরে’ পেগী মাথা গুঁজল।

এই তার রণকৌশল। এই তার ব্যূহরচনা। সোমের সাধ্য কী যে তাকে স্থানচ্যুত করে!

যে চেয়ারে বসেছিল সেই চেয়ারের সামনের দু’টো পায়াকে পেগী দুই পা দিয়ে লতার মত করে’ জড়াল। সোম যদি তার হাত ধরে’ টানাটানি করে। রুতকার্য্য হয় তবু চেয়ারকে উন্টে না ফেলে বিকট আওয়াজ না করে কার্পেটে আঁচড় না লাগিয়ে তাকে নড়াতে পারবে না। তার আগে হিল-দম্পতীর ঘুম ভাঙবে, বাড়ীতে চোর পড়েছে ভেবে তারা পাড়ার লোককে ডাক দিয়ে জাগাবে, সোমের অবস্থা হবে সড়ীন এবং পেগীর মুখ হবে রড়ীন। তখন যা হয় একটা মিথ্যে ঘটনা বানিয়ে বলা যাবে।

পেগীর তন্দ্রা লেগে আস্ছে এমন সময় সোম আচম্কা উঠে দাঁড়াল

## আগুন নিয়ে খেলা

এরং পেগীর উদ্দেশে “গুড্‌ নাইট্‌” বলে’ লঘু পদপাতে ঘর থেকে বেরিয়ে গেল।

উপরতলায় তাদের ঘর। সোম মোমবাতিটা জ্বলে’ দিয়ে ম্যান্টল-পীসের উপর রাখল। এসব অঞ্চলে ইলেকট্রিকের চলন হয় নি।

হঠাৎ বিছানার দিকে চেয়ে তার চক্ষু চড়কগাছ। একটি মাত্র খাট—তাতে দু’জনের চারটে বালিশ। দুপুর বেলা ঘর দেখতে এসে সোম হিলকে বলেছিল, “এই বড় খাটটা বের করে’ নিয়ে এর জায়গায় দু’টো ছোট খাট পেতে দিতে পারবে?” হিল বলেছিল, “এত বড় খাটকে তো দরজা দিয়ে বের করা যায় না, স্ত্র। মিস্ত্রি ডেকে পায়া-গুলো খোলাতে হয়।” সোম বলেছিল, “তা হলে এই সোফাটাকে সরিয়ে এর জায়গায় একটা ছোট খাট পাততে হবে।”

হিল কথা রাখেনি। হিলের বৌ দু’জনের বিছানা একসঙ্গে করা সোজা এবং স্বাভাবিক বলে’ তাই করে’ রেখেছে। সোম অতি কষ্টে বিরক্তি দমন করে’ সোফার উপর গোটা দুই বালিশ ও একখানা চাদর সহযোগে নিজের জন্তে স্বতন্ত্র শয্যা রচনা করল। নতুবা পেগীর কাছে মুখ দেখানো যায় না। পেগী ভাববে, বিশ্বাসঘাতক! কুচক্রী!

সোম কাপড় ছেড়ে মুখ ও মাথা ধুয়ে চুলে ত্রাশ দিয়ে সর্কার সোফাটিতে কায়ক্লেশে গা এলিয়ে দিল। মোমবাতিটি নিবিয়ে দিল না। যদি পেগী এসে অঙ্ককারে দেশলাই না খুঁজে পায়।

সোমের ঘুম আসছিল না। তার দেহমন পেগীর আসার অপেক্ষা করছিল এবং পেগীর দেহমনকে আয়ত্তের মধ্যে পাবার উপায় উদ্ভাবন



## আগুন নিয়ে খেলা

করছিল। তার কামনা বাগ মান্ছিল না, তবু তার আত্মসম্মানবোধ তীব্রতর হয়েছিল। পেগীকে সে আততায়ীর মতো আক্রমণ করবে না, বাস্তবিতের মতো অধিকার করবে—এই তার মনস্কামনা। কিন্তু পেগী এত বিমুখ কেন? আনন্দটা কি পেগীর ভাগে কিছু কম পড়বে? কিছা পেগী একটু খোসামোদ চায়, হাতে পায়ে ধরে' রাজি করানো, আত্মহত্যার ভয় দেখানো—সাধারণ কামুকদের যত কিছু উপচার?

সিঁড়িতে কার পায়ে'র শব্দ? পেগীর? সোম চট্ট করে' চোখ বুঁজল, গভীর নিদ্রার অভিনয় করতে হবে, পেগী জাহুক যে সোম তার জন্তে কেয়ার করে না, পেশাদার প্রেমিকের মতো জাগে না।

পেগী কপাটে ছ'বার টোকা মারল। সাড়া না পেয়ে ঘরে ঢুকল জানালাটাতে ফাঁক ছিল, সযত্নে বন্ধ করে' দিল। তখনো মোমবাতি মিট মিট করছিল। তার নির্ঝাণোন্মুখ অবস্থা। তারই আলোয় দেখল সোম সোফায় শুয়ে। খাটের দিকে চেয়ে দেখে বিরাট খাট। তাতে অনায়াসে ছ'জনকে ধরে। এত বড় প্রলোভনকে উপেক্ষা করে' সোম সোফায় কোনোমতে আড়ষ্ট হয়ে ঘুমিয়ে।

ঠিক ঘুমিয়ে তো? পেগী ছুঁছুঁ'মি করে' মোমবাতিটি সোমের মুখের 'পর তুলে ধরল। এক ফোটা গলানো মোম সোমের কপালের উপর টলে' পড়ল, সোম একটুও 'উছ' করে' উঠল না। কেবল ঈষৎ জ্বকুজিত করল। পেগী সযত্নে ও সখেদে শুটুকু জমাট সোম সোমের কপাল থেকে নখ দিয়ে খুঁটে' নিল।

বাতি ষথাস্থানে রেখে সে সসঙ্কোচে কাপড় ছাড়তে লাগল। তার

## আগুন নিয়ে খেলা

ভন্ন হাচ্ছিল পাছে সোম খস্ খস্ শব্দ শুনে চোখ মেলে চায়, দেখে' ফেলে।

সোম ছু'বার থক্ থক্ করে' কাশ'ল। পেগী ত্রস্ত হয়ে এক ফুঁয়ে  
বাতিটি নিবিয়ে দিল। সোম পাশ ফির্ল। তার ঘুম ভাঙ'বার মুখে।  
পেগী শশব্যস্ত হয়ে কাপড় ছাড়া শেষ কর'ল।

সোম সহজ স্বরে বল্ল, “বাতিটা নিবিয়ে ভালো করোনি, পেগ্।  
আমার চোখ তোমাকে দেখছে, তোমার চোখ টের পাচ্ছে না।”

পেগী লজ্জায় মরে' গিয়ে বল্ল, “তুমি ঘুমও নি?”

“না।”

“আমি যখন এলুম জানতে পেরেছিলে?”

“নিশ্চয়।”

“তবে তোমার কপালে মোমের কেঁটা পড়ে' যাওয়াও অনুভব  
করেছ?”

“ভাবছিলুম তুমি ইচ্ছে করে' ফেলেছ।”

“না গো, সত্যি বলছি, ইচ্ছে করে' ফেলিনি।”

“ইচ্ছে কবে' ফেলেছ ভেবে আমি কত খুশি হয়েছিলুম, পেগ্।  
আমার দেশে বোনেরা ভাইদের কপালে ফোঁটা দিয়ে ঘরের দুয়াবে  
কাঁটা দেয়। আমার যদি এদেশে একটি বোন থাকত।”

“বেশ্ তো! আমিই তোমার বোন হব।”

“কখনো না।”

“তবে কী হব?”

“স্ত্রী।”

## আগুন নিয়ে খেলা

“এখনো তোমার সেই খেয়াল আছে?”

“প্রবলভাবে আছে, পেগ্‌।”

পেগী এতক্ষণে বিছানায় আরাম করে’ শুয়েছিল। লেপটা বুক পর্যন্ত টেনে নিয়ে সোমকে বল, “বেচারি সোম! তোমার জন্তে আমার দুঃখ হচ্ছে।”

সোম বল, “হঠাৎ?”

“তুমি সোফায় শুয়ে কষ্ট পাচ্ছ। একটা মোটা কম্বলও নেই গায়ে দেবার। শীতে কাঁপ বে।”

“তা বলে’ তুমি তো তোমার স্বথশয্যায় ঠাই দেবে না।”

“দিতুম, যদি ভাই হতে।”

“চাইনে ঠাই, যদি ভাই হতে হয়।”

“সারারাত কষ্ট পাবে?”

“সারারাত কষ্ট পাব আব ভাব্‌ব মিথ্যা সম্বন্ধ পাতিয়ে সত্য সম্বন্ধের পথ রুদ্ধ কবিনি।”

“একটা রাতের জন্তে এত সত্যসন্ধ হবে? কাল এতক্ষণে তুমি কোথায় আর আমি কোথায়, সোম?”

“ভগবান জানেন। আমি আশা ছাড়্‌ব না।”

“নিজেকে ভোলাতে চাও তো ভোলাও। কিন্তু নির্কোষ তুমি, এমন গরম এবং নরম বিছানা হারালে!”

সোম কথা কইল না।

পেগী বল, “ঘুমুলে?”

## আগুন নিয়ে খেলা

“না।”

“আমারও ঘুম আসছে না।”

“আমার ভয়ে? আমি অভয় দিছি পেগ্, নিদ্রিতা নারীকে আমি আক্রমণ করব না।”

“সোম।”

“কী?”

“আমার মাথার কাছে বসো এসে।”

“হঠাৎ?”

“এমনি।”

“পূর্বরাগ বুঝি?”

“দূর।”

“তবে আমি যাব না।”

“এসো, লক্ষ্মীটি।”

সোম সোফা ছেড়ে পেগীর শিয়রে বসল। পেগী তার একটি হাত টেনে নিয়ে মুখে ছোঁয়াল। বলল, “ডার্লিং।” কিছুক্ষণ কেটে গেল। তখন পেগী বলল, “একটা কথা জিজ্ঞাসা করব, সত্যি বলবে?”

“তোমার কাছে মিথ্যা বলতে পারি?”

“বলো আমার’ পরে তোমার অন্তর কণামাত্র বাকী আছে?”

“কেন ওকথা জিজ্ঞাসা করলে?”

“তুমি বলো আগে।”

“তুমি আগে বলো।”

## আগুন নিয়ে খেলা

“এই ধরো তুমি আমাকে কাপড় ছাড়তে দেখলে। ( লজ্জায় মুখ তেকে ) ছি ছি ছি।”

“তার ক্ষত্রে যদি অশ্রদ্ধা করতে হয় তবে বলতে হয় কোনো স্বামী তার স্ত্রীকে শ্রদ্ধা করে না।”

“করে না, সে তো জানা কথা।”

“আমি এমন অনেক স্বামীর নাম করতে পারি যারা তাদের স্ত্রীদের দেবতার মতো ভক্তি করে।”

“তা হলে বলতে হবে তারা এক ঘরে রাত কাটায় নি।”

“Silly ! তাদের ছেলেপুলে আছে।”

“তা হলে দেবতার মতো ভক্তি করাটা লোক দেখানো।”

“না গো, তা নয়। সমুদ্রে আমরা গীতার কাটি বলে, সমুদ্রকে কম ভক্তি করিনে। দেহও সমুদ্রের মতো প্রাকৃতিক বিষয়। তাকে দেখে ‘আনন্দ, স্পর্শ করে’ আনন্দ, সর্বাঙ্গে অনুভব করে’ আনন্দ।”

“আমার বিশ্বাস হয় না। ধরো আজ যদি আমি নিজেই দিই কাল তুমি ভাববে ওর মধ্যে রহস্য কি আছে! রহস্য না থাকে তো শ্রদ্ধা করবে কেন?”

“এক দিনে কি একজনকে নিঃশেষ করতে পারা যায়?”

“এক দিনে না হোক দশ দিনে, বিশ দিনে, এক বছরে, দু’বছরে?”

“দু’বছর আমার ভক্তি পেয়েও তোমার তৃপ্তি হবে না, পেণ্?”

“না, সোম। আমার দাবী সারা জীবন।”

“দু’বছর পরে দেখবে আমার ভক্তি পাও বা না পাও তাতে তোমার

## আগুন নিয়ে খেলা

কিছু আসে যায় না। তখন তোমার অন্ত কোনো ভক্ত পাওয়া গেছে  
বার ভক্তি পেয়ে স্বর্গস্থ, না পেলে যন্ত্রণা।”

“তবু আমি জীবনে একবার মাত্র বিয়ে করব, দু’বছর অন্তর একবার  
না।”

“ওটা তোমার জেদ। যুক্তিসহ নয়।”

“কিন্তু থাক, এ নিয়ে তর্ক করব না। তুমি যখন সেই মানুষ নও যে  
আমাকে চিরকালের মতো বিয়ে করবে ও শ্রদ্ধা করবে তখন আমি সেই  
মানুষের খাতিরে আজ তোমার হাত থেকে আগ্রহ কব্ব।”

সোম এতক্ষণ পেগীর চুলগুলি নিয়ে খেলা করছিল। কঠিন হয়ে  
বলে, “এই তোমার মনের কথা?”

“এই আমার মনের কথা।”

“আমার মনের কথা তোমাকে বলি। আমি গম্ভীরভাবে প্রগাঢ়ভাবে  
সত্য ক’রে ভালবাসতেও পারি, এবং ভালোবাসার ধনকে ভক্তি না  
ক’রে পারিনে। কিন্তু পরীক্ষা করে দেখেছি দু’বছর পরে না থাকে  
গভীরতা না থাকে গাঢ়তা। ভক্তি থাকে, মমতা থাকে, শুভকামনা  
থাকে। আমার ভূতপূর্ব প্রেমিকারা প্রত্যেকে আমার প্রিয় বন্ধু।”

“কখনো কারকে সর্বাস্ব দিয়েছ?”

“দিতে চেয়েছি।”

“দেওয়া এবং দিতে চাওয়া এক জিনিষ নয়, সোম। যদি দিতে তবে  
দেখতে জীবনে যেমন একবার মাত্র প্রাণ দেওয়া যায় তেমনি একবার  
মাত্র প্রেম দেওয়া যায়। দিয়ে বড় কিছু বাকী থাকে না, সোম, যে  
দু’বার ক’রে দেবে।”

## আগুন নিয়ে খেলা

সোম পেগীর গালের উপর গাল রাখল। বল, “এ তবু ঠেকে’ শেখা না দেখে’ শেখা?”

“দেখে’ শেখা নিশ্চয়ই নয়। কেননা সংসারে প্রাণ যদিও দিতে পারে লাখ জন, প্রেম দিতে পারে—সর্ব্বদা দিতে পারে—লাখে এক জন। ঠেকে’ শেখাও নয়। এখনো আমার জীবনে পরম লগ্ন আসে নি।”

“কখনো কাউকে ভালোবাসোনি। পেগ্?”

“কতবার কতজনকে ভালোবেসেছি। এই যেমন তোমাকে আজ ভালোবেসেছি। কিন্তু কখনো এমন প্রেরণা পাইনি যে ভালোবাসার জগ্রে সর্ব্বদা বিলিয়ে দেব—ভালোবাদাব জনের কাছে সাড়া পাই বা না পাই। আজ যেমন তোমার কাছে শ্রদ্ধা পাবার কথাটাই বড় হয়ে মনে জাগছে এমনি কিছু না কিছু একটা পাবার কথাই প্রত্যেক বার বড় হবে মনে জেগেছে, সোম।”

সোমের কামনা ইতিমধ্যে মন্দ হয়ে এসেছিল। সে অতিভূত হয়ে পেগীর মনের কথা শুন্ছিল। বল, “প্রার্থনা করি পেগ্, তোমার জীবনে সেই পরম লগ্নটি যেন আসে। আমবা তে মার অকালেব প্রেমিকরা তোমাকে তালিম করে’ রেখে গেলুম, যিনি যথাকালে আসবেন তিনি তৈবী জিনিষটি পাবেন।”

পেগী বল, “এখন থেকে তা হলে ভাই হবে?”

সোম বল, “এখন থেকে তা হলে ভাই হবে।”

পেগী সোমের গালে চোনা মেরে বল, “ওঠো, যাও, বালিশ দু’টো সোফা থেকে নিয়ে এসো।”

\*

## আগুন নিয়ে খেলা

এক বিছানায় শোওয়ার উত্তেজনায় দু'জনের কারুরই ঘুম আসছিল না। বারংবার পাশ ফেরা, উসখুস করা। একজন লেপটাকে পা অবধি নামাতে চায়, অশ্রুজন বুক অবধি উঠাতে চায়। সোম বলে, “বড় গরম।” পেগী বলে, “বড় শীত।” আসল কারণ অবশ্য সোমের হৃদয়ের তাপাধিকা, পেগীর নারীস্থলভ লজ্জা।

পেগী বলল, “সোম ডিয়ার, তোমার মনে কি বড় কষ্ট হয়েছে?”

সোম বলল, “অত্যন্ত। তুমি তো জানতে না, ডারলিং, আমার মনের আকাশে কত কত কুসুম ফুটিয়েছিলে। জীবনে আমি কারকে প্রাণ ভরে পাইনি, পেগ্, তোমাকেও পেলুম না।”

পেগী সোমের গোঁফের উপর হাত বুলিয়ে দিতে দিতে বলল, “বেচারী সোম!”

সোম বলল, “ভুলে রাগ কোরো না, পেগ্। তোমার স্পর্শ এখন বিষের মতো লাগছে। যদিও তুমি আমার বোন।”

পেগী হাত সরিয়ে নিল না। আরো নরম স্বরে বলল, “তু’ একদিন বিষের মতো লাগবেই, সোম। কিন্তু তারপর থেকে সহজ লাগবে। তোমাকে আমি রান্না করে’ খাওয়াব, বনভোজনে নিয়ে যাব, তোমার বাসায় এসে তোমার ঘর সাজিয়ে দেব, জিনিষ গুছিয়ে দেব। তুমি আমাকে থিয়েটারে নিয়ে যাবে, তোমার টাকা কড়ির হিসাব দেবে, তোমার জীবনের আশা আকাঙ্ক্ষা শোনাবে।”

সোম বলল, “দ্বীপ সাধ বোনে মেটে না। বোন তো আমার কিছু না হোক বিশটি আছে!”

( সাস্চর্য্যে ) “বিশটি!”



## আগুন নিয়ে খেলা

(সহাস্ত্রে) “সহদোরা গুটি তিনেক। তোমরা যাকে কাজিন বল আমবা তাকে সহদোরার সামিল জ্ঞান করি। তেমন বোন ডজন খানেক। তারপর পাতানো বোন বাগি রাশি। তাদের মধ্যে বাছা বাছা জন পাঁচেক সহদোরার মতন প্রিয়।”

“তবে আমি তোমার একবিংশতমা। তোমার ষষ্ঠী নই।” এই বলে' পেগী হাসল।

“ষষ্ঠী হলে তোমার সপত্নী থাকত না, অদ্বিতীয়া হতে। এক-বিংশতমা হয়ে অন্ত বিংশজনের চেয়ে একটুও বেশী পাবে না শ্বেহ।”

এই বলে সোম গলাটা পরিষ্কার কবুল।

পেগী বলল, “ঘুম তো আজ হবে না, সোম। তোমার গল্প কন্ঠার কাহিনী বলে।”

সোম বলল, “তা হলে সত্যি সত্যি রাত পোহাবে।”

“পোহাক্। এই রাতটি সারা জীবন তোমারও মনে থাকবে, আমারও। এই নিয়ে একদিন তুমি একটা গল্প লিখতেও পার।”

“গল্প আমি লিখতে ভালোবাসিনে, পেগ্, live করতে ভালোবাসি। আমি জীবনশিল্পী, অপরে আমার জীবনীকার হোক্।”

“আবার সেই অহংকার ?”

“অহংকার যার নেই সে হয় ডগ, নয় ক্লীব। তবে অহংকারকে মেরুদণ্ডের মতো ঢাকা দিতে হয়। নইলে ককালসার দেখায়।”

পেগী সোমের বৃক্কেব পরে মাথা রেখে বলল, “এবার তোমার গল্প বলো। ....লাগছে ?”

## আগুন নিয়ে খেলা

সোম বল্ল, “লাগবে না ? হাড় বে। তোমাদের মতো মাংস নয় তো।”  
পেগী লজ্জায় শিউরে উঠে একটি বালিশ নিয়ে নিজের মাথার নীচে ও  
সোমের বুকের উপরে রাখল। বল্ল, “এখন কেমন লাগছে?”

“এখন লাগছে রামমুত্তি পালোয়ানের মতো।”

“বেশ এবার বলো তোমার প্রথম প্রেমের গল্প।”

“কোনুটা যে প্রথম প্রেম তা ঠিক বলতে পারব না, পেগ্।  
কেননা প্রথম প্রেম মাহুঘের অনেকগুলোই হয়ে থাকে! পাঁচ বছর  
বয়সেও আমার একটি প্রেমিকা ছিল। Freud না পড়লে জানতুম না যে  
ও আমার প্রেমিকা।”

পেগী বল্ল, “Freud একজন দৈবজ্ঞ বুদ্ধি? তোমার হাত দেখে  
বলে দিলেন ও তোমার প্রেমিকা।”

সোম তার কান মলে দিয়ে বল্ল, “মুখু। Freud এর নাম  
শোন নি।”

পেগী বল্ল “আমি যে বিদুষী নই সে তো বলেইছি। লঙনে গিয়ে  
তোমার ছাত্রী হব। কি বলো?”

সোম বল্ল, “গল্পটা বলতে দাও। পাঁচ থেকে পনেরো বছর বয়স  
আমার জীবনের প্রাগ্ ঐতিহাসিক যুগ। ও যুগের প্রেমগুলো গবেষণার  
বিষয়। আমার জীবনীকারের জন্ত তোলা রইল। প্রেম করেছি এই  
যথেষ্ট, তাকে মনে রাখবার মতো অধ্যবসায় আমায় নেই। যে  
‘প্রেমিকাটিকে অনায়াসে মনে পড়ছে তাকে ছোট বেলায় অজস্র মার  
দিয়েছি, তাকে নিয়ে সখের মাষ্টারি করেছিলুম কিন্তু সে যখন বারোয় পড়ল

## আগুন নিয়ে খেলা

তখন আমাদের গরম দেশের প্রকৃতির চক্রান্তে সেই হয়ে উঠল অশুর্ক লোভনীয়।”

পেগী বল, “ওমা, বারো বছর বয়সে?”

সোম বল, “গরম দেশের দস্তুর ঐ। ও দেশের হাওয়াতে মদ, আকাশে ঘাছ। তুমি আমি এক বিছানায় শুয়েও নিম্পাপ আছি একথা যদি ও দেশের কাউকে বলি সে বলবে, ‘আমাকে গাঁজাখোর ঠাওরেছ?’”

পেগী বল, “অকারণে নিজেদের দেশের নিন্দা কোরো না, সোম। এদেশেও ঠিক ঐ কথাই বলবে। নেহাৎ অজ্ঞায়ও বলবে না, কেননা তোমার মতো ক’টা পুরুষ এদেশে আছে যে তোমার মতো জিতেন্দ্রিয়? এদেশের পুরুষগুলো সুন্দরী নারী দেখলে ভারি অহুগত হয়ে পড়ে, সোম। এত অহুগত হয়ে পড়ে যে যতক্ষণ না মিথ্রামের মতো মুখে পুচ্ছে ততক্ষণ ছাড়ে না। অবশ্য এও মানতে হবে যে ভদ্রতার খাতিরে বিয়ে করে ও বিয়ে কবুবার পরে বুড়ো না হওয়া অবধি অবিবাহীও হয় না।” তার শেষ কথাগুলিতে শ্লেষের আমেজ ছিল। সোম হাসল।

সোম বল, “তোমার পাঁটা তুমি যেমন করেই কাট, আমি কিছু বলব না। তোমার দেশ সম্বন্ধে তোমার মত হয় তো ঠিক। কিন্তু আমার সম্বন্ধে তোমার ঐ ধারণাটা ভুল যে আমি স্বভাবত জিতেন্দ্রিয়। আমার চতুর্থ প্রেমের গল্পটা আগে বলব কি?”

“না, না, না পরে বোলো।”

“তবে আমার সেই ছাদশবর্ষীয়া প্রিয়ার কথা বলে’ শেষ করি। সে যখন লোভনীয় রকম সুন্দরী হয়ে উঠল তখন আমার কাছে আসা ছেড়ে

## আগুন নিয়ে খেলা

দিল। সৌন্দর্যের প্রতি মানুষের স্বভাবত ভয় আছে বলেই হোক কিম্বা  
সুন্দরের দৰ্শনই হোক আমি যখন তাকে মাঝে মাঝে রাস্তা দিয়ে তার  
বন্ধুণীর বাড়ী যাওয়া আসা করতে দেখতুম তখন আমার প্রথম বয়সের  
ছুটী স্মৃতি বোবা হয়ে থাকত, আমি তার সঙ্গে কথা কইবার সাহস খুঁজে  
পেতুম না, পাছে কী বলতে কী বলে ফেলি।”

পেগী রঙ্গ করে’ বল্ল, “এদিকে আমার সঙ্গে তো তর্কপঞ্চানন বাকা-  
বারিষি!”

সোম বল্ল, “কতবার রাস্তায় এসে দাঁড়িয়েছি, তার অপেক্ষায়।  
ভেবেছি আজ সে যখন তার সইয়ের বাড়ী থেকে ফিরবে, আমি বলব,  
‘একদিন আমার সঙ্গে দেখা করবে?’ কিন্তু সে পাশ দিয়ে হাসতে হাসতে  
চ’লে গেছে, আমি পাষাণের মতো নির্ঝাঁক। তারপরে ঘরে ফিরে এসে  
পরদিনের বক্তৃতা তৈরী করে রেখেছি?”

পেগী বল্ল, “আমার জন্তে তৈরী করেছ?”

সোম বল্ল, “করেছি বৈ কি। যে দিন প্রথম দেখা হয় সেদিন। কিন্তু  
গল্পটা শোনো। একদিন আমি কপাল ঠুকে’ প্রতিজ্ঞা করে’ ফেলুম যে  
আজ তাকে মনের কথা বলবই। সেদিন সত্যি সত্যিই সে মিনিট খানেক  
দাঁড়িয়ে আমার বক্তৃতা শুনল। বল্লুম, ‘তুমি সকলের চেয়ে সুন্দর।  
আমার বোনগুলো তোমার তুলনায় পেছার মতো দেখতে’। (পেগীব  
হাস্ত) এখন, তার সঙ্গে আমার বোনদের রেশারেশির ভাব স্বভাবতই  
ছিল। আমার একটি বোন তো আক্ষেপ করে’ বলতই, ‘দাদা নিজেব  
বোনদের দেখতে পারে না, পরের বোনদের আদর করে।’ (পেগীর

## আগুন নিয়ে খেলা

হেসে গড়িয়ে পড়া) যাক, নির্দিষ্ট দিনে ও নির্দিষ্ট স্থানে মেয়েটি আমার সঙ্গে দেখা করল। একটু যদি ধৈর্য ধারণ করতুম তবে সেদিনকার ঘটনা ও আমার জীবন অন্তরকম হত। (কিন্তু সৌভাগ্যে অস্থির হয়ে তাকে যেই বুকে টেনে এনেছি সে ভাবল আমি তাকে কাতুকুতু দিতে যাচ্ছি। সে ‘মা গো’ বলে’ নিজেকে ছাড়িয়ে নিয়ে দিল এক দৌড়।”)

\*

পেগী হাসির চোটে হাঁফাতে হাঁফাতে বল, “ও ডিম্বার!” তার চোখের কোণে জল উঠেছিল।

সোম বল, “তার পরে আমি প্রেমে পড়া ছেড়ে দিয়ে বই পড়া নিয়ে স্কেপে গেলুম। ও বয়সে মানুষের হাজারো দিকে আকর্ষণ। ভাড়া হ্রদ ও ভাড়া হাড দু’দিনে জোড়া লাগে। আর ওটা তো হৃদয়গত ব্যাপার ছিল না, ছিল সৌখীন দেহগত। (থেমে) দেহগত বলে’ এখন মনে হচ্ছে বটে, কিন্তু তখন কি তাই ছিল? কী জানি! অতীতকাল সম্বন্ধে আমরা অসংকোচে অবিচার করে’ থাকি পেগ্‌।”

পেগী বল, “আমার তো অতীতকালই নেই। আমার কাল নির্ভা-  
প্রবৃত্ত বর্তমান।”

“তুমি তা হলে একটা গোরু কি গাধা।”

“অমন কথা বল তো তোমাকে আস্ত খেয়ে ফেলব।”

“কী দিয়ে খাবে? দাঁত দিয়ে তো? তোমার ওগুলো আসল দাঁত, না, বাঁধানো দাঁত?”

“কয়েকটা বাঁধানো। সত্যি, সোম, তোমার দাঁতের মতো দাঁত

## আগুন নিয়ে খেলা

এবেশে হয় না। প্রথম দিনেই তোমার দাঁত দেখে আকৃষ্ট হয়েছি।”

“কিন্তু এমন এক সময় ছিল যখন আমার দাঁতে ব্যথা হয়েছিল। চুল পড়ে যাচ্ছিল, দু’একটা পাকা চুলও দেখা দিয়েছিল। চোখে জ্যোতি ছিল না, দেহ ছিল অবসাদগ্রস্ত। সেই সময় আমার জীবনে এলেন আমার দ্বিতীয় বাহিতা। দেহে এতটা শক্তি ছিল না যে তাঁকে দেহ দিয়ে কামনা করুব। তাই স্বভাবত আমি হলুম অশরীরী প্রেমিক —যাকে পণ্ডিতেরা বলেন platonic lover. তা ছাড়া উনিশ কুড়ি বছর বয়সের ছেলেরা কেন কী জানি দেহের নাম শুন্লে কানে আঙুল দেয়।”

পেগী রক্ত করে’ বল্ল, “তাই নাকি?”

“হাঁ গো তাই। কোন এক কাল্পনিক মানসীর পায়ে তাদের জীবন মরণ বাঁধা। আমার মানসী একদিন তাঁর মা’র সঙ্গে আমাদের বাড়ী এলেন। তাঁরও তেমনি মুমূর্ষু চেহারা! রোগের পাণ্ডুরতাকে আমি মনে করলুম অস্তরের আভা। পরিচয়ের ঘণ্টাখানেকের মধ্যে আমি তাঁর সঙ্গে Rossettiর কবিতা Blessed Damsel পড়লুম। জান কবিতাটা?”

“আমি কবিতা ভালোবাসিনে।”

“কিন্তু আমার দ্বিতীয় প্রিয়া ভালোবাসতেন। স্বয়ং মিসেস ব্রাউনিঙের মতো চেহারা তাঁর। নিজের কিছু ছাই পাশ লিখেছিলেন। কাজেই কাব্য চর্চাটা মন্দ জমল না। তারপরে তিনি চলে’ গেলেন

## আগুন নিয়ে খেলা

আমাকে বেকার করে' দিয়ে। আমার চিঠির জবাবে যেদিন তিনি আমার মা'কে চিঠি দিখলেন আমার উল্লেখ ক'রে সেদিন আমার সাধ গেল সে চিঠিখানাকে ছবির মতো বাঁধিয়ে রাখি। পবে তিনি আমাকে পোস্টকার্ড লিখে দাঁতের ব্যথায় সহানুভূতি জানিয়েছিলেন, তাই নিশ্চয় আমি এত উত্তেজিত হয়েছিলুম যে পাছে চিঠিতে জানালে তাঁর আত্মীয়দের হাতে পড়বে তাই মাসিক পত্রে কবিতায় জানালুম। সে কবিতা তাঁর চোখে পড়ল কি না জানিনে, মনে অশরীরী উদ্ভাদনা সঞ্চার করল কি না তাও জানিনে। কিন্তু একথা জানি তাই পড়ে' আরেকটি মেয়ে আমার প্রেমে পড়ে' গেল।”

পেগী বলল, “কী রোমান্টিক! কিন্তু সত্যি তো?”

সোম বলল, “সত্যি। মেয়েটি আমাকে চিঠি লিখে এমন শ্রদ্ধা জানাল যেমনটি আমাকে কেউ কোনোদিন জানায় নি। শ্রদ্ধা দাঁড়াল প্রেমে। চেহারা না দেখে' প্রেম—তবু যেন সে আমাকে জগজগ্যান্তর • দেখে এসেছে। আমি যত জানাই আমার রং কালো, আমার শরীর জীর্ণ, আমার দাঁত কন্ কন্ করে, আমার টাক পড়তে আরম্ভ করেছে, তার প্রেম তত উদ্বেলিত হয়ে উঠে। সে ভাবে কী বিনয়, কী মহত্ব, দেহের প্রতি কবি-তপস্বীর কী আনান্বাভাব! আমি যতই বলি আমার হৃদয় আমার মানসীকে দেওয়া, আমার সেই চোখে দেখা মুম্বু মানসীকে, ততই আমার তৃতীয় প্রিয়া আমাকে রূপ দিয়ে জয় করুতে বন্ধপরিকর হয়। তার ফোটো আস্তে লাগল প্রত্যেক ডাকে। রূপসী বটে। কিন্তু আমি কি দেহের রূপে ভুলি? আমি বলি 'আর কাউকে

## আগুন নিয়ে খেলা

দেহ দান করো, আমাকে ধ্যানভ্রষ্ট কোরো না।’ তার উত্তরে সে তার প্রতিজ্ঞা জানায়। ‘তোমাকেই দেব, অপরকে না’।”

পেগী রুদ্ধনিঃশ্বাসে বল “তার পরে ?”

“তার পরে এই আলোছায়া খেলা চল প্রতিদিনের ডাকে। আমি পালাই, সে পিছু নেয়। আমি ঘুণা করি, সে শ্রদ্ধার বরাদ্দ বাড়িয়ে দেয়। সে এক মজার খেলা, তার তুলনায় ফুটবল হকী টেনিস্ কিছু নয়। আমার যেটুকু শারীরিক সামর্থ্য ছিল সেটুকু গেল। আমি একজনের উদ্দেশে লিখি কাঁছনি-কবিতা, অপর জনকে লিখি উপদেশাত্মক চিঠি। ক্লাস পালিয়ে অপথে বেড়াই, রোজ রাতে ফুল তুলে বিছানায় ছড়াই, রামধন্য রঙের পোষাক পরি, বাবরী চুল রাখি। বন্ধুদের সঙ্গে মিথিনে, সবাইকে ভাবি ঘোরতর সংসারী, শেলীর পক্ষ নিয়ে ওয়ার্ডস্‌ওয়ার্থের ভক্তদের সঙ্গে লড়াই করি। সে এক বয়স গেছে।”  
—এই বলে’ সোম দীর্ঘ নিঃশ্বাস ফেল।

পেগী বল’ “বেশী দিন আগে তো নয়, মাত্র কয়েক বছর আগে।”

সোম বল, “মাত্র কয়েক বছর? যুগান্তর! এক একটি মাসে এক একটি বছর বাড়ি। সেই দু’টি বছরের আমি নিজেকে ক্রমে ক্রমে সকলের সমবয়সী ভেবেছি—যুবকের, প্রোঢ়ের, বর্ষায়ানের। সকলের সম্বন্ধে ভেবেছি—রবীন্দ্রনাথের, গেটের, শেক্সপীয়ারের। হয় তো আমার জীবনের শ্রেষ্ঠ বছর সেই দু’টি। তোমার তেমন কোনো বছর নেই?”

“আমার শ্রেষ্ঠ বছর প্রতি বছর, শ্রেষ্ঠ দিন প্রতি দিন।”



## আগুন নিয়ে খেলা

সোম বলল, “পাখীদের ভিজ্জাসা কবুলে তারাও সেই কথা বলত।  
তুমি একটা নাইটিংগেল কি লার্ক।”

পেগী পুলকিত হয়ে বলল, “যাও!”

সোম বলল, “গরু কি গাধা বলে রাগ কর, নাইটিংগেল কি লার্ক  
বলে খুশি হয়ে ওঠ—পশুর চেয়ে পাখী বড় হল কিসে? পণ্ডিতেরা  
বলেন পাখীদের তুলনায় পশুরা আমাদের নিকটতর কুটুম্ব।”

“তা বলুন। পশুদের মধ্যে কুকুরই যা মানুষের মতো, সিংহকেও  
অঙ্কা হয়, বাকীগুলো নিতান্তই জানোয়ার।”

“তোমাকে কুকুর বলে তুমি খুশি হবে?”

“যদি বল ‘terrier’ কি ‘greyhound’ কি ‘sheep dog,’ তা হলে  
খুশি হব। এমন কি যদি ‘pekinese’ বল তাহলেও কিছু মনে করব  
না, যদিও অত ছোট কুকুর আমার পছন্দ হয় না। যে কুকুর বল সেই  
কুকুর হতে রাজি আছি কিন্তু পুরুষ কুকুর। মেয়ে কুকুর না।”

“স্বছাতির প্রতি এত অবজ্ঞা?”

“লুকিয়ে কি হবে বল? পুরুষেরা আমাদের মধ্যে যে সৌন্দর্য যে মহিমা  
যে স্বাধা দেখে আমাদের তা নেই। বরঞ্চ পুরুষদের মধ্যে তা থাকতে পারে।”

“আমার মধ্যেও?”

“তুমি কারুর চেয়ে ছোট নও, সোম।”

“তবু তে তুমি আমাকে প্রত্যাখ্যান করলে।”

“তা নিয়ে মন খারাপ কোরো না, লক্ষ্মীটি। আমি তোমার সব-  
লোকসান পুষিয়ে দেব, এদেশে যতদিন থাকবে তোমার সঙ্গিনী হব, ঘরনী

## আগুন নিয়ে খেলা

হব, সোম। তুমি আমাদের বাড়ী উঠে এসো এবার, তোমার ঐ ল্যাণ্ডলেডীকে ইস্তফা দিয়ে! মা তোমাকে পেয়ে খুশিই হবেন।”

“তোমার বাবা নেই।”

“না। যুদ্ধে মারা যান।”

“ভাই নেই?”

“না। যুদ্ধে মারা যায়।”

“তোমার মন কেমন করে না?”

“বছর বারো আগের কথা। তখন আমার বয়স মোটে দশ। মনে থাকলে তো মন কেমন করবে?”

“বোন আছে?”

“না।”

“Poor darling!”

“Poor কিসের, সোম? আমার স্বাস্থ্য আছে, চেহারাও নেহাৎ বিশ্রী নয় বোধ হয়, হলে তুমি প্রেমে পড়তে না। আমার চাকরীটাও ভালো, উন্নতির আশা আছে—”

“কী চাকরী, পেগ?”

“Selfridgeদের খেলনা বিভাগে কাজ করি। একদিন ঐ বিভাগের ম্যানেজার হব। যেয়ো একদিন, তোমাকে দেশে পাঠাবার মতো পুতুল কিনিয়ে দেব। Gamageদের সঙ্গে আমাদের জোর প্রতিযোগিতা চলছে। ...কিন্তু কোন কথার থেকে কোন কথায় এলুম? তোমার গল্পের খেই হারিয়ে গেল যে?”

## আগুন নিয়ে খেলা

সোম বল্ল, “খামো ভেবে দেখি। আমার তৃতীয়ার কাহিনী স্মরণ করেছি কি? করেছি? তাঁর সঙ্গে প্রথম সাক্ষাতেব বর্ণনা দিয়েছি কি? দিইনি? তাই শোনো। যেদিন তাঁর সঙ্গে প্রথম সাক্ষাৎ সেদিন যার সঙ্গে গেছলুম তিনি তাঁর ও আমার উভয়েরই প্রিয় বন্ধু। আমার প্রিয়তম বন্ধু। দেখা হবার পর একটি ঘণ্টা আমরা পরস্পরের সঙ্গে কইবার মতো কথা খুঁজে পেলুম না, তিনিও বন্ধুর সঙ্গে কথা কয়ে সংকোচ কাটান, আমিও বন্ধুর সঙ্গে কথা কয়ে সংকোচ কাটিয়ে উঠি। এমনি করে’ সংকোচ যখন কতকটা কাটল তখন বন্ধুও ছিলেন চতুর, বসেন, আমি একটু কাজে বাইরে যাচ্ছি, খানিক পরে আসব।’ একটি ঘরে দু’টি মাহুস, আট ন’মাস ধরে’ তারা চিঠিপত্রে পরস্পরের অন্তরাখ্যা পর্যাপ্ত দেখেছে, দু’জনের জীবনের সকল কথা দু’জনে জানে—বুঝতে পারব, পেগ? তাবা অপরিচিত নয় যে প্রথম দেখায় স্বভাবত সংকোচ বোধ কবে। চিঠিতে একজন আরেকজনকে ‘প্রিয়তম’ বলে সম্বোধন করে’ আসছে। তবু মুখোমুখি ‘আপনি’ বলবে, না, ‘তুমি’ বলবে ঠিক কবতে পারছে না। অদ্ভুত নয়?”

“ভাগ্যিস আমাদের ভাষায় ‘আপনি’-‘তুমি’র ভেদ নেই। নইলে পার্থক্যের সেই সকালটিতে দ্বিধায় পড়া যেত।”

“সত্যিই। আমাদের প্রথম কথাগুলি আমার মনে পড়চে না। কিন্তু সেই সন্ধ্যাটি আমার স্পষ্ট মনে আছে। আমরা একখানি তক্তাপোষের উপর খুব কাছে কাছে বসেছিলাম। অন্ধকার হল। ঝি বল্ল, ‘আলো দিয়ে যাব?’ সে বল্ল ‘না।’ আমি বল্লুম, ‘হাঁ।’ বেশ ঘনে পড়ে সে

## আগুন নিয়ে খেলা

আমাকে ছোট ছেলেটির মতন করে' খেজুর খাইয়ে দিয়েছিল। তেমন খেজুর তোমরা ইংলণ্ডে পাও না পেগ্‌।”

“যদি কোনোদিন পাই‘তোমাকে তেমনি করে’ খাইয়ে দেব, সোম।”

“দিয়ে। কিন্তু সে আনন্দ আর কিরে পাব না। তাকে যে প্রথম দর্শনেই কামনা করেছিলুম স্ত্রীর মতো করে’। আর মজা এই যে প্রথম দর্শনেই সে আমাকে স্বামীর মতো করে’ কামনা করা ছাড়ল। তার রূপ আমার চোখ ধাঁধিয়ে দিল, আমার কুরূপ তার কল্পনাকে ধূলিসাৎ করল। তারপর থেকে আমাদের সম্বন্ধ গেল উল্টে। সে পালায়, আমি ধরতে ছুটে বাই। সে আলোছায়ার খেলা। কিন্তু যে ছিল আলো সে হল ছায়া, যে ছিল ছায়া সে হল আলো। আমি বলি, ‘প্রিয়তমা’, সে বলে, ‘বন্ধু।’ অভিমানে আমার দেহ থেকে প্রাণ চলে’ যায়। আমি তার দেহ দাবী করি, সে আমারই শেখানো platonism আওড়ায়। বলে, মনের মিলনই হচ্ছে স্থায়ী মিলন, দেহের মিলনে কেবল গ্লানি ও অবসাদ।”

পেগী বলল, “কেমন জব ?”

সোম বলল, “আমারই শিল আমারই নোড়া, আমারই ভাঙে দাঁতের গেড়া। আমার মানসী হয়ে আমার কবিতার নায়িকা হতে চায়, আমার বনিতা হয়ে আমার শুষ্ক জীবন মুঞ্জরিত করতে বলে কান দেয় না। আমার স্তুতি তার ভালো লেগেছে, আমার স্পর্শ তাকে উদ্দীপিত করেনি। আমার কাব্যে অমর হবার লোভ আছে, আমার বংশকে অমর করবার বাহা নেই। এ খেলা ক’দিন চালানো যায় বল ? আমি কান্তি দিলুম।”

## আশুন নিয়ে খেলা

“সে কী ভাবল ?”

“কাদল। মুক্তি দিতে অনিচ্ছুক হল। তার নেশা লেগেছিল।”

“সে নেশা ভাঙিয়ে ভালোই করলে। ফ্লার্ট্ করা আমি হুঁচকে দেখতে পারিনে।”

“আমি কিন্তু ফ্লার্ট্ করাকে একটা আর্ট মনে করে’ থাকি। আজকাল তো আমি কাব্য লেখা ছেড়ে দিয়ে তার বদলে ফ্লার্ট্ করা অভ্যাস করেছি।”

“আমি ও অভ্যাস ছাড়াব।”

“সে দেখা যাবে। কিন্তু আমার চতুর্থ প্রেমের কাহিনীটা একবার শোনো। আমার উপর তোমার ঘৃণা হয় কিনা বলো।”

“ঘৃণা তোমার উপর যদি হয় তবে আমি তোমার কেমনতর বোন ? না, ঘৃণা হবে না।”

“আচ্ছা গো আচ্ছা। আগে শোনো। তৃতীয়কে যখন ত্যাগ কর্বলুম তখন আমার চেতনা হয়েছে যে শরীবের সামর্থ্য থাকাটা প্রেমের বেশ একটা বড় উপাদান। আমরা মুখে যাই বলি না কেন কায়মনে সন্তোষপিপাসু। মশারা যেমন রক্তপিপাসু। এ বিষয়ে আমি স্পষ্টবাদী হতে শিখেছি অনেক দুঃখে, পেগ্। ছিলুম গোঁড়া নিরাকারবাদী, এখন যে গোঁড়া সাকারবাদী হয়েছি তা নয়, এখন আমি উদারতম সমন্বয়বাদী।”

পেগ্ মাথা নেড়ে বলল, “ওসব আমার মাথায় ঢুকবে না সোম।”

সোম তার মাথায় হাত বুলিয়ে বলল, “তোমাকে আমি বিহ্বল করে’ তুলব, পেগ্। কিন্তু ইংলণ্ডে আমার মেয়াদ আর একটি বছর।”

## আগুন নিয়ে খেলা

“মোটো ?”

“দুঃখ কি পেগ্? আবার আমি আসব। হয় তো আবার এই হোটেলের এসে এই ঘরে শোব।”

“ভবিতব্যই জানে।”

“ভবিতব্যকে আমরাই হওয়াই। ভগবানের প্রতিভূ আমরা।”

“ভগবান আছেন কিনা তাই ভালো জানিনে।”

“তা হলে তোমার সঙ্গে তর্ক করব না, পেগ্। ভগবান আছেন কিনা এ নিয়ে অন্তত আড়াই হাজার বছর ধরে পণ্ডিতেরা কথা কাটাকাটি করে আসছে। অতএব ভালোবাসার গল্পই চলুক যদিও রাত এখন তিনটে।”

“তিনটে !”

“তিনটে ! এখন ঘুমোলে কাল ট্রেন পাবে না।”

“গল্পই চলুক। কিন্তু ঘুম যা পাচ্ছে তোমাকে কী বলব।”

“তুমি ঘুমও, আমি জাগি।”

“সে হয় না, ডিয়ার।”

“এখনো অবিশ্বাস ?”

“ছি। তোমাকে অবিশ্বাস করতে পারি ?”

“এই দেখ, প্রমাণ হয়ে গেল যে আমার নথ দস্ত নেই, প্রত্যেক পুরুষসিংহের যা থাকা আবশ্যিক। পুরুষকে নারী বিশ্বাস করবে এইটেই তো প্রকৃতির ইচ্ছাবিরুদ্ধ। স্ত্রী-পুরুষের মধ্যে প্রকৃত সম্বন্ধ হচ্ছে শত্রুতার। বিরুদ্ধ সম্বন্ধ হচ্ছে বন্ধুতার।”

## আগুন নিয়ে খেলা

“তর্ক বাখো। তর্ক করলে আমি সত্যি সত্যিই ঘুমিয়ে পড়ব। গল্প কবে আমাকে জাগিয়ে বাখো সোম।”

“আচ্ছা তবে আমার দেহতন্ত্র প্রেমের গল্প বলি। কিন্তু আগেই তোমাকে সতর্ক করে’ দিই, প্রেম কথাটা এ ক্ষেত্রে কাম কথাটার সমার্থক। একটি মেয়ে আমাকে seduce ক্বল। মেয়েমাহুষে কখনো seduce করে শুনেছ?”

“অমন মেয়ে এদেশে অগণ্য আছে।”

“কিন্তু আমি এত ছেলেমাহুষ ছিনুম যে একজন প্রিয় বন্ধুর সঙ্গে তাই নিয়ে হাতাহাতি করেছি, বাক্যলাপ বন্ধ কবেছি। তাকে বলেছি মিথ্যাবাদী, নারীদেবী। তাব অপরাধ সে বলেছিল যে পুরুষদের প্রস্তাবে মেয়েদের সাথ থাকে বলেই আমাদের দেশে এত নারীহরণ হয়।”

“এদেশে হয় পুরুষহরণ। তোমাকে কেউ একদিন পকেটে পুর্বে, দাবদানে থেকো।”

“আমি তো তাহলে কৃতার্থ হয়ে যাই। তবে নেহাৎ বেশা-টেশা হলে আমি নারাজ। ইংলণ্ড অবশ্য পুলিশের ভয়ে হাত ধরে টানে না, কিন্তু কন্টিনেন্টে ধরতাবস্তি করেছে, তবু সায় দিই নি।”

“সে তুমি বলে’ পারলে।”

“আবার প্রমাণ হল যে আমার নথ দস্ত নেই। আমি কাপুরুষ।”

“ও ক্ষেত্রে কাপুরুষতাই পৌকষ।”

“যাক, আমার গল্পটা কতদূরে ফেলে’ এলুম। ...যে আমাকে seduce করেছিল সে কপসী ছিল না বলে’ তখন তার উপর রাগ করেছি।

## আগুন নিয়ে খেলা

চরিত্রটি গেল, অথচ aesthetic আনন্দও পেলুম না—এ আমার জীবনের ছোটখাট একটা ট্রাজেডী।”

“চরিত্রটি গেল, সোম!” পেগী কাতর স্বরে বলল।

“যাবে না? তবে seduce করা বলতে কি তুমি একটা নিরামিষ ব্যাপার বুঝেছিলে?”

“ছি ছি ছি ছি।”—পেগী সোমের কাছ থেকে সরে গেল।

সোম কাষ্ঠ হাসি হেসে বলল, “ঘৃণা করলে তো?”

পেগী কাতর স্বরে বলল, “তুচ্ছ একটা মুহূর্তের স্বপ্ন, তারই জন্তে বিলিয়ে দিলে নিজেকে?”

“নিজেকে নয়, পেগ। নিজেকে বিলানো যায় না। আমার স্বাস্থ্যের প্রয়োজন ছিল, অভিজ্ঞতার প্রয়োজন ছিল। তা ছাড়া সত্যিকারের চরিত্র কখনো ক্ষুধা মেটালে যায় না। ভুরিভোজন করলে যায়, তা-মানি। আবার অনশন করলেও যায়। লোকে বলে সংযম করো। কিন্তু অনশনে তো সংযম নেই, সংযম ভোজনে। অসন্তোষে তো সংযমের কথা উঠতে পারে না, সংযম সন্তোষে। একথা লোকেও মানে, কিন্তু মস্ত পড়া দ্বীপুরুষের বেলা। যারা মস্ত পড়েনি তাদের প্রতি ব্যবস্থা নিরস্ত্র একাদশী। অথচ একবার মস্ত পড়লে বাপ-মা বলেন, ‘নাতি চাই, নইলে মরতে পারছিনে।’ পাড়া পড়শীরা অন্নপ্রাশনের দিন গুন্তে থাকে বিয়ের পরদিন থেকে, তারা চায় আরেক দফা ভোজ। Population ঠিক মতো বাড়ছে না বলে’ তোমার নিজের দেশের মাতব্বররা কেমন অর্ধৈর্য্য হয়ে পড়ছেন, খবর রাখ?”



## আগুন নিয়ে খেলা

পেগী বালিশে মুখ গুঁজে বোধ করি চোখের জল ঠেকিয়ে রাখছিল।  
উত্তর দিল না। সোমের ইচ্ছা করছিল তার মাথায় একটু হাত বুগিয়ে  
দেয়—কিন্তু তাকে স্পর্শ করলে সে যদি আরো ‘দূরে সরে’ যায়? সোম  
তা হলে কী উপায় করবে? যুক্তিতথ্য দিয়ে তো পেগীর অশ্রু রোধ করা  
যায় না।

\*

সোম প্রসঙ্গটাকে করুণ করে’ তুলে। অশ্রু দিয়ে অশ্রু রোধ করবে।

বল, “সতী মেয়েদের দ্বার আমার কাছে চিরকালের মতো বন্ধ হয়ে  
গেল, পেগ। একে আমি একটা ছোট খাট ট্রাজেডী বলে’ উপহাস  
করেছি একটু আগে, কিন্তু এই আমার জীবনের সর্বশ্রেষ্ঠ ট্রাজেডী।”

পেগীর ভাব দেখে মনে হল সে কুতূহলী। কিন্তু সে তেমনি নীরব রইল।

সোম বল, “আমার দেশে আমার বিয়ের সম্বন্ধ এসেছে অনেকবার।  
আমার দেশের বিবাহ-প্রথা তোমার দেশের মতো নয়। বিবাহযোগ্য  
মেয়ের বাবা বিবাহযোগ্য ছেলের বাবাকে আবেদন জানান। ছেলের  
বাবা ছেলের মত জিজ্ঞাসা করেন। ছেলে একবার মাত্র মেয়েটিকে  
দেখে’ কিম্বা একবারও না দেখে’ ‘হা’ কিম্বা ‘না’ বলে।”

পেগী ক্রমে ক্রমে আগের মতো সোমের কাছটিতে সরে’ আসছিল।  
তেমনি ক’রে সোমের বুকের পরে বালিশ ও বালিশের ‘পরে’ মাথা রেখে  
বল, “দক্ষিণ সমুদ্রের অসভ্যদের মধ্যে অমন প্রথা আছে শুনেছিলুম।”

সোম বল, “তোমার দেশের সুসভ্য রাজবংশেও অমন প্রথা ছিল,  
পেগ। ইউরোপে যখন আভিজাত্যের যুগ ছিল তখন ঐ প্রথাই ছিল  
অসভ্যতার নয় আভিজাত্যের লক্ষণ।”

## আগুন নিয়ে খেলা

পেগী বল্ল, “মেয়ের বাবা মেয়ের মত জিজ্ঞাসা করেন?”

সোম বল্ল, “মেয়ে সাধারণতঃ নাবালিকা। তার মত চাইলে সে লজ্জায় ‘না’ বলবেই তো। ও বয়সে ‘না’ মানে ‘ই’। বাপ জোর করে’ বিয়ে দিয়ে দেন, জোর করে’ গুধু খাওয়ানোর মতো। ফলে মেয়ের শরীর মন ভালো থাকে, যদি না দুর্ভাগ্যক্রমে অল্পকালের মধ্যে বারম্বার সন্তান হয়।”

পেগী বল্ল, “মা গো, আমি যদি তোমার ভারতবর্ষীয়া বোন হয়ে থাকতুম এতদিনে আমার তিন চারটি খোকা খুকী হয়ে থাকত! ইম্!”

“হয় তো একটিও হবার আগে তুমি বিধবা হতে। বিধবার বিয়ে আমরা দিইনে, দিতে চাইলেও বর পাওয়া যায় না সারাজীবন নিঃসন্তান হতে।”

“এও কি আভিজাত্যের লক্ষণ, সোম? না, নির্জলা অসভ্যতার?”

“না গো, ওটা হল আধ্যাত্মিকতার লক্ষণ। কিন্তু ও কথা আজ থাক। কেননা তুমি খুব সম্ভব তর্ক করতে, ‘এক তরফা আধ্যাত্মিকতার মূল্য কী? বিপত্নীকরা তো নিঃসন্তান থাকেন না।’...বল্ছিলুম আমার দেশে সকলের বৌ জুটবে, আমার কোনোদিন জুটবে না!”

“কেন, সোম?”

“আরো স্পষ্ট করে’ বলতে হবে? যাদের বিয়ে হয় তারা বিয়ের আগে প্রার্থ খুলে কথা কইবার সুযোগ পায় না। তারা বড় জোর এক বার চোখে দেখে পরস্পরকে; বাক্যালাপ যা করে তা বহু লোকের উপস্থিতিতে। কাজেই আমার জীবনের সকল কথা বিয়ের পরে বলতে

## আগুন নিয়ে খেলা

হয়। তখন যদি আমার স্ত্রী বলেন, কেন তুমি আমাকে false pretence এ বিয়ে করলে। কোনো সতী মেয়েকে বিয়ে না করাই তোমার উচিত ছিল’ আমি তাব উত্তরে কী বলে’ আত্মসমর্থন করব? কাপুকষের মতো বলব, ‘বাণী আমার, একটা পাপ করে’ ফেলেছি বলে’ অহুতাপে আমার হৃদয় পুড়ে যাচ্ছে, তোমার ক্ষমা-সলিল সেচনে শীতল করো?’ কখনো না। আমি অত্যায করিনি যে অহুতপ্ত হব। যা করেছি on principle করেছি।”

আবাব পেগী বালিশে :মুখ গুঁজল। কিন্তু এবার সোমের বুকের উপরকার বালিশে।

সোম বলে’ চল, “নিজের উপর যার কিছুমাত্র শ্রদ্ধা আছে সে বড় জোর বলে, ‘একটা ভুল চাল দিবেছি’ কিন্তু অহুতাপ করে’ মরে আত্ম-নিন্দুক আত্মঘাতীরা। আমাব গায়েব চামড়ায় হাত দিয়ে দেখতে পার, পেগ। গণ্ডারের মতো মোটা। লোকনিন্দা আমার গায়ে লাগবে না। কিন্তু তা বলে’ নিজের নিরীহ স্ত্রীটিকে আমি ঠকাতে পারব না। ঐটেই আসল ছুনীতি। স্ত্রীকে ঠকিয়ে তার দেহ মন গ্রহণ করাটাই প্রকৃত ব্যাভিচার।”

পেগ মুখ তুলে বল, “যাক, তা হলে বিয়ে তুমি করছ না কোনোদিন ?

সোম হেসে বল, “ও কথা কি আমি বলছি পেগ? আমি বলেছি সতী মেয়েরা আমাকে বিয়ে করবে না জেনে শুনে। (কিন্তু অসতী মেয়েরা প্রায়ই অহুদার হয় না।) ‘প্রায়ই’ বলুম—কারণ সম্রাসীদের উপর অসতীদের পক্ষপাত আমি অনেক স্থলে লক্ষ্য করেছি।”

## আগুন নিয়ে খেলা

পেগীর স্বত্বস্বাক্ষর রহিত হয়েছিল বুঝি বা। সোমটা যে এমন সর্ব্বনেশে ছেলে, তাকে উদ্ধার করবার যে একেবারে আশা নেই, পেগী বোধ করি সেই কথা ভেবে মুহূর্তমান হয়েছিল। সব মেয়ের মতো পেগীর প্রচ্ছন্ন অভিলাষ ছিল যে সে কোনো একজন বা একাধিক পুরুষের Guardian Angel হবে। ফ্লাট করা একটা নিরীহ অপরাধ, সোম তা বত খুশি ককক। কিন্তু সেই অমুচ্চারণীয় পাপটা! ছি ছি ছি!

সোম কতকটা অন্তরমান করে' বল্ল, “ভয় নেই, পেগ। আমার মন পাবার মতো অসতীও এত বড় পৃথিবীতে তুল্লভ। আর মন যাকে দিতে পারুব না দেহও যে তাকে দেব না এও আমার পণ। ব্যতিক্রম হয়েছিল সেই মেয়েটির বেলা, কিন্তু তখনকার সেটা ছিল প্রতিক্রিয়াশূলক—Platonic love-এর অবশুস্তাবী প্রতিক্রিয়া। তখন যদি এমনটি না ঘটত তবে আজকে রাত্রে এমনটি ঘটত না পেগ। তোমার সতীত্বকে আমার আক্রমণ থেকে রক্ষা কবেছে সেই অসতী মেয়েটা।”

পেগী বল্ল, “তাকে আমার আন্তরিক ধন্যবাদ।”

সোম বল্ল, “এবার আমার পঞ্চম প্রেমের বৃত্তান্ত বলে’ শেষ করি : পাঁচটা বাজে। একটু পরে হিল্‌রা উঠবে!”

পেগী কান পেতে রইল।

সোম বল্ল, “তাঁব সঙ্গে লগুনে সাক্ষাৎ। এক বন্ধুণীর বাড়ীতে। সেদিন আমি ভারতীয় পরিচ্ছদ পরে আগুন পোহাচ্ছি, কেননা ভারতীয় পরিচ্ছদ শীতের দেশের উপযুক্ত নয়।”

পেগী কুতূহলী হয়ে জিজ্ঞাসা করল, “সে কেমন দেখতে?”

## আগুন নিয়ে খেলা

সোম বলল, “দেখাব তোমাকে একদিন। কিন্তু দেখে মূর্ছনা যেয়ো না। তাতে শরীরের সবটা ভালো করে ঢাকে না।”

‘পেগী বলল, “না ঢাকে তো ভারি আসে যায়।”

সোম বলল, “আগুন পোহাচ্ছি এমন সময় তিনি এসে আমাদের কাছে একটি কবিতা পোড়ে শোনালেন, কবিতাটি একটি খুবই অল্পবয়সী গরীবের মেয়ের লেখা, তার বাপ তার মা’কে কি তার মা তার বাপকে ছেড়ে গেছে আমার মনে নেই। কবিতাটি বাস্তবিকই প্রতিভার পরিচয় দিচ্ছিল। কিন্তু কবিতাটির চেয়ে আমাকে আকৃষ্ট করছিল কবিতার পাঠিকাটি স্বয়ং। তার চোখের চাউনি এ সংসারের নয়, তাঁর গলার স্বর অন্ত জগতের। তিনি যখন তার টুপীটা খুলে একপাশে রেখে দিলেন তখন দেখলুম তাঁর কেশ অবিন্যস্ত। তিনি যখন তাঁর কোট খুলে ফেলেন তখন দেখলুম তাঁর বেশ বিস্ময়। আমি বিস্মিত হচ্ছিলুম, কিন্তু সাহস করে’ ভাবতে পারছিলুম না যে তিনি হয় একটি জিনিয়াস নয় একটি পাগল; ও ঘর থেকে অতেরা চলে’ গেলে পরে তিনি আমার কাছে সরে’ এসে আগুন পোহাতে লাগলেন। বল্লেন, ‘আপনি ইংরেজী কবিতা পছন্দ করেন কি?’ আমি বল্লুম, ‘একশো বার’। বল্লেন, ‘আপনাদের Tagoreকে আমার ভালো লাগে। আচ্ছা Tagoreএর সঙ্গে আমার দেখা হয় না?’ বল্লুম, ‘হয় বৈকি। যদি কখনো ভারতবর্ষে যান। কিম্বা Tagore এদেশে কবে আসবেন সে খবর রাখেন।’ তিনি যে কেন Tagore এর সঙ্গে দেখা করতে ব্যগ্র আমি আন্দাজ করতে পারি নি। তিনি বল্লেন, ‘কেউ না বুকু Tagore নিশ্চয়ই

## আগুন নিয়ে খেলা

বুঝবেন। আমি ভগবানের খোঁজ পেয়েছি বিশুদ্ধ বৈজ্ঞানিক উপায়ে। আমি বল্লম, ‘সে কী রকম?’ তখন তিনি কাগজ পেন্সিল নিয়ে Chart এঁকে অতি প্রাঞ্জল করে’ বোঝাতে লাগলেন এ যুগের শ্রেষ্ঠ আবিষ্কার। বল্লম, ‘লিখে উঠতে পারছিনে। লিখে উঠলে আপনাকে পড়তে দেব, দেখবেন অতীব সরল। অথচ এই নিয়ে হাজার হাজার বছর ধরে’ এত চিন্তা এত অন্বেষণ এত তর্ক এত রক্তপাত!’ তারপরে লংবাদ পেলুম তিনি কিছুদিন পাগলা গারদে ছিলেন, তার আগে তাঁর fiancé’ মারা যান, তার আগে তাঁর মা বাবা। কবি যশ তাঁর ভাগ্যে জুটেছিল, কিন্তু কাব্যে মন দিতে পারেন নি, একখানাও দর্শন বিজ্ঞানের বই না পড়ে বৈজ্ঞানিক উপায়ে ভগবানকে আবিষ্কার করা চলেছে। সে দিন যখন তিনি বিদায় নিলেন লক্ষ্য করলুম তাঁর কাপড় খুলে পড়ছে, সে দিকে লক্ষ্য নেই।”

পেগী বল্ল, “এমন ভোল মাছুষকে গারদ থেকে ছেড়ে দেওয়াই ওদের অন্তায় হয়েছিল।”

সোম বল্ল, “তার কারণ গারদের লোক তাঁর উপর অতিশয় প্রসন্ন ছিল। পাগলের মতো তাঁর স্বভাবে রাগ ছিল না, তিনি জিনিষ পত্র ভাঙতেন না, কথাবার্তা কইতেন প্রকৃতিস্থ মানুষের মতো, তাঁর ভাব দেখে বোধ হত অতবড় যুক্তিশীল মানুষটার উপর সমাজ অবিচার করে’ পাগলত্ব আরোপ করেছে।”

পেগী বল্ল, “সে কথা যাক। তোমার সঙ্গে তাঁর সম্বন্ধ কতদূর গড়াল?”

## আগুন নিয়ে খেলা

সোম বল্ল, “আমি দিন কয়েক বাস্তবিক ভেবেছিলুম তাঁর ভার নেব কি না। প্রেম পেলে ও দিলে তাঁর পাগলামি সার্বত, তিনি আবার আগের মতো কাব্য চর্চা করতেন, তাঁর Chartখানা আমি পুড়িয়ে ফেলতুম। কিন্তু দিন কয়েক পরে কী ঘটল জান? তিনি তাঁর উপর তলার ঘরের জানালা দিয়ে গলে’ পড়লেন নীচের বাগানে। তখন তাঁকে নিয়ে যাওয়া হল প্রথমে হাসপাতালে ও পরে পাগ্লা গারদে। কাজেই আমায় প্রেমের হল অকালমৃত্যু। গভীর আঘাত পেলাম, কিন্তু তা বলে’ নিত্যকার ফ্লার্ট্ করা বন্ধ রইল না।”

পেগী বল্ল, “তুমি খুব বেঁচে গেছ। পাগলের সঙ্গে থেকে পাগল হয়ে যেতে। আগুন নিয়ে খেলা করতে নেই সোম।”

সোম বল্ল, “কিন্তু পেগ্, প্রেম মাত্রেই আগুন নিয়ে খেলা। সে আগুন ফুলিঙ্গ থেকে দাবানলে দাঁড়াতে পারে যে কোনো মানুষের জীবনে। ধন, মান, কুলমর্যাদা, পারিবারিক সামঞ্জস্য, জীবনের ‘কাজ’, সকলই সে পুড়িয়ে ছারখার করতে পারে। কিন্তু হাজার পুড়লেও বা সোনার মতো ঝড়ঝক্ কবে তা আমাদের আত্মা। কোনো যুগে কোনো দেশে কোনো মানুষের প্রেম তার আত্মাকে ক্ষুদ্র করেনি, পেগ্—হোক না কেন সে জিনিষ প্রেম নামের অযোগ্য পাশবিক কাম।”

পেগী শান্ত ভাবে সোমের চোখে চোখ রাখল। দুই হাতে সে সোমের বুকের উপরকার বালিশটাকে জড়িয়েছে। তার সোনালী চুল, তার শুভ্র মুখখানিকে সচিত্র করেছে। তার চোখের কোলে অনিদ্রার চিহ্ন।

## আলস নিয়ে খেলা

তখন ভোরের প্রথম আলো দেয়াল জোড়া কাঁচের জানালা দিয়ে  
ঘরে ঢুকছে।

সোম পেগীর চুলগুলিকে হাত দিয়ে ত্রাশ করে' দিল। পেগী চোখ  
বুজে সোহাগ সহ করল। সোম হাত সরিয়ে নিলে আবার চোখ মেলল।

সোম হেসে বলল, “আর মায়া বাড়িয়ে কী হবে? তুমি আমার নও।  
আমার কালকের সন্ধ্যার সব চাল বেচাল হল, তুমিই জিৎলে। এসো  
আমরা জানালার কাছে বসে' ভোর হওয়া দেখি।”

আলস্য ভাঙতে পেগীর খানিকক্ষণ লাগল। সে নৈশ পরিচ্ছদটাকে  
সম্বৃত করে' চুলের ক্লিপ দুটোকে খুলে ও এঁটে চোখে আঙুল বুলোতে  
বুলোতে জানালার কা'ছে গিয়ে দাঁড়াল, জানালার ফ্রীন তুলে দিল এবং  
জানালার কাঁচে বাতাসের পথ করে' দিল।

সোম বলল, “বুকে মাথা রেখে ব্যথা ধরিয়ে দিয়েছ। বাইরে ব্যথা,  
ভিতরে ব্যথা, যেন একটা অপরটার সিঁদুল।”

পেগী কথা বলল না। আনুমনে আকাশের দিকে তাকিয়ে রইল।

তখনো পূব আকাশে রং ধরবার দেহি আছে। ছবি আঁকবার আগে  
ছবিকার তাঁর ক্যানভাসকে যেমন নির্বর্ণ করেন আকাশের দেবতা  
আকাশকে করেছেন তেমনি।

পেগী আনুমনে সোমের একটি হাতকে নিজের কোলের উপর অতি  
ধীরে ধীরে টেনে নিল।

























